





Ex Bibliotheca  
majori Coll. Rom.  
Societ. Jesu

13-23.e.54.

27.3.73

27

E

25

27

D

22





# ANALYTICA DEMONSTRATIO

## EX TESTIMONIIS ATQ. DECRETIS

Summorum Pontificum, à Clemente Papa Primo, vsque ad Gregorium Septimum; & tredecim corollarijs conclusionibus confecta, qua euidentissime demonstratur, immunitatem tam personarum, quàm rerum Ecclesiasticarum esse de iure diuino, per Apostolorum, & Patrum traditionem, Sacrarum Scripturarum de necessaria consequentia interpretationem, & rationum ex eis desumptarum adductionem ad reuincendum Theologi Veneti falsas rationes.

## EDITA, ET CONCINNATA

*per Fr. Iosephum Brancham Syracusanum,*

*Theologum; Ordinis Minorum de Ob-*

*seruantia, in Conuentu Aracali*

*Vrbis Praelectorem.*

AD SANCTISS. PATREM  
P A V L V M PP. V.



Mm. Cocin.



ROM AE, Apud Stephanum Paulinum, MDCVII.  
Superiorum permissu

THE  
JOURNAL OF THE  
ROYAL ANTHROPOLOGICAL INSTITUTE

VOL. LXXV. PART 1. 1945.

CONTENTS.

THE  
JOURNAL OF THE  
ROYAL ANTHROPOLOGICAL INSTITUTE

VOL. LXXV. PART 1. 1945.

CONTENTS.

THE  
JOURNAL OF THE  
ROYAL ANTHROPOLOGICAL INSTITUTE

VOL. LXXV. PART 1. 1945.

CONTENTS.

AD SANCTISS.  
D. N.  
PAVLVM V.



D reuincendum simul, & retundendum falsam opinionem cum suis prætensis rationibus quorundam sciorum, qui nostra hac tempestate Sereniss. Reipublicæ Venetæ Rectores in hoc perniciosissimum discrimen aegerunt, seu verius eosdem fascinauerunt, non obedire disciplinæ Ecclesiasticæ, sanctionumq. Canoniarum veritati; Cum in non amouendo statuta sua aduersus Ecclesiasticā

libertatem nuper edita, tum in nō obtemperando Apostolicis monitorijs, atque censuris in eis iustissime latis, multo satis esse iudicauī, Pater Beatissime, si sententias, testimonia, atque decreta Sanctissimorum Pontificum, eorundem martyrum gloriosissimorum ab ipsis Sanctorum Apostolorum temporibus condita, non modo ante Carolum Magnum primum occidentalium partium Imperatorem, ac Iustinianum, & Theodosium, verum etiam ipsum magnum Constantinum Augustum à Siluestro baptizatum secundum suam personarum, & temporum seriem ordinatam in medium asserrem, fideliterq; recenserem, eo vtique, vt iacent stylo in 1. & 2. Conciliorum Generalium tomo.

**Q**uamobrem ab ipso Romaporū omniū Pontificū primo, Petro inquam Apostolo, (vt opus est) auspicantes, sententiam atq; decretum Clementis nominis huius PP. Primi Anno D. 70. à tempore ferè Neronis vsque ad Domitianum Imper. Quinimo verius, ac rectius ipsius Apostolorum omnium verticis Petri, Dei, & Domini Nostri Iesu Christi Primi Vicarij, per ipsum Clementem in epistola 1. ad Iacobum fratrem Domini sic ordinantis, & loquentis. Proponimus, qui ex fratribus negocia habent inter se apud cognitores seculi non iudicentur, sed apud presbyteros Ecclesiæ, quidquid illud sit dirimatur, & omnimodo obediant statutis eorum. Hæc ibi Clemens ex ore ipsius Petri. Itidem in epistola eadem ex ipso Petro de Episcopis, & presbyteris loquente sic refert. Omnes Principes terræ, & cunctos homines eis obedire, & capita sua submittere, eorumque adiutores existere præcipiebat, vt omnes pariter fideles, & cooperatores legis Dei monstrarentur, ne de

**I.**  
Habentur  
concil. to. 1.  
fol. 15.

Transmittitur  
etiam 11. q.  
1. c. si quis  
ex fratribus.

A a cir

4  
eis dicatur. Confundantur, & erubescant omnes qui pugnant aduersum te, & erunt quasi non sint, & peribunt viri, qui contradicunt tibi. Omnes ergo qui eis contraueniunt, ita damnatos, & infames vsque ad satisfactionem monstrabat, nisi conuerterentur, à liminibus Ecclesie alienos esse præcipiebat. Item in eadem epistola referens loquentem Petrum de secularibus omnibus, & plebe erga Episcopos, & Sacerdotes inquit. Hosque omnes, & eorum Episcopos tota animi virtute diligere, vt oculos suos, quia oculi sunt illorum, eorum præceptis in omnibus obedire, etiam si ipsi aliter (quod absit) agant, memores, scilicet illius Dominici præcepti, *Quæ dicunt facite, quæ autem faciunt facere nolite*, ipsi autem Episcopi si exorbitauerint, ab istis non sunt reprehendendi, vel arguendi, sed supportandi, nisi in fide errauerint, illi ergo super istos sunt, non autem isti super illos, quoniam maior à minore, nec argui, nec iudicari potest; nullus se extollat erga Doctores, ac magistros suos, quia discipulus super magistrum esse non debet nec potest.

Matt. 23.

Vol. 20.

Idem quoque Clemens epistola tertia ad omnes Episcopos, presbyteros, ceterosque clericos, in initio. Vestrum enim, quia legatione Dei fungimini est docere populos, eorum vero est vobis obedire, vt Deo, si autem vobis Episcopis non obedierint omnes presbyteri, & reliqui clerici, omnesque Principes tam maioris ordinis, quam inferioris, atque reliqui populi, non solum infames, sed etiam extorres à Regno Dei, & consortio fidelium, & à liminibus Sancte Dei Ecclesie alieni erunt, nam necessum est eos instruere, eorum est vobis obedire, vt Deo, cuius legatione fungimini, dicente Domino, *Qui vos audit me audit, & qui vos spernit me spernit, & qui vos recipit me recipit, & qui me recipit, recipit cum, qui misit me*. Nihil enim iniustius, & inhonestius est quam filios patribus rebelles, aut clericos, vel laicos doctoribus, seu discipulos magistris inobedientes, vel proteruos existere. Hactenus Clemens.

Luc. 10.

Ecce, quo nam modo claro simul, & gradatim ordinato, procedit Clemens per quatuor testificationes ad demonstrandum immunitatem Ecclesiasticarum personarum esse de superiori iure, quam de simplici humano, cum fateatur, & dicat hæc omnia à Petro ipsum docente audiuisse, qui siquidem Petrus ex se ordinare non ausus esset nisi ab ipso domino didicisset; quinimo idem Clemens in eadē epistola, ita subdit. Hæc, Apostoli à Domino accepta sunt, & nobis tradiderunt, hæc nos docemus, vobisque, & omnibus absque reprehensione tenere, & docere mandamus. In prima testificatione per verba illa. *Si qui ex fratribus negocia habent inter se, apud cognitores seculi non iudicentur, sed apud presbyteros Ecclesie, quidquid illud sit dirimatur; docet causas clericorum ciuiles deferendas esse ad Iudices Ecclesiasticos, nequaquam ad se.*



ad seculares. In secunda testificatione, per verba illa. *Omnes Principes terræ, & cunctos homines eis obedire, & capita sua submittere*: docet omnes tam Principes, quam populares fideles, in spiritualibus, & concernentibus animarum salutem esse subditos Episcopis, & Sacerdotibus. In tertia per illa verba. *Ipsi autem Episcopi si exorbitauerint ab istis non sunt reprehendendi, vel arguendi*, illi ergo super istos sunt, non autem isti super illos, quoniam maior a minori nec argui, nec iudicari potest. Docet Episcopos, & consequenter Sacerdotes in criminalibus causis non posse iudicialiter cognosci à secularibus quibuscumque Principibus, vel magistratibus. In quarta testificatione per illa verba. *Nihil enim iniustius, & inhonestius est, quam filios patribus rebelles, &c.* docet inconueniens, atque absurdum esse si seculares, Episcopis, & Sacerdotibus non obedirent, idemque absurdum, & inconueniens tacite insinuat esse si Episcopi, & Sacerdotes iudicarentur à secularibus, cum illi ex ordinatione diuina sint super istos. Etenim absurdum idem, & inconueniens certo certius eueniret, quando Episcopus causam spiritualem Principis secularis cognosceret, & Princeps causam Episcopi civilem, ex quo fororum confusio inferretur. Vnde theologi insignes Franciscus à Victoria, & eius discipulus Dominicus Soto hoc inconueniens atque absurdum probe perpendentes; licet eius opinionis fuerint, quod immunitas personarum Ecclesiasticarum non sit de iure diuino, scilicet expresso, coacti sunt dicere, necessarium sibi videri, quod ad integram, (vt oportet,) & liberam administrationem rerum spiritualium, personarum Ecclesiasticarum sint exemptæ à iudicio potestatis temporalis, eo, quia non possent commodè vacare officio suo, quam rarionem ab hoc absurdo euitando, pro demonstranda immunitate personarum Ecclesiasticarum, diffuse suo loco pertra&abinus in conclusione nostra quinta. Vt igitur hoc maximum inconueniens, & absurdum remouendum à foro Ecclesiastico indicaret, ab illo antiquissimo Ecclesie exorientis tempore Clemens, seu Petrus potius per Clementem dixit verba illa: *Nihil enim iniustius, & inhonestius est, quam filios parentibus rebelles, &c.*

Relat. de  
Eccles. pot. q.  
vi. pro. 3.  
4. dist. 25. q.  
artic. 1.

**A** Naclerus PP. Clementis successor immediatus Anno D. 83. tempore Traiani Imp. epistola 1. de oppressione Episcoporum, & cæterorum clericorum, primo omnium inquit: Priuilegia enim Ecclesiarum, & Sacerdotum Sancti Apostoli iussu Saluatoris, intemerata, & inuiolata omnibus decreuerunt manere temporibus, leges Ecclesie Apostolica autoritate firmamos, & peregrina iudicia submouemus: vnde & Dominus mentionē faciēs Loth per Moysen loquitur dicens: *Ingressus es quidem*, inquit, *vt aduenias: nunquid vt iudices?* Idem in secunda epistola ad Episcopos Italiz, &

2.  
fol. 197

Gen. 19.

lię, & sacerdotes, & clericos, inquit: Accusatio quoque eorum fa-  
per qua nos consulistis non nisi ab idoneis, & probatissimis viris,  
qui & suspicionibus, & sceleribus careant, fieri debet, quia dominus  
sacri sui corporis tractatores, à vilibus, & reprobis, ac non ido-  
neis personis infamari noluit, nec calumniari permisit; sed ipse  
proprio flagello peccantes sacerdotes à templo eiecit. Deinde sub-  
dit dicens: Vnde liquet quod summi Sacerdotes, idest Episcopi, à  
Deo sunt iudicandi, non ab humanis, aut prauz vitę hominibus  
lacerandi, sed potius ab hominibus fidelidus portandi, ipso Do-  
mino exemplum dante, quando per seipsum, & non per alium, uen-  
dentes, & cientes eiecit de templo, & sicut alibi ait: *Deus stetit in*  
*Synagoga deorum, in medio autem deos discernit.* & alibi: *Ego dixi*  
*dij estis, & filij excelsi omnes;* nullus enim (vt reor) inuenitur, qui  
velit suum seruum ab alio quam a se iudicari, quod si presumptum  
fuerit, aut multa ipse indignatione irascitur, aut potius ultionem  
querit super eum; si vero hoc inter homines agitur; quid putatis  
faciet Deus deorum, & dominus dominantium, qui ultionem suorum  
promisit non deserere seruorum; vnde & ipse per Prophetam loqui-  
tur dicens: *Deus ultionum Dominus, Deus ultionem libere egit.*

Idem in eadem inferius inquit: Eiectionem quoque (vt supra  
memoratum est) summorum sacerdotum sibi dominus reseruauit,  
licet electio eorum bonis sacerdotibus, & spiritualibus populis  
concessit.

Idem in suis decretis. Laici in accusatione Episcoporum audiendi  
non sunt, quia oppido eis quidam infesti sunt, & indignum est, vt  
ab eis accusentur, qui eorum grauitatem nelunt imitari. hæc om-  
nia Anacletus. Quibus eo vtique modo, & clarius gradatim vide-  
tur procedere, quo Clemens eius prædecessor, & primo testificatur  
immunitatem Ecclesiasticam, quam nomine priuilegiorum pro-  
priissime nominat, Ecclesiarum simul, & Sacerdotum, iussu domini  
Saluatoris esse constitutam, & intemeratam, & inuiolatam debere  
conseruari omnibus temporibus in futurum. Secundo declarat, pe-  
regrina iudicia hoc est potestatem secularem super Sacerdotes ef-  
se sublatam, quod graffice per dictum illud Gen. de Loth. *Ingressus*  
*es quidem vt aduena nunquid ut iudices?* redarguit Principes secula-  
res, qui tanquam hospites, & aduenę ingressi sunt in Ecclesiam  
Christianam per ianuam, scilicet baptismatis, & ab Ecclesia om-  
nium Christianorum suscepti, vt essent ciues Sanctorum, & domesti-  
ci Dei, non vt iudicent Sacerdotes, sed potius, vt à Sacerdotibus  
iudicentur. Tertio confirmat assertum eo quod dum dicit, quod  
dominus Sacerdotes corporis sui tractatores à non idoneis per-  
sonis prohibet accusari, multo magis indicat non debere à secula-  
ribus iudicari, sed à solis superioribus Ecclesiasticis, scilicet Epi-  
scopis

Psalm. 81.

Psalm. 95.

Resumitur  
2. q. 7. cap.  
laici:

Gen. 19.

7  
scopis, quibus hæc doctrina tribuitur. Quarto ne quis suspicaretur, quod ipsi Episcopi saltem deberent à principibus secularibus iudicari, expresse subnequit dicens clare. Vnde liquet, quod summi Sacerdotes, idest Episcopi, à Deo sunt iudicandi, non ab humanis, (scilicet iudicibus laicis) ipso domino exemplum dante, quando per se ipsum, & non per alium, vendentes, & ementes eiecit de templo, & per Prophetæ autoritatem: *Deus fleuit in Synagoga Deorum*, *Psal. 81.* &c. Quinto totam testificationem pro immunitate, & libertate, Ecclesiastica corroborat, per illam vrgentissimam rationem, videlicet. Nullus enim inuenitur, qui velit suum seruum ab alio quam à se iudicari. Sexto incutit timorem in præsumptores Principes, qui auderent aliquam in Dei seruos sententiam ferre, & tanquam sibi subditos recognoscere, dicens. Quid putatis, scilicet, o principes seculi talia præsumentes; faciet super vos Deus deorum, & dominus dominantium, qui ultionem suorum promisit non differre seruorum?

3.  
**E** Varistus PP. I. Anno D. 96. tempore Traiani Imp. epist. secunda ad omnes Christi fideles per Aegyptum, inquit, Audiui-  
mus enim, quosdam infamatos, & dilaceratos Episcopos, ac à ciuitatibus expulsos, (quia alibi Episcopi constitui non possunt nisi in ciuitatibus non minimis,) & alios in eis ipsis viuentibus constitutos. Ideo hæc vobis scribimus, vt sciatis hoc fieri non licere, sed priores reuocari, & integerrime restitui debere; deinde post aliqua. Si autem aduersus eos aliquam querelam habueritis, his peractis inquirendum erit, & auctoritate huius Sanctæ Sedis terminandum; & post aliqua in eadem epistola inquit ita: Non est itaque à plebe, aut vulgaribus hominibus arguendus, vel accusandus Episcopus, licet sit inordinatus, quia pro meritis subditorum disponitur a Deo vita rectorum. Idem quoque Euaristus in eadem epistola, secunda inquit. Si qui sunt vituperatores, & accusatores Episcoporum, aut reliquorum Sacerdotum, non oportet eos à iudiciis Ecclesiæ audiri, antequam eorum discutiatur estimationis suspicio, vel opinio. Hic Sanctissimus, & Gloriosissimus Martyr Euaristus improbat, vt illicitum, scilicet contra Dei ordinationem per populos, & consequenter per Populi Rectores iudicari, & condemnari Episcopos, & Sacerdotes; deinde non nisi auctoritate Sedis Apostolicæ cognoscendas, & terminandas esse causas Episcoporum. Postremo, quod Episcopus nullo pacto potest à plebe, & consequenter à principibus laicis, qui auctoritatem suam naturaliter habent à populis, argui, & iudicari, sed à iudicibus Ecclesiasticis solum modo causæ Episcoporum, & aliorum Sacerdotum audiri, & iudicari debent.

4.  
**A**lexander Papa I. & quintus sub Petro, Anno D. 109. tempore Adriani Imp. epistola prima ad omnes orthodoxos inquit. Relat-

xi. q. 7. e. Re-  
latum.

In tom. con  
cil. 1.  
1. cor. 6.

cap. 4.

Conc. tom. 1  
fol. 42

conc. tom. 1  
folio 42

Lucz 10

Relatum est ad huius Sanctæ, & Apostolicę Sedis apicem cui sum-  
marum dispositiones causarum, & omnium negocia Ecclesia-  
rum ab ipso domino tradita sunt quasi ad caput, ipso dicente; *Tu  
es Petrus, & super hanc Petram edificabo Ecclesiam meam*. Quod qui-  
dam emuli Christi eiusdem Sanctę Ecclesię insidiatores, Sacerdo-  
tes Dei ad iudices publicos accusare præsumunt, cum magis Apo-  
stolus Christianorum causas ad Ecclesias deferri, & ibi terminari  
præcipiat, quoniam taliter præuaricantes, præuaricauerunt in  
Deum suum, & non obedierunt præceptis eius, de quibus Dominus  
per Osee Prophetam loquitur dicens. *Quasi vacca salientes declina-  
uerunt, & dilexerunt offerre ignominiam protectoribus suis*. hæc Ale-  
xander. Hic Pontifex summus, & gloriosus martyr Alexander de-  
clarat, atque ordinat, sacerdotes esse immunes à iudicijs Princi-  
pum secularium, docens, & asserens, quod deferentes sacerdotū cau-  
sas ad iudices seculares violant Dei præceptū in ipsum Deū præuari-  
cātes, ex quo insinuat immunitatē istā personarū Ecclesiasticarū  
à secularium potestate esse de ipsius Dei præcepto, & ordinatione.

**S**ixtus Papa I. Anno D. 117. tempore quoque Adriani, epistola  
secunda ad omnes Christi fideles inquit. Ab hac .n. Sancta Se-  
de à Sanctis Apostolis tueri, defendi, & liberari Episcopi iussi sunt,  
ut sicut eorum dispositione (ordinante Domino) primitus sunt con-  
stituti, sic huius Sanctę Sedis cuius dispositioni eorum causas, &  
iudicia seruauerunt, protectione futuris temporibus sint ab omni-  
bus peruersitatibus semper liberi. Vnde culpantur hi, qui aliter cir-  
ca fratres egerint: quam huius Sedis rectoribus placere cognoue-  
runt. Resolute, & clare sanctissimus hic Pontifex, & martyr Sixtus  
docet Episcopos tueri, defendi, & liberari debere ab omni, scilicet  
vexatione, & subiectione Principum secularium, & hoc iussione  
Apostolorum, Deo ordinante, per ipsam Sanctam Apostolicam  
Sedem.

**T**helesphorus PP. Anno D. 127. tēpore Antonini Pij Imp. epistola  
ad omnes fideles inquit: Ipsi uero qui proprio ore corpus Dñi  
conficiunt, ab omnibus sunt audiendi, obediendi, atq; timendi, & nō  
dilacerandi, aut detrahendi, quia à quibus se dū populus benedici,  
saluari, & instrui cupit, nullatenus debet eos arguere, nec vulgus  
in eorum accusatione suscipi: populus enim ab eis docendus est, &  
corripiendus non ipsi ab eo, quia non est discipulus super magistrū:  
deinde post aliqua loquens de omnibus episcopis, & sacerdotibus  
subnectit dicens: Dei filius dominus noster humano generi salutem  
condonans plenam; de nobis, ait. *Qui vos recipit, me recipit, &  
qui vos spernit, me spernit*. Si ergo dominus in eis recipitur,  
& eiicitur, proculdubio ipsius sunt qui in eis reiicitur, vel su-  
scipitur: & tu quis es, qui iudicas seruū alienum, procul-  
dubio transgressor es legis Dei, & apostolorum, & prophetarum, &  
non so-

non solum horum, sed etiam legum humanarum: omnes enim leges tam diuinæ, quam humanæ alienū seruum iudicare prohibent, Hactenus Thelephorus. Summus hic Pontifex, & inclitus martyr decernit, atque declarat rationibus, & autoritatibus sacræ scripturæ, humanarumq. omnium legū, sacerdotes qui proprio ore corpus domini nostri conficiunt, non posse a secularibus argui, & ita nec iudicari, cum ipsius Dei sint selecti serui, ac ministri, & populorum magistri, de quibus, dixerat, in principio epistolæ, sicut laici, & seculares homines nolunt eos recipere in accusationibus, & infamationibus suis, ita nec clerici debent eos recipere in imputationibus suis, quoniam in omnibus discreta debet semper esse, & segregata vita, & conuersatio clericorum à secularium laicorum.

**P**ius Papa I. Anno D. 142. tempore Marci Antonini Veri epist. ad vniuersos Christi fideles inquit. Oves enim pastorem suum non reprehendunt, plebs vero Episcopum non accuset, nec vulgus eum, quoniam non est discipulus super magistrum, neque seruus super Dominum. Episcopi autem à Deo sunt iudicandi, qui eos sibi oculos elegit, nam à subditis, aut prauæ vitæ hominibus, non sunt arguendi, vel accusandi, aut lacerandi, ipso domino exemplum dante, quando per se ipsum, & non per alium vendentes Sacerdotes, & ementes eiecit de templo, & mensas nummulariorum proprio euerit slagello, & euerit de templo, & sicut alibi per Prophetam loquitur dicens. *Deus stetit in Synagoga eorum, in medio autem Deos discernit.* Si quis autem vero à suo proposito retrorsum exorbitauerit, & iussum Apostolicæ Sedis libenter transgressus fuerit, infamis efficitur; & dum intentum confirmat autoritate Psalmi 81. *Deus stetit in Synagoga eorum, in medio autem Deos discernit;* docet, & statuit sacerdotes à Deo solo posse iudicari hoc est à iudicibus Ecclesiasticis, ex ipsius Dei ordinatione. Igitur dum docet simul, & ordinat sanctissimus Pontifex, & martyr Pius, Episcopos, & consequenter sacerdotes non esse arguendos, vel accusandos, clare videtur inferre, nec iudicio impetendos à subditis, & secularibus; adducens ad hoc exemplum domini qui per se ipsum non per alium eiecit ementes, & vendentes de templo Sacerdotes, scilicet, & Ministros templi negotiatores, quo facto insinuat à nemi ne secularium iudicium Ministros Ecclesiæ posse iudicari.

**L**eutherus Anno D. 171. tempore Lucij Commodi Imperat. epist. ad Galliæ Prouincias. De accusationibus ergo clericorum super quibus consulti sumus, quia omnes eorum accusationes difficile est ad Sedem Apostolicam deferre, finitiua Episcoporum tantum iudicia huc deferantur, vt huius Sanctæ Sedis autoritate finiatur sicut ab Apostolis eorumque successoribus multorum consensu Episcoporum iam definitum est; deinde post aliqua Reliquo-

B rum

7

6. q. 1. c. ones  
pastorem.  
conc. rom. 1.  
fol. 47

psal: 81

81

fol. 52

Habentur  
concil. to. 1.  
fol. 52.

rum vero clericorum causas apud Prouinciales, & Metropolitana-  
nos, & primates, & ventilare, & iuste finire licet, hæc Eleut herusi

9.

**V**ictor Papa I. Anno D. 186. tempore Elij Pertinacis Imper.  
epist. 1. ad Theophilum Alexandriæ Episcopum ait. Culpantur enim, ut scriptum est, fratres, qui aliter circa Episcopos iudicare præsumunt, quam Apostolicæ Sedis Papæ fieri placuerit, & quis est qui iudicat eum quæ dominus sibi, & huic Sanctæ Sedi referuari voluit iudicandum? Beatissimus Papa, & martyr gloriosissimus Victor audacter redarguit omnes illos qui auderent iudicare, quos Sancta Sedes Apostolica ex ipsius Dei ordinatione ab alijs non sibi placuerit iudicari, Sedes autem Apostolica, ut ex superioribus sententijs constar à iudicibus laicis Ecclesiæ ministros iudicari constanter inhiuit de ipsius Dei ordinatione.

concil. tom. 1.  
fol. 53.

10.

**P**ontianus Papa I. Anno D. 231. temp. Alexandri Seueri Imp.  
epist. ad Felicem Succribonum, decernit, & inquit, De Sacerdotibus autem domini, quos vos audivimus contra prauorum hominum insidias adiuuare, eorumque causas portare, scitote vos in eo valde Deo placere, qui sibi eos ad seruiendum ascivit, & familiares in tantum sibi esse voluit, ut etiam aliorum hostias per eos acceptaret, atque eorum peccata donaret, sibi que reconciliaret, ipsi quoque proprio ore corpus Domini conficiunt, & populis tradunt: de illis enim dictum est, *qui vos contristabit, me contristabit; & qui vobis facit iniuriam, recipies id quod inique gessit*, in eis quoque dominus honoratur, cuius legatione funguntur: hi ergo si forte ceciderint à fidelibus sunt subleuandi, & portandi, si peccauerint à reliquis arguuntur Sacerdotibus, sed à Summis Pontificibus constringuntur, & non à secularibus, aut malæ vitæ hominibus arguantur, vel arceantur. Aperte Sanctissimus, & insignis martyr Pontianus pernegat Sacerdotes posse à secularibus argui, & iudicari, dum docet diuinitus esse ascitos in ipsius domini familiares, & seruos, ut populis peccata remitterent, proprioque ore corpus Domini conficerent, & populis traderent, quamobrem si ipsi Sacerdotes peccauerint, non à secularibus, sed ab alijs Sacerdotibus deberent argui, & urgente delicti causa à solis Pontificibus constringi.

concil. tom. 1.  
fol. 62.

coloss. 3.

11.

**F**abianus Papa I. Anno D. 237. tempore Gordiani, & Decij Imp. decernit, & inquit: Si in rebus secularibus suum cuiusque ius, & proprius ordo seruandus est quanto magis in Ecclesiasticis disputationibus nulla debet induci confusio, quod ista obseruatione obseruabitur, si nihil potestari, sed totum æquitati retribuitur, unde constat Episcopos locorum singulorum omnium, qui sub eorum degunt moderamine curam habere sollicitam, & causas, utili.

fol. 63.

utilitatesque eorum cum Dei timore disponere; Idem epistola secunda ad omnes orientales episcopos, decernit, & inquit: Ideo hæc permiffimus, vt cognoscatur ab his quibus incognitum est, quod sacerdotes quos dominus sibi de omnibus asciiuit, & suos esse voluit, nō sunt leuiter tractandi, nec seuerè accusandi, aut reprehēdendi, nisi à suis magistris, quoniam eorum causas sibi dominus referuare voluit, & suō iudicio iudicari: nam in his, & in alijs præceptis domini, vt fideles cognoscantur, & infideles reprobentur, nullatenus ergo potest cōdemnari humano examine, quem Deus suo iudicio reseruauit, vt propositum Dei quo decreuit saluare quod perierat fiat immobile, & ideo quia voluntas eius non immutatur, nullus præsumat, quæ sibi nō sunt cōcessa. Deinde post aliqua in eadem epistola ordinat, & dicit. Similiter statuentes apostolica auctoritate iubemus ne pastorem suum oues quæ ei commissæ fuerāt (nisi forte in fide errauerit) reprehendere audeant, quia facta præpositorum oris gladio ferienda non sunt, neque potest esse discipulus super magistrum, nec seruus super dominum suum, odibilis autē corā Deo, & hominibus est superbia, & execrabilis omnis iniquitas; Valde ergo iniquū est, vt alij quilibet omiffis suis se illorum causis admisceant, sed illi eorū vitā, & iudicium cōpetenti, regulari. q. moderamine disponere debeant, qui eos in sacerdotum ordinant, & à quibus iā ordinati sunt, quoniam vt lex loquitur, *Maledictus omnis est, qui transfert terminos proximi sui, & dixit omnis populus, Amen.* Deus ergo fratres ad hoc præordinauit vos, vt omnes qui summo Sacerdotio fungimini iniustitias remoueatis, & præsumptiones abscindatis, & in sacerdotio laborantibus succurratis. Sacerdotes quoque dominus sibi elegit, vt sacrificent, & afferant oblationes domino, leuitas quoque sub eis esse iussit in ministerijs eorum, vnde & ad Moysen loquitur dicens. *Princeps autem Principum leuitarum Eleazar filius Aaron Sacerdotis erit super excubitores Ecclesie Sanctuarij.* de his enim locutus est dominus ad Moysen dicens. *Tolle leuitas pro primogenitis filiorum Israel, & pecora leuitarum pro pecoribus eorum, eruntque leuitæ mei, ego dominus.* Si igitur leuitas suos esse dominus voluit, quanto magis Sacerdotes sibi asciiuit? Omnia vero quæ dicta sunt caute tractanda sunt, & non leuiter præcipitanda. Idem in eadem epistola. Ipſi Apostoli, & eorum successores statuerunt vt sacerdotes Domini non accusent, nec in eos testificentur, qui sui ordinis non sunt, nec esse possunt. Hæc omnia ibi gloriosissimus martyr, & Papa Fabianus, ex quibus omnibus tria sunt magnopere consideranda, tanquam certissima, & Catholica axiomata. Primum ex prima sententia, videlicet quod causæ personarum Ecclesiasticarum quas Fabianus vocat disputationes Ecclesiasticas: vt non admittatur tribunalium,

Habētur hæc omnia verba in epistol. 22 Fabiani, vt in tom. 11. concil. impresso coloniz, per Petrū Quintell: anno . 1538: Deut. 17.

Num. 3.

atque fororum confusio, quæ contra iudiciorum naturam esset, ad Episcopos locorum debeant deferri, ibique terminari, & ne quispiam putaret in his solis Ecclesiasticis disputationibus, hoc est causis mere spiritualibus, sacerdotes, omnesque altaris ministros exemptos esse à secularium Principum tribunali; subinfertur secundum ex secunda sententia, scilicet quod ulterius de ipsius Dei speciali voluntate, proposito, atque immutabili præcepto per ipsos sanctissimos Apostolos pronunciato, ordinatum est, Sacerdotes humano examine, hoc est seculari iudicio non posse iudicari, sed solum iudicio suorum magistrorum, hoc est Episcoporum, & qui seculares secus attentarent contra diuinum præceptum facerent, & ea quæ sibi non sunt concessa præsumerent. Tercium ex tertia Fabiani sententia, nimirum, quod non solum Episcopi ex Apostolorum doctrina sunt liberi, & exempti à iudicijs secularium, sed rationibus ex veteri testamento adductis necessario concludentibus ipsi quoque Sacerdotes minores atque leuitæ, scilicet Diaconi, & subdiaconi; Sacerdotes inquam ratione sacrificij, quod domino offerunt, & leuitæ ratione ministerij, quod in eodem Sacrosancti altaris præstant sacrificio, ut intelligatur, quod quodcumque in prænaratis; & narrandis sententijs, & decretis de solis Episcopis fit mentio specialis, de Sacerdotibus quoque minoribus, cæterisque ministris ordinis Sacri eadem fieri mentio censetur, & hoc ratione necessariæ consequentiæ; nam si Episcopos sibi dominus associuit pro ministerijs Ecclesiasticis, ita quoque sibi associuit Sacerdotes diaconos, & subdiaconos pro Sacrosancto altaris sacrificio ad quod celebrandum, complendum, & populis exhibendum omnes ex eadem institutione diuina inseruiunt. Idem quoque in eadem epistola inquit. Ipsi Apostoli, & eorum successores statuerunt, ut sacerdotes domini non accusent, nec in eos testificentur qui sui ordinis non sunt, nec esse possunt; his utique verbis per argumentum à minori negative, quod semper est vrgens, & concludens; ostenditur, quod per statuta Apostolorum, & eorum successorum; illi, qui non sunt ordinis sacerdotalis, nec esse possunt, hoc est seculares non possunt accusare Sacerdotes, nec contra eos testificari, ex quo de necessaria conclusum relinquitur consequentia, quod virtute eiusdem statuti Apostolorum, multo minus Principes seculares poterant sacerdotes iudicare.

12.  
EOLC 10.1.1  
folio 108

**F**elix Papa I Anno D. 371. tempore Aureliani Imperat. epist. secunda ad Episcopos vniuersos per Gallie Prouincias testificatur, & decernit, dicens. Nos vero ad supplementum vestrum fratres, & Coepiscopos nostros vocauimus amplius quam septuaginta, cum quibus hæc quæ subter habentur inserta regulariter tractando decreuimus. Vestris enim epistolis in omnium audientia  
per;



petleas, quę multas (vt nostis) querimonias, & oppressiones in se continebant vestras, de cretisque quę sunt de accusationibus Episcoporum Sancta Synodus dixit. Hęc sunt quę deinceps propter malorum hominum insidias, qui in Ecclesiam, & in Ecclesiasticos seuiunt viros indifferenter, conseruare firmissime volumus in secula. Si quis Episcopus ab illis accusatoribus qui recipiendi sunt fuerit accusatus, postquam ipse charitatie conuentus fuerit, vt ipse causam emendare debeat, & eam corrigere noluerit, non olim sed tunc ad summos Primates causa eius canonice deferatur, qui in congruo loco intra ipsam Prouinciam tempore congruo Concilium regulariter conuocare debebunt, ita vt ab omnibus eiusdem Prouincię Episcopis inhiberi audiatur. Hac nimirum testificatione, & decreto Felicis Papę I. clare colligitur, quod dum causa Episcoporum non potest deferri, nec determinari, nisi a Summis Primatibus, infertur, quod nullo pacto iudicialiter cognosci potest a Principe seculari.

**G**aius Papa I. Anno D. 283. tempore Diocletiani Imp. epist. ad Felicem Episcopum sic decreuit. Nemo vnquam Episcopum apud Iudices seculares, aut alios clericos accusare pręsumat. Decretum certe Sanctissimi huius Pontificis, & martyris Gaii sicuti breuissimum, ita & apertissimum est ad innuendum Principes seculares nullam habere iurisdictionem in personas Episcoporum omniumq; aliorum clericorum, dum prohibet accusari clericos apud Iudices seculares, nam vbi non est forum proprium non est potestas iudicandi, quia forum fortiri, & statutis ligari paria sunt. DD. in l. omnes populi, ff. de iust. & iure.

**M**arcellus Papa I. Anno D. 304. tempore Constantij, Galerij atque Maxentij Imper. ex Apostolorum doctrina, sanctionibus precesorum, ita super omnes specificate decreuit, & dixit. Nullos Episcopus pro ciuili, neque pro criminali causa apud quemuis Iudicem, siue ciuilem, siue militarem producat, uel exhibetur: Magistratus enim qui hoc iubere ausus fuerit amissione rerum, & cinguli condemnatione plectetur. Nec mirum quod Sanctissimus hic Pontifex, & martyr Marcellus super omnes alios adeo clare, & distincte, ac libere cum omnibus ad rem legalibus claufulis requisitis libertatę personarū Ecclesiasticarū explicat, atq; decernit in ipsis pronuntiatis Episcopis, & consequenter, vt ex Fabiano dictum est, intelligēs decernere, & loqui de omnibus Ecclesiasticis ministris cum specificatione causarum ciuiliū, & criminalium, Iudicis ciuilis, vel militaris, cum assignatione, & iniunctione penarum in Magistratus contraria audentes, amissionis rerum, & condemnationis cinguli, hoc est officij: quia ipse quoque pręcipuus inter omnes precessores legitur tantę extitisse fortitudi-

nis

13.

xi q. 1. c. Ne  
mo vnquam  
fol. 108

14.

11. q. 1. c. nul  
lus Episc.

Conc. tom. 1  
fol. 113

nis animi, atque sapientiæ, vt ipsum tyrannum tunc Maxentium per epistolam ad eum missam grauitè redarguere non metuerit, in qua quamplurima alia de hac Ecclesiastica immunitate differit docens quomodo se modeste, & reuerenter gerere debet, omnis Princeps erga personas Ecclesiasticas, & ipsas Ecclesias, occasione cuius epistolæ sibi singulare martyrium, ac diuturnū conquisiuit, dū in senso tyranno mandantē in catabulo bestiarum reclusus propter loci sordiditatem pedore confectus obdormiuit in Domino, summus Pontifex ac martyr gloriosus in Ecclesia Sancta Dei hic Beatissimus Marcellus. Ergo testificatio ipsius atq. sententia absque disciplinæ Ecclesiasticæ notabili præiudicio refelli non potest, quare dum asserit, & decernit Episcopos, & consequenter sacros clericos omnes, nec pro ciuili, nec pro criminali causa apud quemuis Iudicem secularem produci posse, seu exhiberi, certò illos debere liberos, & immunes ab omni potestate laica esse declarat.

15.

3. q. 53. c. de  
accusationi-  
bus :  
conc. tom. 1.  
fol. 124.

**E**usebius Papa An. D. 310. tempore Maxentij, & Constantini Imp. epistola prima ad omnes Galitiæ Episcopos, sic declarat, & ordinat. De accusationibus uero clericorum super quibus mandatis, scitote à tempore Apostolorum in hac Sancta Vrbe seruatum esse, accusatores, & accusationes cum exterarum consuetudinum, leges nō asciscant à clericorum accusatione submotas. Similiter laicos non accusasse Episcopos, hæcenus obseruatum, & constitutum est, quia eiusdem non sunt conuersationis, & oppidò, eis quidem infesti existunt, quippe cum vita eorum, & conuersatio debeat esse secreta, & à laicorum actibus remota, nec ab his impeti debeant, quorum castitatem, & grauitatem nolunt imitari, maxime cū nec hi eos in his valeant recipere accusationibus. Idem in eadem inquit. De ipsis vero suis agricultoribus atque ministris, dominus, laicis, & cunctis persequentibus eos ait. *Nolite tangere Christos meos, & in Prophetis meis nolite malignari.* Et ipsa sacra scriptura dicit. *Qui vos tangit, tangit pupillam oculi mei.* Talia enim, & his similia Sancti Patres prævidentes pericula, laicos seculo militantes ab accusatione sacerdotum prohibuere. Nam si hoc Apostoli, aut successores eorum permitterent, perpauci remansissent, qui domino in sacerdotali ordine militassent. Ex sententia huius Beatissimi Pontificis, & martyris Eusebij quatuor pro libertate Ecclesiasticarum personarum notatu dignissima excipiuntur: Vnum, quod à tempore Apostolorum usque ad tempus suum tyrannis etiam Idololatriæ regnantibus semper obseruatum in vrbe fuit, clericos non accusari, scilicet apud Iudices seculares. Alterum, quod exterarum consuetudinum leges accusare clericos non asciscunt, hoc est quod nullæ leges, seu nulla consuetudo quæ vim legis obtineret inter Christianos tunc apparebat, quæ præci-

pe-

psal. 104.

Zacc. 2.

peret recipi accusationes in clericos . Tercium, quod differentiā vice clericorum à viris laicorum de sua ratione naturali id exposulat, vt laci non debeant clericos accusare cum sint differentis vite, & politicæ conuersationis . Quartū quod sicut ad accusandum laicos ea libertate, qua leges seculi disponunt ad vindictā scilicet sanguinis, Clerici non recipiuntur, ita quoque requirit æquitas iusti, vt nec laici ad accusandum clericos secundū eandē libertatem ad sanguinis vindictā iuxta leges seculi recipi debeant : ex quibus omnibus simul comprehensis hæc clarissima, atque firmissima eruitur conclusio . Quod Iudices seculares in suis iudicijs non possunt recipere accusationes contra clericos, & ex consequenti, nec eos vllō pacto iudicare .

**M**elchides Papa I. Anno D. 311. tempore eorundem Imperatorum Maxencij, & Constantini, epistola ad omnes Hispaniæ Episcopos, decernit, & inquit . Hoc enim priuilegium huic Sanctæ Sedi à temporibus Apostolorum, statutum est seruare, quod illud maneat vsque in hodiernum diem Episcopos quos sibi dominus tanquam oculos elegit, & columnas Ecclesiæ esse voluit, quibus etiam ligandi, & soluendi dedit potestatem suo iudicio reservauit, hocque priuilegio beato clauigero Petro sua vice solummodo commisit, deinde quod Dei ordinatione taliter ordinatum esse credimus, ne omnes in posterum cuncta sibi vendicarent, sed semper maiores causæ sicut sunt Episcoporum, & potiorum curæ negotiorum ad vnam Beati Petri Principis Apostolorum Sedem confluerent, & inde suscipiant sensum iudiciorum, vnde acceperunt initium institutionum, ne quandoque à suo discrepent capite . Hæc ænus Melchides . Qui quidē continuata serie declarat à temporibus Apostolorum Episcopos, & consequenter Sacerdotes, & clericos sacro altari deferuientes cum ipsis Episcopis iudicio solum Dei hoc est Ecclesiastico esse reservatos de ipsius Dei ordinatione, & ideo esse omnino liberos atque immunes à iudicio laicorum, & potestate .

**S**iluester Papa I. Anno D. 315. tempore Constantini Augusti in concilio, quod in vrbe Roma celebravit intra Thermas Domitianas præsentē eodem Constantino Augusto, & 275. Episcopis, vt legitur in eiusdem concilij decretis, cap. 3. Ita dixit . Nulli omnino clerico licere causam quamlibet in publico examinare, nec vllum clericum ante iudicem laicum stare, & dixerunt omnes Episcopi, placet . Item in eiusdem concilij narratione sic habetur . Consensu, & subscriptione omnium constitutum est, vt nullus laicus crimen clerico audeat inferre . Deinde post aliqua . Nemo enim clericus quemlibet in publico examinari presumat, nisi in Ecclesiâ, nemo enim clericus, & diaconus, ac presbyter propter quamlibet

16

conc. tom. 2.  
fol. 130,

17

conc. tom. 2.  
fol. 165,

bet causam intret in curiam, nec ante Iudicem cinctum causam dicere presumat; Ecce quam clarè quamque libere coram Constantino Magno Imperatore decretum est in illo concilio nullum clericum ante Iudicem laicum stare. Hoc est nullum clericum à Iudice laico posse cognosci iudicialiter, neque ante Iudicem cinctum hoc est iudicem laicum pro tribunali suo sedente suam posse causam dicere. Ex quo quidem communi Patrum decreto, ipse Constantinus didicit Episcopos, Sacerdotes, & alios altaris sacri ministros esse ipsius Dei iudicio reseruatos, neque à quocunque laico Principe posse iudicari; quemadmodum, & ipse Constantinus postea in Concilio Niceno factus est, & exequutus sicuti, mox ex historia Ruffini, & Sozomeni recensebimus.

18

conc. tom. 1,  
fol. 126,

**I**N Concilio Carthaginensi I. sub Siluestro, vel Marco Papa congregato, cap. 9. sic habetur. Gratus Episcopus dixit. Nulli dubium est, quod omnes, vel Domini, vel Procuratores, vel quicunque præsunt, cū audierint saluberrima instituta concilij, & sibi esse consultū nec impeditū, propriā debebūt tēperare iniuriā in clericis nostris. Quod si iniuria cōstitutionis imperatoris clericos inquietādos putauerit, si defensio Ecclesiastica nos nō deridet pudor publicus vindicabitur. Vniuersi dixerūt saluberrimę professiones debuerunt à tanto concedi Concilio; hæc ibi. Ex his equidem colligitur manifeste, quod quia tunc certe fit iniuria clerico, quando apud Iudicem laicum compellitur conuenire, ideo ad defensionem immunitatis clericorum, & ad vindicandum pudorem hunc publicum, decretum est, vt omnes Episcopi teneantur iniuriam istam temperare, & compescere, quamuis pro suo tempore aliqua constitutio imperialis obssisteret. Cum defensio Ecclesiastica, hoc est ius defendendi immunitatem clericorum, atque libertatem, nos non derideat, hoc est stabilis semper, & confirmata permaneat, scilicet ex ipsius Dei ordinatione à temporibus Apostolorum quemadmodum plures summi Pontifices contestati sunt.

19.

**S**eriem istam tot Sanctissimorum Pontificum, atque prerogatiuam Ecclesiasticę huius libertatis, seu defensionis, eodem tempore Siluestri, conseruat, & adauget factum illud admirabile Magni Constantini Augusti in synodo generali in Nicea Bithinię congregata. Nam vt narrat Ruffinus, lib. 1. cap. 1. historię Ecclesiasticę, & Sozomenus in historia tripartita, lib. 2. cap. 2. quod legitur etiam in præfatione eiusdem concilij ante actionem primam. Cum ex omnibus penè locis Episcopi conuenissent, & diuersis ex causis inter se diuersa iurgia detulissent, interpellabatur Constantinus, & frequenter à singulis offerebantur libelli, & culpę proferebantur; at ille suscepit à singulis libellos, quos simul omnes in sinu suo continens, nec quod in eis contineretur aperiens, ait ad eos, Deus vos

con-

constituit Sacerdotes, & potestatem dedit vobis iudicandi quoque de nobis, ideo nos à vobis recte iudicamur, vos autem non potestis ab hominibus iudicari, propter quod Dei solius inter vos expectate iudicium, ut & vestra iurgia quæcunque sunt, ad illud diuinum referentur examen. Vos enim nobis à Deo dati estis Dij, conueniens non est, ut homo iudicet Deos, sed ille solus, de quo scriptum est; *Deus stetit in Synagoga eorum in medio autem Deos discernit*. Cum hæc dixisset, omnes simul querimoniarum libellos iussit exuri, ne innotesceret ulli odium, & suggillatio Sacerdotum: hæc ibi. Nec audiendi sunt ullo pacto ij, qui de sua imaginatione leuissime cogitant dicentes, Verba hæc Constantinum ex sola sua deuotione, & pietate protulisse. Falsum utique est hoc commentum, & temerarium. Quoniam ut colligitur ex eadem historia, & si Constantinus verba hæc dixerit ex pietate, attamen illa non protulit præter id, quod vere sentiebat; quod siquidem ex ordinatione diuina constitutum esse intellexerat à Siluestro, & alijs patribus, vnde, & in rei comprobationem sic instructus à patribus, auctoritatem Prophetæ psal. 81. allegauit dicens. *Deus stetit in Synagoga eorum in medio autem Deos discernit*. Et hoc utique totum in signum veri, & realis iudicij super Sacerdotes, quod nimirum ex ipsa ordinatione diuina non esset amplius penes Principes seculares, quam siquidem psalmi auctoritatem ante ipsum Constantinum annis ferè ducentis ad eandem veri iudicij Ecclesiasticis, contestationem adduxerat Pius Papa I. ut superius, num. 7. est recensitum.

Psal. 81

Vbi superius  
num. 1. in fin.

Hinc Franciscus à Victoria insignis nostri temporis theologus, eiusque discipulus Dominicus Sotus eadem verba Constantini in disputationibus recolentes dicunt. Constantinum, ut instructum à Siluestro, & alijs Sanctis Patribus illa protulisse. Vnde censendum est, ut superius insinuauimus, quod ipse imperator Constantinus, cum fuerit præfens concilio in Vrbe Roma à Siluestro congregato, audieritque auribus proprijs Siluestrum proponentem, & omnes Episcopos correspondentes, nullum clericum ante iudicem laicum stare sicuti superius est recensitum: Inde sic edoctus verba illa in Synodo Nicæna protulerit in sensu suo vero, ac proprio, quem iudicij natura, & forma requirit.

**I**ulius Papa I. Anno D. 336. tempore Constantini Imper. in suis decretis 16. & 17. inquit: Peregrina iudicia generali sanctione prohibemus, quia indignum est, ut ab exteris iudicentur, qui comprouinciales, & à se electos debent habere iudices, & cap. 36. dicit. In Sancta Nicæna Synodo statutum est, ut nemo anathematizatus in nostram suscipiatur accusationem, nec illi qui nos in suam nolunt recipere accusationem, cum nos super illos sciamus à domino constitutos, non illos super nos, & sicut maior non potest à minore iudicari, ita nec obligari, quia rarum est

20

3 q 6. c. peregrina iudic.  
2. q. 7. c. in sancta Nicæna

C

est

est omne quod magnum est, portemus onera omnium qui grauantur, quinimo hæc portat in nobis Beatus Petrus Apostolus, cuius vice fungimur legatione, & cuius regula informamur quatenus eius fulci auxilio nunc, & in perpetuum ab omnibus tueamur aduersis. Dum hic Sanctissimus Pontifex Iulius, indignum dicit esse, aliquos ab exteris iudicari, multo magis indignum, & iniustum esse concludit Ecclesiasticos à secularibus iudicari, qui non solum ratione diuersi tribunalis & fori sunt a clericis exteri, sed etiam clericos super laicos, non laicos super clericos a domino esse constitutos, & sicut maior non potest a minori iudicari, nec obligari. ita colligitur, clericos tanquam maiores laicis omnibus, & digniores ab eos nec iudicari posse, nec obligari.

## 21

conc. tom. 1.  
fol. 231.

**D**amasus Papa I. Anno D. 366. tempore Valentiniani, & Theodosij primi Imper. epistola prima ad Stephanum Archiepiscopum inquit: Vt antiqua tradit auctoritas, Sacerdotes criminari non possunt, neque in eos testificari, qui ad eundem non debent nec possunt prouchi honorem. Idem Epistola tertia ad Stephanum, & ad concilia Aphricæ dicit: Neque enim proterue, aut stimulo sue cogitationis impulsus (vt sepe actum cognouimus) detrahere, aut accusare præsumat quemquam Sacerdotum, quia iniuriæ eorum ad Christum pertinet, cuius vice pro populo Christi sanguine redempto funguntur: Causas enim eorum quia causæ dei sunt eius esse iudicio scimus reseruandas, qui valet corpus occidere; & animam mittere in gehennam: deinde post aliqua in eundem finem, inquit: Non quod noui aliquid nunc imperatur, sed illud quod per desidiam aliquorum, aut scienter, aut negligenter transgreditur, deinceps obseruetur ab omnibus, vt illa semper quæ apostolica & patrum traditione instituta sunt sub metu, irrefragabili auctoritate teneantur. Hæc Damasus. Videte quam aperte, quam indubitate, quam libere Beatissimus hic summus Pontifex, inclitus Christi Domini Nostri Confessor Damasus admonet, docet, decernit libertatem, & immunitatem personarum Ecclesiasticarum a Principum secularium iurisdictione, ordinatam, & institutam esse per Apostolorum, & patrum traditionem, nec aliquando postea interceptam nisi solum ob desidiam & negligentiam aliquorum Prelatorum.

Immunitas  
Ecclesiastica  
Apostolorum  
& patrum  
traditione.

## 22

31. q. 1. c.  
placuit

**P**atres in Concilio Carthagenensi 3. sub Siricio Papa qui præfuit Ecclesiæ Anno D. 386. can. 9. dicunt. Placuit, vt quisquis Episcoporum, presbyterorum, & diaconorum, seu clericorum, cum in Ecclesia ei crimen fuerit intentatum, vel civilis causa fuerit commota, si derelicto Ecclesiastico iudicio, publicis iudicijs purgari voluerit; etiam si pro ipso lata fuerit sententia locum suum amittat, & hoc in criminali actione; in civili vero perdet, quod euicit, & locum suum obtinere voluerit; Siquidem ad eligendos iudices ini-

que

que de Ecclesiæ confortio iudicat, qui de vniuersa Ecclesia male sentiendo, de iudicio seculari poscit auxilium, cum priuatorum etiam causas Apostolus ad Ecclesiam deferri, atque ibidem terminari præcipiat: Attente considerandum quam clare, atque distincte Patres in Concilio hoc 3. Carthaginensi ab eodem Papa Siricio confirmati, immunitatem personarum Ecclesiasticarum a iudicijs laicorum remotam declarant, tam in causa criminali, quam ciuili condignis iniunctis pœnis, & quod magis est, & magnopere ponderandum, asserunt de Ecclesiæ Vniuersalis disciplina male sentire clericum, qui de iudicio seculari poscit auxilium.

**I**nnoctentius Papa I. Anno D. 402. tempore Honorij, & Theodosij II. Imperatorum, in decretis suis, decreto 3. ordinat, & inquit. Si quæ causæ, vel contentiones inter clericos, & laicos, tam superioris ordinis, quam etiam inferioris fuerint exortæ, placuit, vt secundum Nicænam synodum congregatis omnibus eiusdem prouinciæ Episcopis iudicium terminetur. Idem epistola 18. ad Alexandrum Episcopum, cap. 2. inquit. Nam quod sciscitaris, vtrum diuisis imperiali iudicio prouincijs, vt duo Metropoles fiant, sic duo Metropolitanæ Episcopi debeant nominari, non verum, solum est ad mobilitatem necessitatum mundanarum, Dei Ecclesiam commutari, honoresque aut diuisiones perpeti, quas pro suis causis faciendis duxerit Imperator. Admodum manifesto eloquio, & decreto, hic Sanctissimus Papa Innocentius, cuius sanctitati, ac doctrinæ plurimum in suis epistolis defert S. Hieronymus adducto Nicæni Concilij decreto; determinat omnes clericorum, & laicorum causas inter se excitatas a solis Episcopis terminari, & adtentatum Imperatoris super Ecclesijs diuidendis nullius esse valoris, neq. Ecclesiarum statum posse quoquo pacto Imperatorem commutare, hoc est sine licentia, & concessione Sedis Apost.

**I**n Concilio Mileuitano sub eod. Pontifice Innocentio celebrato, ab eodem confirmato, cap. 13. sic continetur. Inolita præsumptio vsque adeo illicitis ausibus aditum patefecit. vt clericos suo relicto Pontifice ad iudicia publica pertrahant, proinde statuimus, vt hæc de cætero non præsumantur. Si quis hoc præsumperit facere, conuentus, & causam perdat, & à communione efficiatur extraneus.

**S**ixtus Papa III. Anno D. 432. temp. Valentiniani Augusti, epistola ad Orientales inquit, & decernit. Si quis Episcopus, aut diaconus, aut quilibet clericus apud Episcopos, (quia alibi non potest) à qualibet persona accusati fuerint, quicumque fuerit vir ille, siue sublimis honoris, siue alterius dignitatis, qui hoc genus illaudabilis intentionis arripuerit, nouerit, dicenda probationibus, monstranda documentis, se debere inferre.

Male sentie  
de disciplina  
Eccl. cathol.  
qui clericus  
ad iudicium  
recurret secu  
lare.

1. cor. 6.

23.

17. q. 1. c. si q  
causæ.  
conc. om. l.  
p. 2. fol. 162.

24.

17. q. 1. c. si  
inolita.  
Legitur etiã  
in conc. Tol.  
3. can. 13

25.

fol. 319.

C

Leo

<sup>20</sup>  
**L**eo Papa I. Anno D. 440. tempore Theodosij secundi, & Mar-  
 tiani Imper. epistola 94. ad Episcopos, & presbyteros, intra  
 Thraciam provinciam constitutos decernit dicens: Cum & iuris  
 antiqui formulis, & illibatis frequentius sit, & legibus confir-  
 matum, presenti tamen tempore a plerisque inuenimus fuisse cal-  
 catum, nam pretermisso sacerdotali iudicio, passim ad examen  
 seculare transire, quocirca nobis visum est, ut hanc & sacre legis,  
 & nostri ordinis contumeliam, & ad presens vlcisceretur plena  
 districtio; & obseruandam formulam constitueremus in futurum.  
 Censemus itaque ut quicumque pretermisso sacerdote Ecclesie  
 sue ad disceptationem uenerit secularium, sacris liminibus expul-  
 sus, caelesti arceatur altario, nec ullus post hanc definitionem, qui co-  
 muni seruit arbitrio, quicquam sibi ultra prescriptum vindicare  
 nitatur; & ita fiet, ut hic qui ante errauere congrua emenda-  
 tione se corrigant, & qui sub obseruatione clericali caelesti proba-  
 tur seruire officio, ex clero abijciendum si pretermisso sacerdotum  
 iudicio, secularem adierit potestatem, quod ideo singulos vniuer-  
 sosque volumus agnoscere, ut quod pleno iustitie, & iuris ordine  
 constitutum est, effectum totius firmitatis in omnibus clericorum  
 negotijs fortiatur. Si clericus laicum pulset prius se audiri ab epi-  
 scopis poscat, tum si petitioni sue laicum viderit obuiare, ex per-  
 missu Episcopi sui in seculi moderatores disceptatione consi-  
 gant. Leo Episcopus scribit. Victorius Episcopus scribit. Eustatius  
 Episcopus scribit: Hec omnia ibi. Elegantibus verbis more suo sem-  
 per breuioribus simul, ac secundis Beatiss. Pontifex, gloriosusque  
 Christi Confessor Leo explicat, atque corroborat libertatem, &  
 immunitatem personarum Ecclesiasticarum a laica iudiciali pote-  
 state esse iure antiquissimo Ecclesiastico constitutam longe prius  
 quam pij, & religiosi Imperatores legibus suis permittere ut om-  
 nia clericorum negotia ab Episcopis distringi, & terminari: insi-  
 nuans Apostolorum doctrinam ex Dei ordinatione per sanctionem  
 canonicarum formularum prius constitutam, per leges deinde  
 Imperiales esse roboratam, & quod si suo tempore reperiretur  
 intercepta eadem obseruatio, hoc non usurpatione Principum  
 Christianorum, consuetudine, siue iusta prescriptione aduenisse,  
 sed sola ipsorum clericorum vltronea transgressione, qui causas  
 suas maluerant secularibus deferre iudicibus quam Sanctis Episco-  
 pis. Vnde clarissime colligendum relinquitur, quod Theodosius  
 II. Imperator: qui Sanctissimi huius Pontificis Leonis tempore  
 imperauit, leges quas super ista Ecclesiastica exemptione, & im-  
 munitate condiderit, non ipsam Ecclesiasticam libertatem primo  
 instituens fecerit, aut ab alijs predecessoribus imperatoribus institu-  
 tam amplians, sed solummodo suo modo confirmauit, & brachio  
 suo



31  
suo temporali, ac præpotenti, impedimenta, & abusus introductos repellendo sub pænis, & hoc suo tempore, vt dictum est, post ipsam clericorum immunitatem à temporibus Apostolorum, Dei ordinatione iam antea institutam, & formulis canonicis successiue specificatam, legibus tamen deinde imperialibus roboratam.

**I**N Concilio Calcedonensi, vno ex quatuor celeberrimis, sub eodem Leone I. Papa celebrato cap. 9. ita continetur. Si clericus aduersus clericum habet negotium, non relinquat suum Episcopum, & ad secularia iudicia non recurrat, sed prius negotium agitetur apud proprium Episcopum, vel certe si fuerit negotium ipsius Episcopi, apud arbitros ex vtraque parte electos audiat negotium. Si quis vero contra hoc fecerit, canonum correctionibus subiaceat, & si clericus aduersum suum Episcopum habet causam, apud audientiam synodi prouinciæ conqueratur. Ecce quomodo à sexcentis, & triginta Patribus præsentem Imperatorem tunc Martiano, libere, ac secure decernitur sine aliquo Imperatoris obestione, causas omnes clericorum agitari solummodo apud proprium Episcopum, & nullo pacto apud iudices laicos. Quinimo ipse Martianus Imperator, vt legitur eiusdem concilij actione sexta, inter cetera dixit. Nos ad fidem confirmandam, non ad potentiam ostendendam exemplo religiosissimi Principis Constantini synodo interesse volumus, vt veritate inuenta non ultra multitudo prauis doctrinis attracta discordet. Deinde post aliqua subiunxit. Quædam capitula sunt quæ ad honorem vestræ reuerentiæ vobis reservauimus, decorum esse iudicantes a vobis regulariter potius firmari per synodum, quam nostra lege sanciri. Ex quibus religiosi Imperatoris dictis colligitur, quod ea ipsa quæ decreta sunt à Sacro Concilio de sacerdotum, & clericorum immunitate, adeo plene, & authentice haberi debere per ipsum Concilium, vt non oporteat aliqua Principis autoritate confirmari.

**I**N Concilio Agathensi prouinciali sub eodem Leone I. celebrato can. 31. sic continetur. Clericum nullus præsumat apud secularem iudicem Episcopo non permittente pulsare, sed si pulsatus fuerit, non respondeat, vel proponat, nec audeat criminale negotium in iudicio seculari proponere. Item in eodem Concilio, sic habetur. Placuit, vt si clericus relicto officio propter distractionem ad secularem iudicem confugerit, & is ad quem recurrit solatium ei defensionis impenderit, cum eo de Ecclesiæ communione pellatur.

**I**N Concilio Venetico etiam prouinciali sub eodem Leone Papa celebrato, in principio, ante editos sexdecim canones, sic habet-

27  
xl. q. i. c. 6  
clericus

xl. q. i. c. 6  
lum clreic.  
conc. rom. i.  
p. 2. fol. 318.

xl. q. i. c. 6  
placuit

folio 512



habetur. Itaque quoniam nos in Ecclesia Venetica, causa ordinandi Episcopatus congregauit, rectum esse credimus de regula Ecclesiast. quæ nobis donâte domino credita est, & de districtione cuius curâ non sine culpa nostra omitemus, habita collatione, vt quæ in priorû Patrû statutis vidimus omissa, & procedente tempore ex nimia licentia prolabente seculari libertate præsumpta statutis saluberrimis sanciremus. Deinde canonem nonum: sic con-  
dunt; Clerico nisi ex permisso Episcopi sui seruorum suorum secularia iudicia adire non liceat, sed si fortasse Episcopi sui iudicium cæperit habere suspectum, aut ipsi de proprietate aliqua aduersus ipsum Episcopum fuerit nata contentio, aliorum Episcoporum auidencia, non secularium potestatum debet ambire, aliter à comunione habeatur alienus.

28

conc: rom: 1:  
fol: 100r

**G**elasius Papa I. Anno D. 462. tempore Theodorici Gothi Italiae tyranni, & Anastasij Imperatoris, epistola prima ad Siculos, de bene gerendis rebus Ecclesie ab episcopis, loquens de iudicibus secularibus, qui clericos tanquam subditos adtentabant, sed non adeo libere, inquit. Quod si hæc tentare formidant nec ad suæ pertinere cognoscunt modulum potestatis, cui tantum de humanis rebus iudicare permisum est, non etiâ præesse diuinis, quomodo de his per quos diuina ministrantur iudicare præsumunt? fuerunt hæc ante aduentum Christi, vt quidam figuraliter tamen adhuc in carnalibus actibus constituti, pariter Reges existerent, pariter sacerdotes: sanctum Melchisedech fuisse sacra prodit historia, quod in suis quoque diabolus imitatus est, vt pote qui semper, quæ diuino cultui conuenirent sibi met tyranni eo spiritu vendicare cotendit, vt Pagani Imperatores, iidem & Maximi Pontifices dicerentur. sed cum ad uerum ventum est, eundem Regem, atque Pontificem, vltra sibi, nec Imperator iura Pontificatus arripuit, nec Pontifex nomen Imperatorum usurpauit. Idem Gelasius epistola ad Anastasium Imperatorem. Duo sunt quippe Imperator Auguste quibus principaliter hic mundus regitur, authoritas sacra Pontificum, & regalis potestas, in quibus tanto grauius est pondus sacerdotum, quanto etiam pro ipsis regiminibus (vel legibus) hominum in diuino sunt reddituri examine rationem: & post pauca: Nosti itaque inter hæc ex illorum te pendere iudicio, non illos ad tuam posse redigi voluntatem, talibus igitur institutis, talibusque sulti auctoritatibus, plerique Pontificum, alij Reges, alij Imperatores excommunicauerunt, & c. Clare, & aperte, atq. secure hic Sanctissimus Pontifex Gelasius declarat; quod nõ nisi de usurpatione temeraria Principes seculi præsumunt iudicare ministros Ecclesie, & adductio ex sacra scriptura exemplo figurali nempe Melchisedech tunc sacerdote, simul, & Ro

96. dist. c.  
Duo sunt.

ge con-

ge concludit, quod Principes infideles diabolica instigatione præsumperunt officia Regis simul & Pontificis sibi vendicare; sed post Christum verum Regem simulque Pontificem in Ecclesia Catholica, fuisse distincta Pontificum, & Regum tribuualia, hoc tamen ordine, vt tribunal Regis a sacerdotali penderet iudicio, & non è diuerso, ex quibus Gelasij Papæ sententijs apertissime colligitur nullo prorsus pacto ministrorum Ecclesiæ causas quæcunque ille sint ciuiles, vel criminales a tribunali Regio posse cognosci: Et hoc dum a principio dicit cum emphasi; *Quomodo de his, (scilicet ministris, & personis Ecclesiasticis) per quos diuina ministrantur iudicare præsumunt?*

**S**immachus Papa Anno D. 498. tempore Anastasij Imper. in quinta synodo Romana sub ipso habita, a. c. quinta, postquam aliqua dixerat de accusatoribus inimicis, vel de inimici domo, aut alias suspectis non audiendis, vt habetur 3. q. 5. c. accusatores. subnexit dicens ad Episcopos in synodo congregatos. Quid ad hæc vobis charissimi fratres videtur prudentia vestra pro Ecclesiastica quiete, vel indemnitate vniuersi edicite. Vniuersa synodus dixit, Episcopalem persecutionem, & Ecclesiarum abscissionem, vel vastationem, atque seruatorum Dei infectionem fulti prædicta authoritate, & omnium Sanctorum Patrum prohibitione vestraque consolatione, communi tractatu pariter in futurum, robuste, ac veraciter amputantes, Sanctorum Patrum statuta firmantes expressis sententijs sancimus, ne vnquam talia à quoquā nostris, aut futuris temporibus præsumantur, & c. Hic Sanctissimus Pontifex Simmachus cum tota tunc Episcoporum synodo, decernit, deliberat, & robuste, ac veraciter, (vt ipsimet loquuntur) amputat omnem temeritatem iudicium secularium infectandi, (scilicet in iudicijs) personas Ecclesiasticas, pro conuenda, & conseruanda in futurum, & semper, libertate & immunitate Ecclesiastica, quam vocibus synonymis, & appositis, quietem, & indemnitatem vocant. Hinc apertissime deprehenditur quam inconsulte dixerit Theologus Venetus in sua cōsideratione super censuris Sanctissimi D. N. Pauli V. fol. 9. verba illa sua videlicet. Quoniam certum est, quod hoc nomen, scilicet (libertas Ecclesiastica) nouum est, & non auditum in Ecclesia per duodecim secula: facinus audax falsum, & euentum cum in hoc testimonio Simmachij Papæ, & quintæ synodi Romanæ sub eodem ab An. D. 498. immunitatem Ecclesiasticam istam efferant in suo elegantiori verbo indemnitatem vocantes: nam immunitas, & indemnitas pro eodem suapte natura apud latinos accipiuntur: & quid nanque est immunitas, & indemnitas, nisi quædam libertas, non illa siquidem quæ dicitur Christiana libertas, de qua Apostolus ad Rom. 6. & ad Gal. 4. sed illa

29

conc. tom. 6.  
p. 2. fol. 552

Libertas Ecclesiastica, quies, & indemnitas appellata a tempore Simmachij Papæ:

Etenim pro synonymis vocib. idem significatib. accipit Seneca li. de beata vita dicens Liber eris, tutus, & indemnus nihil frustra tentaberis. & Vlp. in l. bona fide, ff. de nox. a. c. Officij iudicis cōse-

quetur, vt in  
cœmnis man-  
near, scilicet  
a grauamini-  
bus coibus;  
quibus in lo-  
cis indénitas  
secundum  
elegantiorē  
linguā Lati-  
nā p immu-  
nitatē, & li-  
bertatē ab  
oneribus, &  
subiectioni-  
bus coibus:

10. dist. c.  
non licet:

illa alia secundum quam personæ Ecclesiasticæ sunt Immunes, & exemptæ a secularium iudicium potestatibus: vt doctē ambas libertates discernit doctissimus Io: Driedonius, lib. 1. de libertate Christiana, cap. 1. dicens: Verum hic sciendum aliud esse libertatem Ecclesiasticam, aliud vero libertatem Christianorum, seu libertatem Ecclesiæ communis clero, & laico: nam libertas Ecclesiastica est immunitas illa secundum quam personæ Ecclesiasticæ, & res Ecclesiæ sunt ex iure diuino, aut humano, aut ex priuilegio immunes, & exemptæ a secularium iudicium potestatibus, & c. libertas vero Christiana non tacit Christianos ab huiusmodi legibus liberos, & immunes; hæc ibi Driedonius. Idem Simmacus in synodo sexta habita tempore Theodorici Regis de inuasoribus rerum Ecclesiasticarum, sic ordinat dicens. Non licet Imperatori, vel cuiquam pietatem custodienti aliquid contra diuina mandata præsumere, nec quicquam, quod Euangelicis, vel Propheticis, aut Apostolicis regulis obuiet agere, iniustum iudicium, & definitio iniusta, Regio metu, & iussu, aut cuiuscunque Episcopi, aut potentis a iudicibus ordinata, vel facta non valeant: hoc in Concilio idem Beatissimus Papa Simmacus declarat, omnia Principum, & aliorum quorumcunque secularium potentum facta, vel ordinata, aduersus libertatem Ecclesiasticam, & canonicas sanctiones nullius esse momenti, dum Apostolicis regulis asserit obuiare omnem disinctionem Regio metu, vel cuiuscunque Prælatis in contrarium ordinatam, & factam.

30.

**F**elix Papa III. Anno D. 526. tempore Iustiniani Imp: vt refert Gratianus 10. distinctione, cap. certum est, scribens ad ipsum eundem Principem, inquit. Certum est hoc rebus vestris esse salutare, vt cum de causis Dei agitur iuxta ipsius constitutionem Regiam voluntatem Sacerdotibus Christi studeatis subdere non præferre, & Sacrosancta per eorum præfules discere, quam docere Ecclesiasticam formam sequi non huic humanitus sequenda iura præfigere, neque in eius sanctionibus velle dominari cuius clementiæ Deus voluit tuz piz deuotionis colla submittere, ne dum mensura cælestis dispensationis exceditur eatur in contumeliam disponentis. Libere, vere, atque feliciter Sanctissimus hic Pontifex Felix ipsum redarguit Imperatorem, qui rebus Ecclesiasticis etiam præesse volebat, & Prælatis Ecclesiarum nolebat obtinperare, imo & quod plus est, vt ex ipsius nouellis constitutionibus constat Ecclesiarum Prælatis contendebat dominari, eisdemque iura præfigere. At Sanctissimus Papa Felix docet eum non debere, nec posse sacerdotibus præesse, sed eum debere Ecclesiæ suæ colla submittere, ne si contra faceret labatur in contumeliam creatoris; Ad hæc ex his Felicis Papæ dictis absolute concludi.

cluditur . Quod omnes nouellæ constitutiones Iustioiani, quæ de personis, & rebus Ecclesiasticis disponunt, vt per totum titulum autenticorum de Sanctissimis Deo amabilissimis Episcopis, & Reuerendissimis Clericis, & Monachis habentur, nullius sunt valoris & ad nihil obligant Ecclesias, personasque Ecclesiasticas, & ex illis nullum potest sumi argumentum potestatis secularis super quacunque re tangente Ecclesias, & personas Ecclesiasticas; quinimo quod nihil aliud per se efficiant, nisi quod sanctiones canonicas de personis rebusque Ecclesiasticis disponentes, per suas leges aduersus contradicentes suo brachio Imperiali solum corroborat, & defendit .

**P**elagius PP. I. Anno D. 552. tēpore eiusdē Iustiniani Imper. & quando Totila Rex Gothorū dictus flagellū Dei, omnem est depopulatus Italiam, epistola ad Benegeſtum defensorem mandata, & dicit . *Experientia tua præſenti auctoritate mandamus, vt in causis in quibus quælibet Ecclesiastica persona loco petitoris existit quemquam laicum pulsatura, apud suæ provinciae iudicem suas proponere actiones non deferat, in his vero negocijs in quibus Ecclesiastici officij persona pulsatur, totius submoto pulsationis obstaculo, ad iudicium Episcopi, vel presbyterorum, in loco vbi quæſtio vertitur cōſtitutorū occurrat indifferēter examen. Sāctissimus Papa Pelagius causas pulsatorū clericorū quascunq; non ad iudiciū laicorū, sed solū ad iudiciū Episcopi, & Ecclesiasticū esse deferēdas decernit . Et signāter tempore Iustiniani Imper. facit ad innuendum conformiter ad id, quod superius dictum est ex Felice; quod omnes constitutiones, quæ nouellæ sunt appellatæ ab ipso Iustiniano editæ de iudicijs Ecclesiasticorum disponentes nullius auctoritatis afferunt argumentum, cum non fuerint ab illo qui super personas Ecclesiasticas potestatem habuerit institutæ . Ex Concilio Matiscoēnsi sub Pelagio II. Anno D. 579. can. 9. sic habetur . Constituimus etiam, vt Episcopus per secularem potestatem non iudicetur: nefas est enim, vt illius manibus, aut iussione Episcopus de Ecclesia trahatur pro quo semper Deum exorat, & cui inuocato nomine Dei ad saluationem corporis & animæ Eucharistiam sepe porrexit, & can. 10. sic etiam habetur. Quod de Episcopis conſueimus vim obtineat, & in clero, vt neque presbyter, nec diaconus, neque subdiaconus de Ecclesijs trahantur. Sed quidquid quis aduersus eos habuerit in notitiam Episcopi proprii perducatur, & ipsam causam iustitia præeunte, discutiens animo clericos, accusantes satisfaciat .*

**I**oannes Papa III. Anno D. 561. tempore Iustini Imper. qui in Imperio successerat Iustiniano, in epistola decretali ad vniuersos Episcopos per Germaniz, & Galliz provincias constitutos, vo-

D lens

31.

11. q. 1. c. experientia .

32.

96. d. 1. c. si Imperator .

tens fidelibus omnibus ostendere, quod nulla potestas laica quamvis sit imperatoris potest iudicialiter cognoscere quascunque causas personarum Ecclesiasticarum, inquit. Si Imperator Catholicus est, (quod salva pace ipsius dicimus) filius est non præsul Ecclesie, quod ad religionem competit discere ei conuenit non docere: habet priuilegia sue potestatis, quæ administrandis legibus publicis diuinitus consequutus est, & eius beneficijs nõ ingratum contra dispositionem celestis ordinis nil usurpet: ad sacerdotes enim Deus voluit quæ disponenda Ecclesijs sunt pertinere, non ad seculari potestates, quas (si fideles sunt) Ecclesie sue sacerdotibus voluit esse subiectas. non sibi vendicet alienum ius, & ministerium, quod alteri deputatum est, ne contra eum contendat abrumpi à quo omnia constituta sunt, & contra illius beneficia pugnare videatur à quo propriam consecutus est potestatem. non à legibus publicis, non à potestatibus seculi, sed à Pontificibus, & sacerdotibus Omnipotens Deus Christianæ religionis clericos, & sacerdotes voluit ordinari, & discuti, & recipi de errore remeantes, Imperatores Christiani subdere executiones suas Ecclesiasticis præsulibus, non præferre. Hactenus Io: Papa. Resolute admodum Sanctissimus Pontifex Ioannes alludens ad Iustiniani Imp: nouellas constitutiones, in quibus Imperator ille, ausus est de rebus, & personis Ecclesiasticis multa disponere, quæ non nisi ad summum spectant Pontificem, luce pomeridiana clarius manifestat, quod talia Imperator nullo pacto, nulloue iure nullaque ratione disponere, neque cognoscere iudicialiter debet, nec potest: & ad hoc adducit de iure diuino desumptam rationem, scilicet, quia si ipse Imperator præten- dit esse catholicus, filius est non pastor Ecclesie. scilicet cū dominus Petro dixerit. *Tibi dabo claves Regni Cælorum, & pascere oues meas*, sed nequaquam Imperatori, quia ipse Deus voluit Principes (si fideles sunt) esse Ecclesie subiectos, quod si contra hanc Dei dispositionem audere voluerit Imperator, tanquam ingratus, & diuinæ iniurijs dispositioni concessam sibi diuinitus terrenam potestatem deperdere posset, vt non semel factum legimus, diuino sic disponente iudicio.

33

**I**N Concilio Matifconensi I. circa tempora Pelagij II. Papæ Anno fere D. 579. Ita habetur can. 8. Nullus clericus ad iudicem secularem quemcunque alium fratrem de clericis accusare, aut ad causam dicendam trahere quomodocūq; præsumat, sed omne negotium Clericorum, aut in Episcopi sui, aut presbyteri, aut Archidiaconi præsentia finiatur, quod si quicunque clericus hoc implere distulerit, vna minus de quadraginta ictus accipiat, si certe honoratior triginta dierum inclusione multetur.

Quod si quis ex hac testificatione obijciat dicēs. Quod clericus cleri-

clericum accusare prohibeatur, non autē laicus clericum. Respondetur per argumentū à maiori, quod cū semper actio debeat sequi forū rei, forū autem clericorum non est nisi apud iudices Ecclesiasticos: cōsequens est, quod dum clericus prohibetur accusare clericum extra forū Ecclesiasticum, multo magis prohibetur laicus accusare posse clericum apud aliud forum quam Ecclesiasticum.

**G**regorius I. Anno D. 590. tempore Mauritij Imperatoris epistola 32. li. 9. ad Romanum defensorē Siciliæ, inquit. Peruenit ad nos quod si quis cōtra quoslibet clericos causam habeat despectis eorum Episcopis eosdem clericos tuo facias iudicio exhiberi; quod si ita est, valde constat esse incongruū. Sed hac tibi auctoritate præcipimus, vt denuo hoc facere non præsumas, sed si quis contra clericum causam habuerit, Episcopum ipsius adeat, aut ipse cognoscat, aut certe ab ipso iudices deputentur. Quid namque clarius dici potuit à Sanctissimo Gregorio Papa ad docendum, quod iudices seculares nullam habent auctoritatem cognoscendi clericorum causas?

**I**N Conc. Moguntino tēpore Leonis Papæ III. de ipsius auctoritate congregato ad petitionem Caroli Magni Imper. qui & eidem Cōcilio præsens esse voluit, decretorum nempe illius Concilij c. 8. Sic habetur, vt Episcopi potestatem habeant, res Ecclesiasticas, providere, regere, gubernare, atq; dispensare secūdm Canonū auctoritatē. Volumus, & vt laici in eorum ministerio obediant Episcopis ad regendas Ecclesias Dei, viduas, & orphanos defendendos, & vt obedientes sint eis ad eorum Christianitatem seruandam. Et Episcopi consentientes sint comitibus, & iudicibus ad iustitias faciendas, & vt nullatenus per aliquorum mendacium, vel falsum testimonium, neque per iniuriam, aut per præmium lex ista in aliquo deprauetur. Ex hoc Concilij Maguntini decreto clara hæc excipitur resolutio, quod eo tempore, scilicet Leonis Papæ III. & Caroli Magni Imperatoris Anno D. 790. per tyrannicam vsurpationem introductum reperiatur laicos iudices de rebus Ecclesiasticis disponere, & gubernationi Ecclesiarum se immiscere, atque ob diligentiam summi Pontificis Leonis, & Principis Christianissimi tunc Caroli Magni omnia iura Ecclesiastica in suum priscinum sanctionum canonicarum institutum sunt instaurata: ita vt Gubernatores, & iudices laici in omnibus actionibus, & causis spectantibus ad Ecclesias, & Ecclesiasticas personas, obdissent Prælatibus Ecclesiasticis, atque etiam de consensu Episcoporum seculares iudices iustitiam publicam administrarent, in illis utique particularibus articulis falsi testimonij, atque periurij, quatenus scilicet hæc ab Ecclesiastica dependent potestate: Hinc iusta ratione, colligunt sapientes, quod ipse Carolus Magnus, qui

D 2

ab eo.

34

11. q. 2. cap.  
peruenit ad  
nos.

35

rom. cōc. 2.  
fol. 114.

ab eodém Leone Papa III. fuerat primus harum occidentalium partium electus, coronatus, & vnctus Imperator: constitutionem Theodosij Imper. cap. scilicet 11. codicis editam, ad interrogationem Blauij ducis, restaurauit, & auxit sicuti refert Gratianus, cap. volumus 11. q. 1. ex qua actione cōsequitur; quod sicuti ipse Carolus Magnus Imperator nouam ex constitutione libertatem Ecclesiasticam non constituit, quasi, quod antea per sanctiones canonicas non fuisset instituta, siue specificata, ita quoque omnes, sicuti fuerunt, Iustinianus Theodosius, & Constantinus per constitutiones, & leges, quas pro Ecclesiastica libertate condiderunt, non ipsam primo constituerunt, sed eandem à temporibus Apostolorum constitutā suis legibus imperialibus confirmarunt, & à contradicentibus defenderunt.

36

**A**drianus Papa I. Anno D. 796. tempore Constantini VII. Imperatoris, refert Gratianus 11. q. 1. cap. clericus, & capitulum clericorum causa, inquit atq; decernit. clericus, siue laicus si crimine, aut lite pulsatus fuerit non alibi, quam in foro suo provocatus audiatur. Item idem. In clericorum causa huiusmodi forma seruetur, vt nequaquam eorum sententia à non suo iudice dicta constringat.

37

96. dist. cap.  
quis dubitet

**G**regorius Papa VII. Anno D. 1073. tempore Henrici IV. Imperatoris in epistola ad Hermannum Metensem Episcopum: Demiratus Principum secularium ausus, exclamans inquit. Quis dubitet sacerdotes Christi Regum Principum omniumque fidelium Patres, & magistros censerī? non ne miserabilis insanie esse cognoscitur si filius patrem, discipulus magistrum, sibi conetur subiugare, & iniquis obligationibus illum suæ potestati subiicere, à quo credit non solum in terra, sed etiam in cælis se ligari posse, & solui? Hæc Sanctissimi huius Gregorij Papæ admirabilis exclamatio, scholio non eget ullo, nec aliqua explanatione, sed applicatione sola adamussim iustę considerationis, ad sciendum certe, & sine dubio aliquo, quod seculi Principes nullam rationabiliter auctoritatem super personas Ecclesiasticas habere sibi coningere valeant. Quod si quispiam secus cogitauerit, miserabiliter insanire (vt ait Gregorius) se se perhibebit.

Et hic sistendum est, nec viterius procedere opus est, in sene Pontificum, & conciliorum amplius producenda, usque ad hæc nostra tempora, cum certo certius, satis sit ad demonstrandum, quod Ecclesiastica libertas à temporibus Apostolorum Dei ordinatione fuerit instituta, & per seriem continuatam huc vsque adsignata, multo ante ipsum Constantinum, Theodosium, Iustinianum, & Carolum Magnum Imperatores; Nam omnibus est notum, & peruium, quod à Leone Papa III. & Imperatore Carolo Magno



Magno quod est, ab anno redēptionis 790. vsque ad Sāctissimū D. N. Paulum Papam V. & Rodolphum Austriacū Imperatorem, hoc est ad annū D. 1606. omnes sanctionum canonicarum codices repleti sunt sententijs, responsis, atque decretis proponentibus, disponentibus, & confirmantibus, Ecclesiasticam libertatem, eādemque indicantibus de ipsius Dei ordinatione esse profectam, quemadmodum nouissime in sacro Concilio Tridentino sess. 25. cap. 20. de reformatione illustribus illis verbis promulgatur videlicet, Ecclesiz, & personarum Ecclesiasticarum immunitatem Dei ordinatione, & canonicis sanctionibus constitutam.

Verum quoniam in his omnibus sententijs, atque decretis, per suam ordinatam seriem recensitis hactenus, sola videtur immunitas personarum Ecclesiasticarum constitui, & exprimi, ne quispam debiliore ingenio suspicetur, bona Ecclesiarum temporalia non esse forsitan eadem libertate donata, eodem stilo ab ipsis Apostolorum temporibus, pro ipsa bonorum Ecclesiarum exemptione, testimonia, sententias pariter atque decreta summo Pontificum, & Generalium conciliorum, quatenus opus erit, atque sufficiens, in medium quoque afferre nō omittendum opere pretium existimaui.

**E**T primo omnium afferimus sanctorum Apostolorum canonem, ordine, & numero quadagesimum primum, quem in primo Conciliorum Generalium tomo sic legimus exaratum. *Precipimus, ut in potestate sua, Episcopus Ecclesia res habeat. Si enim animarum hominum praeiosae illis sunt credita multo magis oportet eum curam pecuniarum gerere, ita ut potestate eius indigentibus omnia dispensentur per presbyteros, & diaconos cum timore omnique sollicitudine ministrentur.* His utique verbis clarissime datur intelligi, quod res, & pecunia Ecclesiarum, nullis principum tallijs, & gravaminibus debeant esse subiectae dum oportet solum Episcopum, ita curam ipsarum habere, ut cum indigentibus libere, & sine obstaculo aliquo integre valeat dispensare, & dum per locum à maiori proponitur argumentum, scilicet ab animarum praeiosarum cura Episcopis credita, facile colligendum nobis adest, quod eadem libertate imo cum maiori exemptione creditae diuinitus Episcopis quoque sunt res Ecclesiae ab omni Principum secularium dependentia.

Quod verò ad hunc effectum canonem istum ediderint Apostoli, ut res Ecclesiae essent omnino liberae à quibuslibet non solum gravaminibus laicis sed etiam ab omni obstaculo quod directe, vel indirecte ex quocunque respectu possent Principes seculares facere, ostenditur per melchiam Papam sic dicentem, Futuram Ecclesiam Apostoli in gentibus praeuidebant, idcirco praedia in iudea minime sunt adepti, sed praesentia tantummodo ad fouendos 11. q. 1. c. futuram:  
egentes

egentes . At vero cum inter turbines , & aduersa mundi subcrefce-  
ret Ecclesia ad hoc vsque peruenit , vt non solum gentes , sed etiã  
Romani Principes , qui totius orbis Monarchiam tenebant ad fi-  
dem Christi , & baptisimi Sacramenta concurrerent , ex quibus reli-  
giosissimus Constantinus primus fidem veritatis patẽter adeptus  
dedit licentiam per vniuersum orbem sub suo degentibus imperio  
non solum fieri Christianos , sed etiam fabricandi Ecclesias , &  
prædia constituit tribuenda . Ex hac testificatione Melchiadis  
gloriosissimi martyris Christi hæc colliguntur . Primum quod Apo-  
stoli in Iudea , quia videbant non crescere ibi tunc Ecclesiam , om-  
nium prædiorum oblatores pro communi viuæ credentium præ-  
tia solummodo accipiebant : ex quo infertur clarissime , quod sola  
ista necessitas cogebat eos ad non retinendum prædia , idcirco sta-  
tutū Venetæ Reipublicæ editum vltimo anno 1605 . die 26 . men-  
Martij , inherens alteri decreto anno 1536 . ab eodem Senatu fa-  
cto , in quo expresse prohibetur sub certis pœnis ne immobilia bo-  
na ad pias causas testamento , seu donatione relinquerentur , aut  
alio quouis titulo in fauorem Ecclesiarum , Sed quod bonorum im-  
mobiliū pretia solū possent accipere : nititur expresse contra natu-  
ram subcrefcentis Ecclesiæ , & statum Christianitatis coalitz ad  
statū illum velle redigere , quo in Iudæa tunc non erat propaganda .  
Quod est contra ipsum factum Apostolorum non solum contra vo-  
luntatem , & intentionem Dei , ad factum illud , & opus Aposto-  
los inspirantis . Alterum quod prohibere subditis laicis , ne bona  
stabilia tradant Ecclesijs est indirec̃te saltem euertere liberta-  
te Ecclesiæ quam habuit semper ab ipso primo tempore Viuen-  
tium Apostolorum .

16. q. 1. cap.  
quia iuxta,

Confirmatur hoc totum per illud decretum vere Christianum  
quod ex libro capitulorum Caroli , & Ludouici Imperatorum tran-  
sumit , & refert gratianus in hæc verba . Quia iuxta Sanctorum Pa-  
trum traditionem , nouimus res Ecclesiæ vota fidelium esse pretia  
peccatorum , & patrimonia pauperum , cuique non solum habita  
conseruare verum etiã Deo opitulante conferre optamus . Vt au-  
tem ab Ecclesiasticis officijs , de diuidēdis rebus Ecclesiæ suspicio-  
nem dudum conceptā penitus amoueamus ; statuimus , vt neque  
nostris , neq; filiorum , & Deo dispensante successorum nostrorum  
temporibus vllam penitus diuisionem , aut iacturam patiantur .

**E**X hoc decreto atque testificatione præfatorum Imperato-  
rum vere Christianorū tria notabilia , & scitu necessaria eru-  
untur . Primum . Res Ecclesiæ esse vota fidelium pretia pec-  
catorum , & patrimonia pauperum . est veritas catholica per tra-  
ditionem Patrum habita , & ideo de fide tenenda . Alterum quod  
vera

vera pietas Christiana de cōscientia bona, & fide non ficta sollicitudinem habet non solū bona Ecclesię habita conseruare, sed Deo opitulante ampliora conferre, & adaugere. Tertium quod impedire ne Ecclesijs ampliora bona cōferantur, secum affert certam, & formalem suspicionem diuidendi bona Ecclesię, quod est actum, & magnum scandalum animis fidelium inculcatum. Quartum quod vt futuris temporibus, & semper talis pręsumptę diuisionis bonorum Ecclesię talisque suspicio scandalosa, ē medio penitus tollatur, & vrget Imperiale statutum conforme traditioni Catholicę Patrum pro contuenda immunitate, & libertate rerum, & bonorum Ecclesię, quę patrimonia sunt pauperum: & qui vere credunt in Christum, credunt quoque vera esse quę dixit Marthei 25. Amen dico vobis, quādiu non fecistis vni de minoribus his, nec mihi fecistis.

**V**Rbanus Papa I. martyr gloriosissimus Anno D. 1213. tempore Marci Aurelij Antonini Imperatoris epistola prima ad emnes Episcopos inquit. Videntes autem summi sacerdotes, & alij, atque lenitz, & reliqui fideles plus vtilitatis posse conferre, si hereditates, & agros, quos vdebāt, Ecclesijs quibus pręsidebāt Episcopi traderent eo, quod ex sumptibus eorum tam pręsentibus quam futuris temporibus plura, & elegantiora ministrare possent fidelibus communem vitam ducentibus quam ex precio ipsorum, experunt prędia, & agros quos vendere solebant, matricibus Ecclesijs tradere, & ex sumptibus eorum viuere; Ipsę vero res inditione singulorum paręciarum Episcoporum (qui locum tenēt Apostolorum) erant, & sunt vsque ad huc, & futuris debent esse temporibus, e quibus Episcopi, & fideles dispensatores eorum omnibus communi vita degere volentibus, ministrare cuncta necessaria debent pro vt melius poterint, vt nemo in eis egens inueniatur ipse enim res fidelium oblationes appellantur, quę ā fidelibus domino offeruntur. Hactenus Vrbanus Papa. Hęc vt iacent vera esse non poterunt, si bona Ecclesię domino ā fidelibus oblata, in hunc finem, vt omnibus indigentibus dispensentur, ita vt nemo sit indigens non re vera essent ab omnibus secularibus, & communibus grauaminibus exempta. Imo, et quid amplius de necessaria consequentia ex eisdem relinquitur colligendum, nimirum quod cum de sua auctoritate confirmat factum, et super addit Vrbanus, dicens. erant, et sunt vsque ad huc, et futuris debent esse temporibus, e quibus Episcopi, et fideles dispensatores eorum omnibus communi vita degere volentibus ministrare cuncta necessaria debent. Clarissime ab illo antiquissimo tempore insinuatum esse perhibetur, nephās esse si aliquando in posterum. Principes, et magistratus, ne amplius predia, & bona stabilia offerrentur Ecclesijs, suis statutis

40

11 q. 1. cap. videntes.

con. conc. 1. fol. 60.

vorz. quod ā  
re. v. b. j. A.  
D. 1215 dānā  
dū, pñucia-  
tur. statutū  
Ven. Reip.  
editā. anno  
1605. die 16  
men. Martij.

statutis impedirent esset enim manifeste contrarium indirecte salutem. Generali sententiæ præ admodum, & Christianæ illorum antiquissimorum Pontificum sacerdotum, & cæterorum fidelium omnium, qui spiritu sancto inspirati, & cælitus edocti pro futuris etiam omnibus Ecclesiæ temporibus, seruandum constituerunt, ut non ex precijs, sicut antea, sed ex fructibus reddituum necessaria fidelibus in communi viuentibus ministrarentur, nam si in futurum hoc semper fieri debet, ut decernit Vrbanus, consequens est, quod ut semper possit fieri, semper liberum debet esse, ut prædia, & bona stabilia possent dari Ecclesijs, & sacris Collegijs viuentibus in communi, ut illis seruatis, ex redditibus necessaria ministrarentur sed certo certius hoc fieri non posset amplius in futurum si statuto aliquo prohiberetur Ecclesijs dari talia bona. ratio in promptu est, quia dare & recipere sunt inuicem correlatiua sicuti vendere, & emere atque ut habet Philosophorum, & Legistarum regula, ad remotiorem unius correlatiui, sequitur remotio alterius, tex. in l. fin. ff. de acceptil. ergo qui per statutum remouet, seu impedit dare bona stabilia Ecclesijs, remouet, & impedit Ecclesias recipere, & nititur contra libertatem Ecclesiæ saltem præsumptiue, quemadmodum qui prohibet vendere personis Ecclesiasticis prohibet, & his emere præsumptiue iux. c. eos qui. de immunit. Ecclesiarum, lib. 6. eo, quod ut ibi dicitur, talia in derogationem libertatis Ecclesiasticæ præsumuntur.

41

**L**ucus Papa I. Anno D. 353. tempore Galli, & Volsiani Imperatorum in epistola prima ad Episcopos Galliz, & Hispaniæ excommunicauit bona Ecclesiæ expoliantes, vel Ecclesijs vexationem inferentes, adducens rationem quoniam essent pauperibus dedicata. Cum igitur pauperes iure naturæ, & diuino liberi sint ab angarijs ciuilibus, eo quod, non habent unde soluant, ideo res pauperibus dedicate eodem exemptionis iure debent gaudere. Et quia non modica inferitur vexatio Ecclesijs præsertim, quæ redditibus copiosis non pollent, sicuti sunt, & esse solent hospitalia Parochiæ, & Monasteria tam virorum, quam mulierum; ideo statuta Principum, & magistratuum secularium, quæ prohibent indifferenter Ecclesijs quibuscumque posse relinqui, siue donari bona aliqua stabilia, à tempore Lucii Papæ insinuada, & notata fuerunt tanquam impia Ecclesiasticæ libertati aduersantia, & Christianæ pietati inimica.

42

**S**tephanus Papa I. Anno D. 355. tempore Decij Imper. epistola secunda de accusationibus sacerdotum, inquit. Laicis quoque quamuis religiosi sint nulli tamen de Ecclesiasticis facultatibus aliquid disponendi legitur attributa facultas. Si nulla laicis, ut hic martyr gloriosissimus, & Pontifex Stephanus dicit concessa aliquan-

72:q. 1: cap:  
videntes.

tom. conc. 1:  
fol. 90.

tom. conc. 1:  
fol. 93:

33  
aliquando fuit potestas disponendi de rebus Ecclesiasticis recte  
infertur, quod nullum grauamen rebus Ecclesiasticis à laicis po-  
tuit vnquam imponi, aut actionem consolidationis directi domi-  
nij impediri. Cum directum dominium sit principale, quod re-  
quitur ad integram, & completam rerum possessionem.

**I**N Concilio Toletano III. sub Pelagio Papa II. Anno D. 580. c.  
1. Sic habetur Ecclesiarum seruos, vel presbyterorum, vel om-  
nium clericorum à iudicibus, vel exactoribus publicis in diuersis  
angarijs fatigari dolemus. propter quod omne concilium à picta-  
te gloriosissimi Domini nostri poscit, vt tales vsus deinceps inhi-  
beat. Ex hoc decreto sumitur argumentum concludens necessa-  
rio per locum à minori, nam si seruus clerici non potest iuste pu-  
blicis fatigari angarijs ergo, & eo minus res Ecclesię quę ipsi Deo  
sunt dicatę & Christo ipsi in pauperibus sunt dispensandę, iuste  
possunt angarijs & quibuscumque ciuilibus oneribus grauari.

43

**P**ius Papa I. Anno D. 142. tempore Marci Antonini veri Im-  
peratoris, epistola secunda inquit. Prędia diuinis vsibus tra-  
dita quidam humanis vsibus applicant, & Deo nostro cui tradita  
sunt ea subtrahunt, vt sibi deseruiant, qua propter ab omnibus,  
illius vsurpationis cõtumelia depellenda est, ne prędia vsibus se-  
cretorum celestiu dicata à quibusdam irruentibus veniant, quod  
si quis pręsumperit, Vt sacrilegus iudicetur. hæc Pius. sed cum  
nō differant: bona Ecclesię humanis vsibus applicare ad sibi deser-  
uiendum, atque, ea communibus oneribus pręgrauare, hinc decla-  
ratur à tempore Pij Papę I. bona Ecclesiastica ab omnibus ciui-  
libus grauaminibus esse libera. Et quoniã ad emphyteusim tẽpo-  
raneam tradere bona Ecclesię, non est applicare illa penitus huma-  
nis vsibus, hoc est secularibus, ideo permissa est in sacris canoni-  
bus: sed quia idem est impedire, consolidationem directi Domi-  
nij bonorum Ecclesię, ac illa in emphyteusim dare perpetuam,  
imo verius sit & omnino proprietatem adimere, & ista seculari-  
bus vsibus vere ac penitus, applicare. ideo statutum tale quo im-  
peditur directi Dominij consolidatio bonorum ab Ecclesia prius  
possessorum, à tempore Pij Papę I. scilicet ab anno D. 142. tan-  
quam sacrilegum in Ecclesia Catholica est notatum.

44

12. q. 2. cap.  
prędia

**I**N synodo Romana vti transcribitur à Gratiano. 96. dist. cap.  
Bene. sub Simmaco Papa celebrata, Anno D. 498. post com-  
munem omnium Episcoporum sententiam, quod non liceat laicis  
de Episcopis, & clericis legem dare, sic habetur. Modis omnibus  
in synodali conuentu prouida Beatitudinis vestrę sententia.

45

E

enclaua-

eneruari conueniebat, & in irritum deduci, ne in exemplum remaneat presumendi quibuslibet laicis, quamuis religiosis, vel Potentibus in quacumque ciuitate; quolibet modo aliquid decernere de Ecclesiasticis facultatibus, quarum solis sacerdotibus disponendi indiscussæ à Deo cura commissæ docetur. His uerbis ab eo tempore declaratum est in concilio illo præsentè summo Pontifice, tunc Simmaco, non modo personas ipsas, ut superius suo loco nu. 26. recensitum est, sed etiam res, & bona Ecclesiastica esse à iurisdictione Principum secularium exempta, & libera, & ipsius Dei ordinatione solis prælati Ecclesiasticis curam commissam esse, & demandatam.

**V**erum enim uero, cum ad demonstrandam immunitatem hanc rerum, & bonorum temporalium Ecclesiæ satis sit clarissima illatio à minori, quam Papa Bonifacius Octauus sapientissime facit in cap. Quamquam, de censibus lib. 8. dicens. Quamquam pedagogorum exactiones tam iure canonico, quam ciuili regulariter sint damnatæ, tanto tamen districtius, ne ab Ecclesijs, & personis Ecclesiasticis talia exigantur prohiberi oportet, quanto si id fiat, maiori inde transgressione reatus incurritur, & offensa. Vnde, euidenter comprobatur immunitas, & libertas rerum Ecclesiasticarum; ideo non opus est sanctiones, & testificationes Pontificum, & Conciliorum afferendo amplius immorari; cum & innumera alia possent in prolixiore seriem afferri, quæ habentur 12. q. 2. à Gratiano per totam, & per totos titulos de immunitate Ecclesiarum, & de rebus Ecclesiæ non alienandis, pluribusque constitutionibus extrauagantibus. satis superque contenti erimus, superiori abundantissima demonstratione de personarum Ecclesiasticarum immunitate, qua de necessaria consequentia secundum iura in moralibus, comprobatur, & ipsarum Ecclesiasticarum rerum immunitas. Nam cum bona temporalia perueniunt ad Ecclesias, Deo consecrata dicantur, & Sanctum Sanctorum domino statuatur, & ad personas Ecclesiasticas diuinis ministerijs dedicatæ sustentandas, ipsi Deo offerantur, certe quod & ipsarum personarum conditionem sequuntur ipsæ res; quia quæ Religiosis adherent, Religiosa sunt, ut habetur. ff. de rei vendic. l. quæ Religiosis. Item conueniens est secundum naturalem rationem, ut magis dignum trahat ad se minus dignum, cap. quod in dubijs de conse. Ecclesiæ, & ff. de vfuc. l. eum qui ædes. atqui manifestum est, per amplissimam sententiarum seriem superius allatam, quod personæ Ecclesiasticæ immunes, atq. liberæ sunt à iurisdictione Principum, & omnium iudicium secularium, ergo, & ipsa temporalia eorum bona eadem exemptione, & libertate donantur. Ecce certo certius in his grauaminibus Principes seculares grauissime

37  
sine delinquunt Ecclesiasticam disciplinam de immunitate, & libertate personarū, vel rerum Ecclesiasticarū conturbantes à temporib. Apost. Dei ordinatione, & sanctionib. Canonicis constitutā.

**A**D hæc tandem, vt Principes, & magistratus seculi qui iussu Dei timore afficiuntur, sciant, & probe, ut oportet intelligāt, quonā passio gerere se debeant, ne errent. & peccent erga res, & bona Ecclesiarum, testificationem simul, & decretum antiquissimum Bonifacij Papæ primi, huc afferam opportune: Inquit enim Bonifacius, Nulli liceat ignorare omne quod domino consecratur siue fuerit homo, siue animal, siue ager, vel quid quid semel fuerit consecratū, sanctum sanctorum domino erit, & ad ius pertinet sacerdotū, propter quod inexcusabilis erit omnis qui, quæ à domino, & Ecclesia cui cōpetunt aufert, vastat, inuadit, & eripit, & usque ad emendationem Eccl. siueque satisfactionem, sacrilegus iudicetur, & si emendare noluerit excommunicetur.

**E**X concilio quoque Agathensi sub Sixto Papa III. celebrato, circa annum D. 436. relato per Grat. 13. q. 2. c. Clerici, habetur. Clerici, vel seculares, qui oblationes pauperum, aut donatas, aut testamento relictas retinere perstiterint, aut id quod ipsi donauerint Ecclesijs, vel Monasterijs crediderint auferendum, sicut Sancta Synodus constituit velut necatores pauperum, quousq. reddant, ab Eccl. excludantur. Euidens est apud morales realiter quidē nō mathematicè sapiētes, quod paria sunt impedire ne dentur bona pauperibus, & ab eisdē bona tollere. Eo quod ipsa natura, ius præstat pauperibus super res diuitum ad sibi suecurēdum: nam iure naturali omnia sunt communia omnibus (hoc est comunicanda) Quod non solum inter eos seruatum creditur, de quibus legitur: *multitudinis credentium erat cor vnum, & anima vna.* &c. Verum etiam ex præcedenti tempore à Philosophis traditum inuenitur. Vnde apud Platonem illa ciuitas iustissime ordinata, traditur, in qua quisque proprios nescit affectus. Hinc pro comperto Christiani Principes debent habere, quod impedire ne bona dentur Ecclesijs non solum aduersatur libertati Ecclesiasticæ, sed ipsi naturali iuri.

Ex his hætenus fideliter recensitis testimonijs, sententijs, atq. decretis tot Summorum Pontificum, martyrumque inclitorum, & Conciliorum generalium, atque prouincialium per continuatam seriem ab ipsis Apostolorū temporibus, de sua ipsorum consequentiz necessariæ deductione colliguntur corollariz conclusiones tredecim, quæ inferius apponentur.

Verū enimvero, vt recensita series omni dubitationis careat scrupulo, antequam Conclusiones proponamus, opere pretium, quoniam necessarium esse duximus, oppositas rationes, quas in me-

E 2 dium

47

12. q. 2. c. nul  
li liceat igo.

48

act. 4.

dium afferre possent aduersarij dicentes, quod Epistolæ decretales summorum Pontificum à Clemente I. vsque ad Siricium Papam conscriptæ non sint eius autoritatis, vt testificationibus, ex eisdem acceptis fides debeat adhiberi, per veras, atque vrgentes rationes refellere, quarum prima sit ista. Videlicet, quod illi qui mordicus sustinere contenderēt, quod inquam omnes decretales Epistolæ à Clemente I. vsque ad Siricium Papam; talis non sint autoritatis, vt ex eisdem desumi valeat argumentum, ad comprobandum immunitatem Ecclesiasticam esse de iure diuino, per Apostolorum, & patrum traditionem, vereri deberent (si pij sunt) ne apud pios appareant morem imitari priscorum hæreticorum, qui conati sunt dicere librum illum indignum esse, qui in cathalogolibrorum sacrorum cõnumeretur. Ex quo tam patens locus aliquis aduersus suam ipsorum aliquam assertionem afferretur, vt tenebrosis ipsorum interpretationibus minime valeat obfuscarisic enim nostra tempestate priscos hæresiarchas imitatum reperimus Martinum Lutherum, qui libros 1. & 2. Machab. respuit, & tanquam non sacros recusauit dicens non esse canonicos, eo quia doctrina in illis contenta, contra suas inuentiones pugnat apertissime. Lutherus enim ait orationes, & alia suffragia, quæ pro mortuis à viuentibus fiunt non prodesse; at in secundo Machabeorum lib. orationes, & suffragia, quæ sũt pro mortuis ap prime laudantur per illa verba; *Sancta ergo, & salubris est cogitatio. pro defunctis exorare, vt à peccatis saluantur.* Idcirco Lutherus volens suum errorem pertinaciter defendere ad hoc hæreticale consuetũ alylum confugit, libros Machabeorum suę pertinacię repugnantes reiiciendo. Epistolam pariter Iacobi ob eandem causam e cathalogo Canoniorum librorũ reiecit, nam cum ipse mordicus asseruerit solam fidem iustificare, eamque solam satis esse ad consequendam æternam vitam, quamuis opera non suffragentur. Iacobus autem Christi Domini Apostolus in sua insigni illa canonica epistola doceat fidem sine operibus mortuam esse. Hinc ipse Lutherus cognoscens epistolam Iacobi suę sententiæ aduersari, ipsam negauit dicens: non esse ipsius Iacobi Apostoli, nec dignã inter sacram scripturam adnumerari, hunc eundem in modum procedere conuincuntur, siqui sunt, qui epist. summorum Pontificum à Clemente vsque ad Siricium Papam dicunt inualidas, aut non esse illorum, qui quamuis non ob id errent in fide, Eo quod non negant librum aliquem scripturę sacrę canonicum, sed solas has Pontificum epistolas nihilominus per simile operantur commissum aduersus immunitatem Ecclesiasticam, dum videntes, quod per illorum Pontificum testificationes, sua ipsorum pertinax sententia conuincatur, hoc adinueniunt remediũ, asserendo epistolas illas

cap. 12.

cap. 2.



illas nō esse illorū Pontificum, quibus adscribuntur. quamobrem sicuti Catholici Doctores non ideo abstinuerunt in suis lucubrationibus ab allegandis autoritatibus librorum sacrorum, quos hæretici exceperunt, ita neque nos decet à testificationibus omnium Summorum Pōtificum à Clemente I. vsque ad Siriciū Papam, & deinceps temperare quin ex illorum epistolis testimonia, atque decreta adducamus pro defensione immunitatis Ecclesiasticæ, & Sedis Apostolicæ contutanda autoritate, & honore in edificationem piorum fidelium, ut cognoscant omnes, istorum modorum inobedientium, exosam proteruiam, & confictas eorum rationes iuste, atque secure despiciant. Quæ etenim ratio æque suadere poterit, ut epistolæ tot Summorum Pontificum inualidæ reddantur, de quibus testificationes easdem atque decreta Gratianus decretorum antiquus, & fidelissimus compilator, Isidorus, Beda & Yuo Carnotensis irrefragabiles in tota Dei Ecclesia decretorum scriptores desumpserunt? Num etiam delusos licebit efferre insignem Archidiaconum, & doctissimum Cardinalem à Turrecremata cum tot glossatoribus decretorum antiquissimis, qui eadem decreta Pontificum ex eisdem epistolis excerpta, cum tanto studio, & fide sunt interpretati, & hoc ob leuissimas, & deridiculas horum nouatorum oppositiones? Qui sine veritatis alicuius fundamento, de indulgentia effutiunt affectata, epistolas Pontificum Summorum à Clemente I. vsque ad Siriciū Papam non esse alicuius autoritatis, & fide dignas?

Veruntamen non videtur abnegandum, quod si aliquando casu adueniente in confessionis palestram descendere aduocaremur, quin vltro citroque illorum exceptiones admittere debeamus, cum in suam ipsorum disputandi confidentiam, tum in maiorem eorum confusionem, habita de eisdem euius certa victoria, sicuti certissime haberetur ex solis testificationibus, & epistolis Pōtificum, post Siriciū Papam editis, quas ipsi abnegare non possunt, dum eas solas ante Siriciū editas abnegare contendunt, quemadmodum euenisse refertur coram Carolo Quinto Imperatore Principibus Alemانيæ præsentibus, de Martino Lutero, quem Doctissimus Io: Echius super articulo Purgatorii publice deuicit admissa exceptione librorum Machab. ex illa sola sententia Euang. Matth. c. 12. *Qui autem dixeris (blasphemiam, scilicet) contra Spiritum sanctum non remittetur ei neque in hoc seculo, neque in futuro.* Quam sententiā sicuti, & totum Matthæi Euangelium non exceperat Lutherus.

Secunda ratio: admirabile certe est, & omnino incredibile id, quod isti asserere contendunt, scilicet epistolas Summorum illorum Pontificum omnium à Clemente I. qui Siriciū Papam præcesserunt, ita præcise exceptas esse, ut nec vsque ad aliquos Siri-

cij præ-

ei prædecessores, neque vsque ad aliquos alios successores exceptio terminetur. hoc enim nulla alia ratione posset subsistere, nisi quod aut Summi Pontifices Siricio antiquiores nullas scripserint epistolas, aut ea quæ pro immunitate Ecclesiastica testificari dicuntur non appareant esse temporis congruentia, eo quod tunc temporis à Clemente I. vsque ad Siricium semper regnauerint infideles tyranni, qui nullibi fideles quiete vivere permittebant, sed sicut incredibile esset primum, ita & omnino falsum, quia non potest inficiari prædecessores ipsius Siricij epistolas scripsisse.

Et vt incipiamus à prædecessore immediato Siricij Damaso Papa; constat certissime, quod ipse Damasus prædecessor Siricij scripserit epistolas ad Hieronymum, & quod Hieronymus rescripserit ad eundem, & sicut absolutissimus indagator harum decretalium epistolarum Marianus Scotus refert Damasum scripsisse ad Hieronymum, & Hieronymum rescripsisse ad eundem, ita quoque refert Stephanum Archiepiscopum, & concilia Africæ epistolas misisse ad Damasum, & Damasum rescripsisse ad eundem Stephanum, & ad Concilia eadē, in qua epistola dicit immunitatem Ecclesiasticarum personarum in Ecclesia ex Apostolica, & Patrum traditione esse institutam.

Superius in serie n. 21.  
Negari item rationabiliter nequaquam potest, quin Episcopi Aegyptiorum epistolam scripserint ad Felicem Papam II. & quod idem Felix rescripserit ad eosdem Episcopos congregatos in Alexandrina synodo, quia hoc habetur in Pontificali Damasi Papæ, & refertur à Mariano Scoto; in qua siquidem epistola eiusdem Damasi immediatus prædecessor Felix pro immunitate Clericorum, inquit, cap. 1. Est namque synodicis decretum institutis, vt nemo Episcopum penes seculares arbitros accuset, & cap. 3. si quis Episcopum post hæc elegerit accusare Summis primatibus Episcopis hanc indicet causam, & non secularibus.

In Historia tripartita. Socrates lib. 2. cap. 12. habetur, quod orientales Episcopi scripserunt Epistolam ad Iulium Papam I. prædecessorē Felicis causantes eū, quod in cōmunionem receperet Athanasium, & ceteros, quibus ipse Iulius rescripsit pro Athanasio, & reliquis, ideo inficiari non potest quin ipse Iulius ediderit decreta illa sua, in quibus cap. 36. pro immunitate Ecclesiastica dicit. clericos à domino super laicos non e diuerso laicos super clericos esse constitutos, & sicut maior non potest à minore iudicari, ita clericos à laicis non posse aliquo pacto obligari.

Vt refertur à fide dignissimis, in vetusto bibliothecæ Prædicatorum Colonien. exemplari habentur duæ epistolæ vna Synodi Nicenæ directæ ad Syluestrum I. prædecessorem Marci, & Iulij. Altera quam idem Syluester rescripsit ad eandem Synodum Nicenam;

in qua

in qua confirmauit omnia quæ in illa erant determinata. & decreta. Cum igitur inficiari non possit Syluestrum, qui Siricium præcessit annis ferè 7. aliquas decretales edidisse epistolas, qua nam ratione licebit asserere nullas ante Siricium editas esse epistolas decretales? & dato, nec tamen concessio, quod Syluester nullas ediderit epistolas, nulla tamen ratione potest negari, quin Syluester ipse synodū illā vniuersalem congregauerit Romæ præfente Constantino Augusto in qua pro conseruanda clericorum immunitate à temporibus Apostolorum constituta, Decretum illud clarissimum edidit, vt nullus clericorum ante iudicem accinctum causam dicere præsumat, sicut in serie recensitum. est, num. 17.

Marianus Scotus non aspernandæ auctoritatis scriptor, refert in sua Cronica. Melchiadem Papam Syluestri immediatum prædecessorem, epistolam scripsisse ad omnes Hispaniæ Episcopos, in qua idem Melchiades testificatur de immunitate Ecclesiastica sic dicens. Hoc enim priuilegium huic Sanctæ Sedi à tempore Apostolorum statutum est, seruire, quod illesum maneat vsque in hodiernū diē, Episcopos quos sibi dominus tanquam oculos elegit, & columnas Ecclesiæ esse voluit, quibus etiam ligandi, atque soluendi dedit potestatem suo iudicio referuauit, & quod Dei ordinatione taliter ordinatum esse credimus.

Idem Marianus Scotus meminit epistolæ Eusebij Papæ I. prædecessoris Melchiadis ad omnes Galliæ Episcopos, in qua testificatur dicens. Scitote à tempore Apostolorum in hac Sancta Vrbe, seruatum esse accusatores, & accusationes à clericorū accusatione submoras similiter laicos non accusare Episcopos, hæcenus obseruatum, & constitutum est.

Idem quoque Marianus Scotus refert duas epistolas Papæ Marcelli prædecessoris Melchiadis tam primam ad Episcopos Antiochiæ Prouinciæ, quam secundam ad Maxentium tyrannum, in qua Marcellus expresse pro immunitate clericorum allegat Clementem dicens. Clementem in his instructum fuisse ab Apostolis, & quia satis est testimonium Marcelli Papæ, & martyris, testificantis epistolas Clementis, & eius instructionem ab Apostolis habitam. non est opus amplius procedere cum ipse Clemens sit primus in serie recensita collocatus: sufficiunt enim hæc ad demonstrandum falsum esse inuentum istorum, qui negant epistolas decretales Summorum Pontificum præcedentium Papam Siricium. Et si quis dicat Marcellum non allegare epistolam aliquam Clementis, sed sola Clementis decreta. Respondetur, quod satis est, pro serie Pontificum comprobanda, quod Clemens de hac immunitate prodiderit decreta. Sed nec propterea epistolæ illæ Clementis abnegari possunt, cum Sanctus Hieronymus, lib. 2. contra Iovinianum asserat

firmet Clementem non vnā, aut alteram, sed plures scripsisse epistolā. Et concessio etiam, atque etiam, quod verum sit Iacobum fratrem domini ad quem Clementis epistolā dirigi prænотantur, mortuum fuisse eo tempore, quo scriptæ iudicantur, vti vult Cardinalis Baronius tom. 1. suorum annalium circa finem, nihilominus non abnegat dirigi potuisse ad Simeonem, qui appellatus est frater domini, ob sanguinis propinquitatem. Quare, directæ fuerint ad Simeonem, aut ad Iacobum nō ita facile negari possunt esse vere ipsius Clementis. Nam Anacletus Papa epistola 3. sic inquit. Ait ergo Beatus Petrus Princeps Apostolorum de Sancto prædecessore nostro Clemente plebibus prædicando, quādo docebat eas qualiter ei obedire deberent, eumque obseruare, &c. Quia omnia hæc leguntur in epistola 1. Clementis; hinc constat ex testimonio Anacleti, quod ipse Clemens illam scripserit epistolam, & consequenter cæteras.

**Q**uod si huic manifestæ veritati obstantes dicant se non penitus abnegare aliquas, illos Pōtīfices scripsisse tunc epistolas, sed quod non scripserint epistolas decretales aliquas in quibus testificentur exemptionem clericorum esse de Dei ordinatione, seu præcepto, vel per traditionem Apostolorum, & ratio huiusce negatiuæ ea sit, quia per totum illud tempus pax, & quies Ecclesiæ Christianæ non erat plene concessa, vt talis immunitas potuisset per formalia decreta ordinari, tyrannis Principibus infidelibus non permittentibus.

Huic rationi, vel potius effugio sicuti breuiter, ita & libere respondemus. Quod si hæc causa tantum impedimentum potuisset vbiq; eo tempore operari à Petro vsque ad Siriciū Papam, iam id ipsum, & eo magis fuisset operata tempore Pauli Apostoli, & in Ciuitate Corintho; sed constat totum oppositum per epistolam primam eiusdem Apostoli scriptam ad Corinthios, cap. 6. in qua reprehendit fideles, qui habentes negotia illa deferabant ad Iudices infideles, inferens argumento illo validissimo per locum à minori, quod multo magis deferre deberent ad ipsos sacerdotes, sicut rectissime inferunt, & colligunt Patres Concilij Carthaginensis tertij dicentes, inique de Ecclesiæ consortio iudicat, qui de vniuersa Ecclesia male sentiendo de iudicio seculari poscit auxilium. Cum priuatorum etiam causas Apostolus ad Ecclesiam deferri, atque ibidem terminari præcipiat. Sub Siricio Papa, & multo ante annis fere ducentis octoginta, eandem allegationem fecit Alexander Papa 1. eadem fere dicens verba. Neque item liberum fuisset Apostolo in epistola 1. ad Thimotheum cap. 5. scribere. *Aduersus presbyterum accusationem noli recipere, nisi sub duobus, aut tribus testibus.* In quibus verbis tanquam pro regula ordinavit Apostolus

Sup: in serie  
num. 19.

Superius  
n. 4.

solus ab eo tempore ex ipsius Dei præcepto, presbyteros non à secularib. iudicib. sed à suis Episcopis esse in criminalibus causis cognoscendos. Hinc etiam nulla suadet ratio, quod Summis Pontificibus eo primo Ecclesie tempore liberum non fuerit epistolas scribere decretales, quia vt refert in suis annalibus tom. 2. Cardinalis Baronius anno octauo Clementis Papæ I. allegans Plinium, l. 10. epistola 97. Christiana religio tunc longe lateq; fuit diffusa, nec tantû ciuitates repleuit Christi cultoribus, sed vicos, & agros.

**T**ertia ratio sumitur ab authoritate Gelasij Papæ I. qui in Concilio septuaginta Episcoporum, & habetur in. cap. Sancta Romana Ecclesia dist. 15. inter alia Patrum opuscula, quæ ab omnibus suscipienda tradit, decretales quoq. epist. summorû Pontificum suscipiendas decernit dicens. Item decretales Epistolæ, quas Beatissimi Papæ diuersis temporibus ab Vrbe Romana pro diuersorum patrum consultatione dederunt, venerabiliter suscipiendæ sunt. super quo decreto inter alia ponderandum est, quod inter Siricium Papam, & ipsum Gelasium I. non interfuerunt plus quam sexaginta anni iuxta computum Mariani Scoti, qui describens annos Siricij refert. anno 5. Imperij Gratiani cum Valentiniano fratre ad veritatem Euangelij sunt 403. sed Gelasius refertur præfuisse Ecclesie anno 462. quare cõpertum relinquitur Gelasium distare à Siricio solos annos sexaginta. Hoc stante, atque supposito fatuum, & deridiculum esset asserere, quod Gelasius decretum illud ediderit de epistolis decretalibus solis, quas ediderunt Pontifices per solum spatium annorum sexaginta à Siricio vsque ad ipsum. Ergo Gelasius alias, atque alias omnes in suo decreto complexus est epistolas decretales, quas omnes Pontifices Romani, à principio Ecclesie scripserunt; & cum nulla ratio suadeat ante Siricium Papam per spatium quadringentorum annorum nullum alium Romanum Pontificem epistolas decretales dedisse. hinc falsitatis manifestè conuincuntur isti, qui omnes decretales epistolas ante Papam Siricium negant. quinimo ex ipsa verborum locutione Gelasij dicentis, decretales epistolæ quas Beatissimi Papæ diuersis temporibus ab Vrbe Romana pro diuersorum patrum consultatione dederunt: est de recta ratione colligendum, quod ab eo tempore quo Petrus Apostolus Ecclesiam Romanam sua sacra morte sibi, & successoribus suis asciuit propriam, quo caput omnium effecta est Ecclesiarum: semper pro euenientibus causis factæ sunt ad Romanum Pontificem consultationes à diuersis patribus, & semper Romani Põtifices, vt suo muneri satisfacerent rescripta, & epistolas decretales dederunt, & aliud excogitare vanum commentum est, & more hæreticorum diabolicum adinuentum.

41  
**C**orroboratur hæc Tertia ratio ipsius Papæ Siricii ( cuius epistolę decretales ab his nouatoribus tanquam primę recipiuntur) pluribus testificationibus, nam ipse Siricius in epistola sua prima ad Himericum Tarraconensem narrat, quod ille scripserat ad Damasum suum prædecessorem, quo defuncto, ipse Siricius successor rescribit Himerico super pluribus quesitis in sua epistola ad Damasum contentis, ex quo clare demonstratur quod ad Damasum Papam ante ipsum Siricium mittebantur epistolę pro obtinendis ad consultationes responsis, nec est verisimile, quod Damasus Sanctissimus, non rescripserit epistolas pro necessaria satisfactione necessarias.

Item Siricius idem Papa in fine eiusdem epistolę ad eundem Himericum admonet, nulli sacerdotum liberum esse ignorare statuta sedis Apostolicę, vel canonum venerabilia definita, ex quo colligitur quod ante Siricium ipsum multi canones, & statuta tunc à sede Apostolica edita, & in partibus promulgata, hoc certe consistere non potuit, nisi ante ipsum Siricium, summi Pontifices prædecessores per suas decretales epistolas certiores fecissent fideles in suis prouincijs.

Idem quoque Siricius in epistola 4. ad Episcopos per Africam dicit; litteras tales dare placuit non quę noua præcepta aliquę imponerēt, sed quibus ea quę per ignauiam, desidiamque aliquorum neglecta sunt obseruari cupiamus; quę tamen apostolica, & Patrum constitutione sunt constituta: scriptum est, *State, & tenere traditiones nostras siue per verbum, siue per epistolam*, ex quibus fatetur, à temporibus Apostolorum per Pontifices prædecessores fuisse decreta condita, & hæc fuisse in Ecclesia introducta, & promulgata, vi traditionum Apostolorum, & Patrum, quod impossibile est effectum fuisse sine epistolis Pontificum antiquissimorum decretalibus.

**Q**uarta ratio. Cum, his nouatoribus obijcientibus necessarium sit concedere, quod à Siricio Papa vsque ad nostra tempora, epistolę decretales Pontificum sint suscipiendę & verę autentice, dum solas Siricio anteriores abnegant, necessarium erit eis quoque admittere, quod immunitas Ecclesiastica sit in ecclesia plusquam de humano Pontificio iure, & vere Dei ordinatione, & præcepto, eo quod quamplures Romani Pontifices Siricii successores per suas epistolas decretales id testificantur; quam veritatem per ipsa Pontificum, & conciliorum testimonia manifestare non grauabimur, licet in superiori Pontificum, & conciliorum ordinata serie adduxerimus, nam hæc repetitio ad hunc specialem effectum necessaria est. En quonam pacto Patres Concilij Carthaginensis tertij sub eodem Papa Siricio celebrati;

brati; veritatem istam demonstrant per illa verba, quæ habentur c. 9. putà, ad eligendos iudices, inq. de Ecclesiæ cōsortio iudicat, qui de vniuersa Ecclesia male sentiendo, de iudicio seculari poscit auxilium, cum priuatorū etiam causas Apostolus ad Ecclesiam deferri, atque ibidem terminari præcipiat. verba hæc scilicet inique de ecclesiæ consortio iudicat, cum allegatione autoritatis Apostoli, videlicet. 1. ad Corin: 6. non solum constitutionem canonicam innuunt humanam, sed certe ordinationem diuinam, per Apostolum dispositam, & ab illo tempore nascentis Ecclesiæ pronunciatam, de ipsa Ecclesiastica immunitate, vt inquam, causæ clericorum non deferantur ad iudices seculares, nam diuersum sentire, vt dicunt illius Concilij Patres de Ecclesiæ consortio, & inique iudicare, quid nam aliud est, quam de disciplina vniuersalis Ecclesiæ Dei institutione disposita, super immunitate Ecclesiastica male sentire?

**I**nnoctentius Papa I. post Anastasium Siricij Papæ successor, in epistola ad Alexandrum Episcopum. cap. 1. inquit. Non verisum est mobilitatem necessitatum mundanarum, Dei Ecclesiam commutari, honoresque aut diuisiones perpeti, quas pro suis causis faciendis duxerit Imperator, &c. dixit hæc Innocentius sciscitatus ab illo Episcopo vtrum diuisis imperiali iudicio prouincijs, vt duæ Metropoles fiant sic duo Metropolitani Episcopi deberent nominari, ex qua responsione clare inferitur, quod per nullam potestatem laicam quamuis Imperatoriam, in his sanctionibus libertatem Ecclesiasticam concernentibus, status Ecclesiæ Dei potest immutari: immutatio siquidem status Ecclesiæ non potest intelligi nisi de re diuinitus constituta, quæ sua virtute Ecclesiæ statum reddit firmum, & immunitabilem; Vnde aperte colligitur Ecclesiasticam immunitatem in Dei Ecclesia esse non sola institutione humana, sed Dei ordinatione constitutam.

Superius in  
serie nu. 232.

**L**eo Papa I. vt in serie quoque recensitum est epistola 94. ad Episcopos, & presbyteros intra Thraciam prouinciam constitutos, dum inquit: distringendorū negotiorum Episcopis sanctis cum & iuris antiqui formulis, & illibatis frequentius sit, & legibus confirmatum, præsentī tamen tempore à plerisque inuenimus fuisse calcatum, nam prætermisso sacerdotali iudicio passim ad examen seculare transire. clarum relinquitur, quod nomine formularum iuris antiqui exprimere iutendit sanctiones Ecclesiasticæ libertatis à temporibus Apostolorum pronunciatas.

num. 26.

**Q**uod etiam verum sit & indubitatum, Clementem plura decreta edidisse in quibus dignitatem simul, & immunitatem sacerdotum de Petri Apostoli præcesseris sui doctrinam proponit, & explicat. Testantur Patres Concilij Varmienfis sic

F a

re.

recentes. Clemens Petri successor lib. 2. constit. Apostol. c. 19. & 30. Vos inquit, o Episcopi, quibus cum versamini laicis, estis eis Prophetæ, Principes, duces, Reges *ἡμεῖς αὐτοὶ τοῦ θεοῦ καὶ τοῦ κόσμου*, hoc est, mediatores inter Deum, & fideles eius, receptores, verbi, & annuntiatores, periti scripturarum, & vocum Dei, & testes voluntatis eius, qui omniū peccata portatis, & de omnibus rationem reddituri estis. ac quibusdam interiectis: Episcopus ipse est verbi minister, legis custos *ἡμεῖς αὐτοὶ τοῦ θεοῦ καὶ τοῦ κόσμου*, idest mediator inter Deum, & vos, in eo qui præstatur Deo cultu. Ipse est doctor pietatis, ipse est secundum Deum Pater vester, qui per aquam, & Spiritum sanctum regeneravit vos in adoptionem filiorum Dei, ipse Princeps, & dux vester, ipse vester Rex, & potestatem in vos habens, ipse vester terrestris Deus, secundum Deum, qui debet apud vos in honore haberi, nam de eo dixit Deus; *Ego dixi Dñs esis, & filij altissimi. & Dñs non detraes*. Hæc referuntur in Concilio Varmienfi. tom. 1. de Sacerdotio, c. 53.

Superius  
num. 18.

**G**elasius Papa I. epistola 1. ad Siculos de reb. Ecclesiz. Vt in recensita serie superius habetur de iudicibus secularibus, qui clericos tanquam subditos iudicare adtentabant dicens, Quod si hæc tentare formidant, nec ad suæ pertinere cognoscunt modulum potestatis, cui tantum de humanis rebus iudicare permissum est, quomodo de his per quos divina ministrantur iudicare præsumunt? Certissime insinuat, quod ordinatione divina sit constitutum laicos iudices non posse clericos iudicare cum nō possint modulum suæ potestatis sibi de institutione divina præscriptum excedere.

**Q**ui item Gelasius, dum in epistola ad Anastasium Imperatorem dicit: duo quippe sunt Imperator Auguste quibus principaliter hic mundus regitur, autoritas Sacra Pontificum, & Regalis potestas, &c. & post aliqua. nosti inter hæc ex illorum te pendere iudicio, nō illos ad tuam posse redigi voluntatem, manifestissime declarat, quod per ipsam Dei institutionem, hæc potestates, ita sunt distinctæ, vt tamen Regalis potestas dependeat à potestate Pontificia, & ita immunitatem Ecclesiasticam declarat consequenter, non esse in Dei Ecclesia de solo humano iure, sed diuino.

Superius n.  
29.

**S**inmachus Papa in synodo sexta de inuasoribus rerum Ecclesiasticarum sic ordinat dicens. Non licet Imperatori, vel cuiquam pietatem custodienti aliquid contra diuina mandata præsumere, nec quicquam, quod Euangelicis, vel Prophetis, aut Apostolicis præceptis, & regulis obuiet agere: iniustum iudicium, & definitio iniusta Regio metu, & iussu potentis à iudicibus ordinata, vel facta non valeant. His verbis, quia loquitur specialiter con-

tra



tra ausus Regios super immunitates Ecclesiarum, manifeste indicat, talem immunitatem esse ex Dei mandato, per regulas Apostolicas disposito, non de solo iure humano.

**I**oannes Papa III. in epistola decretali ad vniuersos Episcopos per Germaniæ, & Galliæ prouincias constitutos inquit. Si Imperator Catholicus est: quod salua pace, &c. non à legibus publicis nō à potestatib. seculi, sed à Pōtificibus, & sacerdotibus omnipotēs Deus Christianæ religionis Clericos voluit ordinare, & discuti, & recipi de errore remeantes; Imperatores Christiani subdere, debent executiones suas Ecclesiasticis præsulibus non præferre, quibus dictis Summus hic Pontifex lo: demonstrat clarissime, quod de Omnipotentis Dei ipsius ordinatione, voluntate, & præcepto sacerdotes, & omnes clerici sunt exempti ab Imperatoris, & omnium aliorum Principum iurisdictione.

**G**regorius Papa I. epistola 39. ad Romanum defensorem Siciliae illum ardue redarguens, eo, quia clericos suo iudicio faciebat exhiberi, eorum despectis Episcopis: dicit, Quod si ita est: valde constat esse incongruum: & in eadem epistola de similibus actibus loquēs addit: sicut canonica decreuit autoritas. His verbis, per illam nimiam incongruitatem proculdubio insinuat transgressionem non solius humani Ecclesiastici decreti, sed cælestis ordinationis, & addens: sicut canonica decreuit autoritas: canones Apostolicos designat per Clementem, vt Cardinalis Baronius annalium tom. 2. Clementis annus decimus, refert. Vbi specialius nostro fauens proposito, sicuti docte, & eleganter, ita quoque recte, & iusta ratione deposcente hæc dicit. Sed mirati sumus Ecclesiæ hostes omnem admouisse arietem, atque adeo laborasse, vt primas illas decretales epistolas Romanorum Pontificum fide minuerent, atque irritas prorsus redderent, perinde ac si his fundamentis tota Ecclesiæ ædificatio inniteretur, quibus conuulsis esset protinus collapsura. absit, vt Dei Ecclesiæ columna, & firmamentum veritatis, tanta veritatis testandę labore inopia, vt si ex illis petitę probationes decissent causa caderet, cum tam in his quæ spectant ad sinceræ dogmata statuenda, quam in his quæ pertinent ad rectam disciplinam Ecclesiasticam declarandam, referta habeat locupletissima promptuaria probatissimæ veritatis, cuius nulla prorsus possit vnquam de impostura esse suspicio. Hactenus Illustrissimus Cardinalis. Hac nos eadem de causa, nostram hanc quartam apposuius rationem, vt omnes pij Principes, & vere religiosi cognoscant, quod etiam dato (gratia disputationis) quod epistolæ omnes decretales Summorum Pontificum Siricij Papæ prædecessorum, exciperentur, hoc non obstante, sufficientissime demonstratur per testificationes Pontificum successorum, quod immunitas personarum

Sup. n. 327

Sup. n. 347

rum Ecclesiasticarum fit in Ecclesia ex traditione Apostolorum, & Patrum, Dei ordinatione, & non solis canonicis humanis sanctionibus constituta. Eo quia omnes Summi Pontifices, post Siricium Papam, qui in suis decretalibus de hac immunitate Ecclesiastica testificantur, ad illam, ut plurimum (sicut ratio instructionis facienda postulabat) dispositionem, quæ in principio nascentis Ecclesiæ per doctrinam Apostolorum Dei ordinatione habetur se se referunt.

**E**T quoniam pro hac veritate testificanda, simul, & comprobanda sufficiunt præadducti Pontifices, ne prolixior iusto line necessitate, quarta hæc nostra euadat ratio: alios omnes, qui usque adhuc, tempore suo secundum consultationum contingentiam id ipsum sunt testificati, de industria prætermittere volumus, contenti aliquorum aliorum simplici citatione, quorum testificationes quisquis per extensum, si perlegere affectauerit, id perficere possit facile.

dist. 96. c.  
denique.

**E**N Nicolaus Papa I. in epistola ad Michaellem Imperatorem dum se penitus ignorare fatetur, quo iure Principes, qui tantum rebus præsumunt humanis, ministros diuinorum iudicare præsumunt, certissime insinuat immunitatem hanc esse de superiori iure quam humano, & hoc vere diuino.

dist. ead. c.  
quis dubitet

**G**regorius Papa VII. ad Hermannum Metensem asserens, esse miserabilis infamiam, secularis Princeps qui discipulus est suæ potestati conetur subiugare sacerdotem, qui suus magister est ad Dei ordinationem, & diuinam institutionem, clare refert talem immunitatem.

c. clerici, de  
iudicijs:

**L**ucus Papa III. dum dicit, quod leges non dedignantur sacros Canones imitari, in quibus generaliter traditur, ut de omnium crimine clericus debeat coram Ecclesiastico iudice conueniri, ad alios canones, non refert sermonem, nisi ad canones antiquissimos à temporibus Apostolorum.

c. c. laici, de  
reb. eccles.  
non alien.

**I**nnocentius Papa III. in Concilio Generali dicens, nullam potestatem attributam esse laicis quibuscunque pijs Principibus, & religiosis de rebus Ecclesiæ, assertum clare refert ad ordinationem diuinam.

c. eccl. S. Ma  
ria, de cons.

Idem Innocentius id ipsum docens, quod nulla laicis iure aliquo sit attributa potestas super Ecclesijs, & Ecclesiasticis personis, quos obsequendi manet necessitas, non autoritas imperandi, asserit immunitatem Ecclesiasticam esse certissimam de institutione diuina.

c. quanquā,  
de cens.

**B**onifacius Papa VIII. dicens, quod Ecclesiæ, Ecclesiasticæque personæ, ac res ipsarum non solum iure humano sunt immunes ab exactionibus, sed etiam diuino, non potuit expressius, & clarius hanc veritatem propalare.

**I**N Concilio Generali Lateranensi sub Innocentio III. dum isthæc fertur sententia. Nimis de iure diuino laici vsurpare conantur, cum viros Ecclesiasticos ad præstandum sibi iuramenta fidelitatis compellunt, expresse manifestatur immunitatem hanc esse de iure diuino.

**I**N Concilio Tridentino Patres dicentes. Ecclesiæ, & personarum Ecclesiasticarum immunitatem Dei ordinatione constitutam. idipsum docent, atque declarant.

**E**Cce quomodo vi huius quartæ rationis nostræ, remanet comprobatum manifestissime: quod nimirum dato (solius disputationis, & concertationis gratia) quod epistolæ decretales aliquarum Summorum Pontificum, quæ leguntur, & in nostra serie adducuntur, non sint alicuius auctoritatis, sed solæ suscipiendæ quæ à Siricio, & deinceps fuerint rescriptæ: cum hoc toto, immunitas Ecclesiastica, de qua tractamus, non ab ipsis Pontificibus rescribentibus solummodo ostenditur cõstituta, sed à principio exorientis Ecclesiæ, & ad traditionem Apostolorum de ipsius Dei ordinatione, & præcepto relata. Verum enimvero, quoniam viribus nostrarum aliarum rationum, tertiarum scilicet, secundarum, ac primarum, demonstratum relinquitur, quod omnes siquidem epistolæ decretales Summorum Pontificum à Clemente I. vsque ad nostra tempora, ex quibus, testificationum series à nobis contexta est, veniunt in Ecclesia Catholica eadem fide, & auctoritate recipiendæ, quemadmodum semper à Romana Ecclesia, & Sede Apostolica hætenus sunt receptæ; in decretis, & decretalibus libris repositæ; atque in casibus occurrentibus passim à doctoribus, tam Theologis, quàm Canonistis allegatæ: idcirco liberrime, ac tutissime promissis conclusionibus proponendis, & explicandis, uti rei pondus, & ratio exoptulat, manus obstrices, ut vitales sint partus admovebimus.

## CONCLUSIO PRIMA.

**E**X hac serie fideliter à nobis recensita tot Sanctissimorum Pontificum vsque ad Syluestrum, atque à Sylvestro vsque ad Damasum, Leonem, & Gregorium VII. de necessaria, & euidenti colligitur consequentia. quod successores inde Summi Pontifices, uti sunt Innocentius III. Honorius III. Gregorius X. & alij qui vsque ad nostra tempora, sub excommunicationis pœna, aliisque censuris prohibuerunt, & irritarunt quæcunque statuta à Principibus, & magistratibus edita contra libertatem Ecclesiasticam, hi quidem non à se ipsis primo libereatatem hanc clericorum instituerunt, sed Dei prius ordinatione, Apostolorum traditione, & sanctionibus Canonis successiue promulgatis à temporibus Apostolorum constitutam

c. eccl. S. Mariz, de cons. c. nouerit, de sen. exc. c. hoc consultius de reb. ecc. non alien. lib. 6. c. cū laici eo dē tit. extra. c. si diligenti de for. com.

tam iam; super additis pœnis congruis Ecclesiasticis conturati sunt: proinde nullam veritatis speciem sibi vendicant, qui dicunt, quod dispositiones Canonice à Pontificibus de hac re editæ, post nouellas Iustinianas, & constitutiones Theodosianas, non potuerunt obligare Principes ad seruandum hanc immunitatem, ac in omnibus orbis Christiani partibus non fuisse susceptas. Dicum oppidò hoc istorum sic blasphemantium, falsum est, & ementitum contra agnitam sensibiliter disciplinæ Ecclesiasticæ veritatem, quæ tam manifeste à temporibus Apostolorum continuata serie per Summos Pontifices martyres, & confessores vsque ad hæc nostræ tempora semper extitit pronunciata, disposita, & promulgata; Quod si interim aliquo tempore interpollatis euentibus, non reperiatur conseruata in aliquibus Regnis, Prouincijs, seu ciuitatibus Christianis, hoc certio certius euenisse compertum est, aut à negligenti, seu illaudata conuiuentia Prælatorum, vt suo tempore inquit Damasus Papa, aut clericorum proteruia, qui suis contemptis Episcopis à iudicibus laicis potius voluere cognosci, vt Leo I. Papa ætate sua conqueritur, aut Principum ausu temerario vsurpata, vt Patres in Concilio Carthagenensi I. sub Syluestro referunt ac suo decreto tunc edito, Imperatoris constitutioni publice, obstitunt.

Falsitas manifesta Pauli Seruiz, fol. 32:

Sup. nu: 21,

num. 26.  
num. 18.

## CONCLUSIO SECVNDA:

**C**vm sanctiones Canonice, (sicuti in hac præcedenti Conclusionem est explicatum) ipsam libertatem, & immunitatem Ecclesiasticam per se primo non constituent, sed Dei ordinatione, & præcepto prius indicatam, & constitutam præsupponant, de necessaria consequentia irrefragabiliter venit concludendum, quod etiam si à Sede Apostolica, vel Concilijs Generalibus immunitas, ista nondum fuisset per sanctiones Canonicas specialiter disposita, eo vtique modo, quo adhuc disposita reperitur, ipsam inquam libertatem Ecclesiasticam Dei ordinatione iam constitutam, & per Apostolorum, & patrum traditionem suo item modo, ex tunc promulgatam, omnes Christifideles tam clerici, quam laici, illam tenere, seruare, & custodire obnoxij forent ex diuino præcepto, quemadmodum, & ipsi Apostoli suo tempore seruare, & custodire tenebantur, tanquam Dei ipsius ordinatione, & præcepto indicatam, antequam per ipsam Ecclesiam specialiter fuisset disposita, & specificata. Comprobatur hæc totum, per locum ab authoritate duorum Conciliorum Generalium, Lateranensis, scilicet, sub Innocentio Terrio, & Tridentini, quorum vnum expresse dicit libertatem Ecclesiasticam esse de iure diuino, alterum Dei

Dei ordinatione . Nam Patres Concilij Lateranensis in decretorum tunc editorum cap. 41. hanc efferunt sententiam dicentes . Nimis de iure diuino laici vsurpare conantur cum viros Ecclesiasticos nihil temporale continentes, ab eis ad præstandum sibi iuramenta fidelitatis compellunt: quia vero secundum Apostolum, *Seruus suo domino stat, aut cadit*. Sacri autoritate Concilij prohibemus, ne tales clerici personis secularibus præstare cogantur huiusmodi iuramenta, hæc ibi. Quibus in verbis ne quis suspicetur, quod verba illa (de iure diuino) dicta sint non accipiendo ius diuinum proprie, sed improprie pro iure Ecclesiastico, eo modo quo aliquando ius Canonicum appellari solet ius diuinum, vt in c. celebritate. de consec. dist. 3. in quo Victor Papa discernens inter statuta Sacrorum Canonum, & leges seculi, inquit . Quia alia est ratio causarum secularium, alia diuinarum . De industria Patres in assignatione causæ, seu decreti . Verba iuris diuini per Apostolum prouinciata subnectunt, dicentes; quia vero secundum Apostolum, *Seruus suo domino stat, aut cadit*, per quæ Apostoli verba ius diuinum proprie sumptum, naturale adsignatur, quo Ecclesiasticæ personæ quæ in Dei seruitutem præ omnibus alijs fidelibus vocatæ sunt, non possunt laicis Principibus esse subiecti, vt iuramenta fidelitatis eis præstare teneantur . Quia fidelitatis iuramentum effectus est debite subiectionis sub ordinaria potestate cui præstatur. Argumento, clem. Romani Principes. de iure iurando. depulsa igitur sic huiusce dubitationis suspicione, nimirum: quod hoc in loco Concilij Lateranen. verba illa (Nimis de iure diuino) dicta sint, & accipi debeant de ipso iure diuino proprie sumpto; Tunc sic argumentamur, Ius diuinum quodcunque illud sit expressum, aut interpretatum, dummodo sit per traditionem promulgatum, semper est tempore anterius, quam aliqua iuris humani dispositio ad illud specificandum accedat . Ergo ab eo tempore quando in Ecclesia promulgatum est & declaratum, aliquod esse de iure diuino, illud tanquam ius diuinum seruandum est, iuncti, & vere ius diuinum est. Et quia dispositiones Ecclesiasticæ secundum temporis exigentiam factæ, per sanctiones Canonicas, pro explicando, seu specificando eodem iure diuino, posteriores tempore editæ reperiuntur, consequens est de necessaria illatione concludere irrefragabiliter, quod si Ecclesia per suas Canonicas dispositiones non dum specificasset immunitatem hanc, sic, & sic debere seruari, iam ab ipso iure diuino sufficienter in Ecclesia per traditionem promulgato erat obseruatu necessaria . Eo vtique modo quo ante hanc factam specificationem Apostoli ex ipsius Dei ordinatione præceptam, seruare tenebatur, atque certo certius seruauerunt, & seruandam in posterum tradiderunt .

Rom. 14.

G

Id ip-

Id ipsum Patres Sacri Concilij Tridentini insinuât, dicentes. Ecclesiz, & personarum Ecclesiasticarum immunitatem Dei ordinatione, & Canonicis sanctionibus constitutam. Nam vi copulæ (&) quæ sicuti suapte natura cadit inter diuersa, ita quando distincta coniungit inter quæ est ordo non abstractus à ratione debita naturali, tunc (vti docent communiter Legislares) natura copulæ non solum est coniungere, sed etiâ inducere ordinem, ut sic copulata in dispositione non faciant sibi partes per concursum, sed primo vocatur; Clarissime inquam Patres Concilij exponunt, quod immunitas hæc Ecclesiastica prius extitit Dei ordinatione distincte constituta, ac deinde pro temporis, & personarum exigentia sanctionibus Canonicis constituta est, & in illo priori suam completam obligationem ad obseruandum omnino continebat. Totum hoc vniue exemplo comprobabimus. En ieiunij quadragesimalis, legem ex traditione esse Apostolorum docent, Augustinus ad Casulanum epistola 86. & ad sanuarium epistola 119. Hieron. ad Letam de institutione filiz, & in Isaiam. cap. 38. Ambros. ser. 25. & 38. Chrysost. ad populum Antioch. hom. 17. Basilii lib. de ieiun. & contra ebriosos, & plerique alij Patres, sed Thelesphorus Papa, & martyr, qui præfuit Ecclesiz ab anno D. 127. in epistola ad vniuersos fideles primus legitur, qui legem ieiunij quadragesimalis hebdomadarum tempore distinctam, clericis à laicis statuit, dicens, Credimus Sanctam fidem vestram in Apostolorum eruditione fundatam hanc tenere, & hanc vniuersis populis exponere, quæ videlicet à constitutis Apostolorum eorumque successorum nulla ratione dissentit, per quos iustum est ceteros erudiri. Quapropter cognoscite à nobis, & à cunctis Episcopis in hac Sancta, & Apostolica Sede congregatis statutum esse, vt septem hebdomadas plenas ante Sanctum Pascha, omnes clerici in sortē domini vocati à carne ieiunent, quia sicut discreta esse debet vita clericorum à laicorum conuersatione, ita & in ieiunio debet fieri discretio. Atqui ante Thelesphori tempora ieiunium quadragesimale more ab Apostolis acceptum est in Ecclesia, tam à clericis, quam à laicis seruatum, vt ipsemet ibidem Thelesphorus testatur. Ante igitur quam per ipsum lex quadragesimalis ieiunij sic specificaretur, & distingueretur, ab eisdem temporibus Apostolorum lex ista obligans iam seruabatur. Ita & de hac immunitate Ecclesiastica concludendum est, quod antequam à Sede Apostolica per speciales sanctiones suo procedente tempore constitueretur, statim ac ab ipsius Apostolis fuit promulgata, erat obseruatu necessaria ob ipsam Dei ordinationem Apostolis factam, ab eisdem cognitam, & promulgatam, & obseruatam, quantum loci, & temporis circumstantia permittebat sine scandalo Principum infidelium.

CON-

**L**ibertas, & immunitas hæc Ecclesiastica, in Ecclesia Catholica Dei ordinatione constituta, habetur etiã per traditionẽ Apostolorum, & Patrum: & secus dicere, atque pertinaciter asserere, error est, eo quod tot Sanctissimi Pontifices, & Martyres, ita per suas sententias, & decreta docent, & contestantur. Ve paret in ipsa recensita serie, quorum testificationibus suo gloriosissimo martyrio ratificatis ab ipso Deo, fides indubitata ab omnibus catholicis est de necessitate salutis adhibenda. Traditio autem Sanctorum Apostolorum, tam in speculabilibus credendis, quã et in moralibus salutaribus peragendis, equivalet ipsi S. Scripturæ, vt Patres in Concilio Tridentino confitentur dicentes; Traditiones ipsas, tum ad fidem, tum ad mores pertinentes, vel ore tenus à Christo, vel à Spiritu sancto dictatas, & continua successione in Ecclesia Catholica conseruatas, pari pietatis affectu, ac reuerentia suscipit, & veneratur. Docet hoc Doctor gentium, Paulus Apostolus non semel, atque iterum, nam scribens ad Thessal. inquit: *State, & tenete traditiones quas didicistis, siue per sermonem, siue per epistolam nostram*, quibus verbis palam indicat præter ea, quæ scripserat se non minus præclara, quin & præclariora solo sermone docuisse, cum sermonem prius quam epistolam nominet. Et scribens ad Corint. dicit, *Cætera (nimirum de Sanctissimo Eucharistiz Sacramento) cum venero disponam*, ex quo loco scribens ad Ianuarium Augustinus, colligit à Paulo totum illum ordinem agendi, quem vniuersa per Orbem Ecclesia tenet institutum esse, quod nulla eorum diuersitate varietur. Item Apostolus scribens Timotheo, *quæ audisti, inquit, à me per multos testes, hæc commenta fidelibus hominibus, qui idonei erunt ad alios docere*. Quamobrem vt docent Patres in Concilio Varmienfi de Ecclesiæ nota, quod sit Apostolica. Quisquis Apostolicam Ecclesiam credere se profiteretur, eum non modo quæ scripta, verum etiã quæ viua voce tradita sunt per Apostolos tenere oportet. Sic Euseb. li. 5. hist. c. 16. sic Hylar. in lib. ad Constantium August. sic Athanasius in lib. de decretis synodi. sic Ambrosius lib. de fide, contra Arrianos. sic Gregorius Nazianzenus hæresi 23. Ita Cirillus lib. 1. de Trinit. ita Chrysostomus homil. 3. in epistola ad Philipp. ita Dionysius cap. 7. Eccles. Hier. Hieronymas ad Pammachinum aduersus hæreses. Augustinus sermone 115. & 181. de tempore. Leo epistola 24. & omnes orthodoxi, catholiciq; Patres, & Doctores. Cum igitur hæc Ecclesiastica, personarum Ecclesiasticarum immunitas sit euidenter, & certiss. per traditionem Apostolicam introducta; necessarium est coniteri, asserere, &

Thess. 4. in initio.

2. Thess. 2.

1. cor. 122

ep. 118. c. 6.

cod. cap.

1. Thim. 2

cap. 27

eam seruare tanquam verè præceptam de ipso diuino iure, sicuti, & alia multa, quæ per traditionem Apostolica u habita, ipsa omnis catholica seruat Ecclesia. Et ut omnis dubitationis scrupulus super re hac tanti momenti depellatur, adnotandum, quod iuxta ea quæ doctè differit Melchior Canus de locis Theologicis, lib. 2. c. Quædam traditiones Apostolorum reperiuntur temporariæ, quædam perpetuæ. temporariæ sunt illæ quas ipsi ordinauerunt tanquam Ecclesiæ Pastores, cuiusmodi sunt, trina immersio in baptismo, ut habetur can. Apostolorum 49. Ut etiam peracta consecratione omnes communicent, ac pœnitentiæ taxatæ pro peccatis iniungendæ, & aliquæ consimiles aliæ. Perpetuæ autem traditiones sunt omnes illæ quas Apostoli à Domino reuelante, ac specialiter ordinante audierunt, sicuti sunt omnia quæ spectant ad essentialia Sacramentorum, usus Sanctarum imaginum, adoratio crucis, benedictio nuptiarum, & aliæ quamplures, quas per totum Orbem seruat Ecclesia. Illæ quæ sunt temporariæ, licite potuerunt auctoritate Sedis Apostolicæ immutari, & usus contrarius populi potuit eas abolere. Illæ autem, quæ sunt perpetuæ nequaquam: & ratio differentię ea sola est, quod istas quæ perpetuæ sunt, Apostoli non à se ipsis instituerunt, tanquam Ecclesiæ Prælati, sed ab ipso Domino sic ordinante acceperunt, huiusmodi est hæc traditio immunitatis, & libertatis personarum Ecclesiasticarum à potestate, & iurisdictione Principum secularium: quam non ipsi Apostoli per se ipsos, ut Prælati Ecclesiæ instituerunt, sed ipso Domino præcipiente, & ordinante tradiderunt: uti manifestant, & attestantur tot Sanctissimi Pontifices, & martyres Domini. Præsertim inter ceteros omnes, Clemens, Anacletus, Alexander, Thelesphorus, Pontianus, Fabianus, Pius, Sixtus, Melchiades, Damasus, qui traditionem Apostolorum vocat & Patrum, expressius. Simmachus, Felix tertius, Ioannes tertius, Gregorius primus, qui omnes aperte dicunt, ac docent immunitatem hanc Ecclesiasticam, in Ecclesia, non solum à temporibus Apostolorum haberi, sed eam Domini voluntate, præcepto, ordinatione institutam fuisse, super adducentes passim Sacre Scripturæ specialia loca, ad illam comprobendam, & ex eis deducendam. ideo traditio hæc Ecclesiasticę libertatis, de illis esse constat traditionibus Apostolicis, quæ perpetuæ sunt, in quibus tanquam in diuinis institutis Ecclesia nihil habet potestatis ad illas immutandum, neq; possunt per aliquam consuetudinem, & usum populi remoueri: uti docet clarissime Urbanus Papa primus, c. sunt quidam 27. q. 1. dicens. Sunt quidam dicentes Romano Pontifici semper licuisse nouas conde-

re le-



re leges, &c. deinde inquit. Vbi vero aperte Dominus, vel eius Apostoli, & eos sequentes Sancti Patres diffinierunt, non nouam legem Romanus Pontifex dare, sed potius quod prædictum est, usque ad animam, & sanguinem confirmare debet. Si enim, quod docuerunt Apostoli, & Prophetæ, destruere (quod absit) niteretur, non sententiam dare, sed magis errare conuinceretur; sed hoc procul sit ab eis, qui semper Domino Ecclesiam contra luporum insidias optime custodierunt: Zozimus quoque, Papa cap. contra statuta. immediate ibidem recensitus à Gratiano inquit apertissime. Contra statuta Patrum condere aliquid, vel mutare, nec huius quidem Sedis potest auctoritas. apud nos enim inconuulsis radicibus uiuit antiquitas, cui decreta Patrum sanxere reuerentiam; quod etiam neque per aliquam consuetudinē, & usum populi valeat remoueri, docet Hieronymus ad Lucinium, dicens, illud breuiter te admonendum puto, traditiones Ecclesiasticas, præsertim quæ fidei non officiant ita obseruandas. ut à maioribus traditæ sunt, nec aliquorum consuetudine aliorum, contrario more subnerti. docet quoque Augustinus lib. 1. de baptismo contra donatistas, cap. 6. inquit, veritate manifestata cedat consuetudo veritati, plane quis dubitet veritati manifestæ consuetudinem cedere?

#### CONCLUSIO QVARTA.

**Q**Uod cum hæc Apostolorum traditio de hac Ecclesiastica immunitate sit de illis traditionibus perpetuis, quæ nec per Summum Pontificem (ut ostensum est) possunt immutari, neque per consuetudinem, & usum populi possunt aboleri, Principes quicunque sint, Magistratus, Reges, Imperatores, qui reperirentur in contrarium facere, vel ordinare, nulla possunt protestatione, prætextuque consuetudinis, vel usus antiquissimi a damnabili transgressione præcepti, & ordinationis diuinæ per Apostolicam hanc traditionem, & Patrum sanctiones dispositæ excusari, cum sit per ordinatam seriem Summorum Pontificum promulgata. neque alia patet via ad excusandum quemlibet huiusmodi Principum, & Magistratum, nisi via sola concessionis, & privilegij a Sede Apostolica emanati: hoc nihilominus eo casu solummodo, quo aliter Regnum, Prouincia, siue Ciuitas in pacifica, & salutari gubernatione non posset contineri. Hac præpotenti ratione coacti, illi etiam Theologi, qui mordicus tenent, libertatem Ecclesiasticam istam esse de solo iure humano non diuino; fatentur tandem, & clarissime dicunt, quod quando Prælatorum Ecclesiæ negligentia suggerit, qui iusto remissius clericorum crimina viciscuntur, licet tunc clerici

Nōtē senten-  
tiam a confi-  
larij Prin-  
cipum.

rici aliquam vim Reipublice etuli uideantur obijcere, Rex est, qui debet sur Reipublice consistere ad non dō Summum Pontificem, ut remedium adhuc beati uerbi gratia. Si clerici primae consore impune sanguinem passim fundunt, & cedes faciunt, deberet ad Sanctam Sedem recurri, & quando Papa nollet prouidere, posset Rex sese protegere, sed tamen p̄toribus, quamdiu leges durant nefas est, eas non seruare, p̄sertim quod quamuis Rex potestatem habeat uim repellēdi, nō tamen semper liquido constat, an in factū contingentia, vis uere illa sit, quæ uis iudicatur, & in re dubia Ecclesia est iudex. Hæc ut iacent in sua simplici littera, atque stilo uerba sunt Fr. Dominici Soto 4. sen. d. 15. q. 2. ar. 1. in fin. qui inter alios tenet libertatem Ecclesiasticam nō esse de iure diuino ullo pacto, & cū tota ista sua, à uero quidē discedente sententia, eū cogente supradicta nostra ratione, quod nimirum nulla ualeat consuetudo, nullusque usus excusare Principes à transgressione p̄cepti de contuenda clericorum immunitate, compulsi sunt nostram eandem fateri Conclusionem, uidelicet, quod ad excusandum Principes à transgressione damnabili, ac mortifera, sola impetrata a Sede Apostolica licentia eos excusare ualeret, nisi solummodo, quod Summo Pontifice requisito, & remedium non adhibente uim uis repellendo Rempubicam suam a delictis clericorum defendere possunt.

## CONCLUSIO QUINTA.

**Q**uoniam duo sunt principia demonstrandi aliquid esse de iure diuino, quando eiusmodi rei incidit quæstio. Vnum est. Omnis scriptura diuinitus inspirata: alterum est Apostolica traditio Dei ordinatione pronunciata. è quorum amborum uno: Omne quod uerè, & sufficienter ostenditur, de iure diuino esse tenendum est. hinc recta suadente ratione censendum, quod omnes illi doctores tam Theologi, quam Canonistæ Catholici inquam, atque doctissimi, qui quæstionem ad suas partes disputauere. An libertas Ecclesiasticarum personarum non solum in causis spiritualibus, sed etiam politicis, criminalibus, & civilibus sit de iure diuino, quique tandem declinant ad concludendum de iure diuino minime esse quo ad causas politicas, sed de solo iure humano; Canonico atque imperiali. Ad unum certe solum principium nempe, sacram scripturam animum appulerunt, eo, quod Autores sententiarum diuersarum, quæ communior extitit semper, dum etiam quo ad causas prophanas docent esse de iure diuino, suam Conclusionem e principio sacrarum scripturarum demonstrare conantur. At hi

con-

conspicientes, quod ex nullo sacre scripturæ loco, tam veteris, quam novi testamenti, ostendi videtur expresse, ad afferendum, non esse de iure diuino sed solo humano conuenerunt. In quorum albo, Ex Theologis sunt insignis doctor temporis nostri Frater Franciscus à Victoria, Dominicus Soto primarius eius discipulus, Ioannes à Medina, Didacus Couarruias. Qui siquidem doctissimi, & probatæ authoritatis viri, dum suam abnegantem afferunt Conclusionem ex sola consideratione vnius solius principij sacrarum scripturarum, sicuti nullo adhuc æquitatis iure veniunt arguendi, eo quia ad tento hoc solo principio sacrarum scripturarum demonstrari non posse videtur, libertatem hanc Ecclesiasticam esse de iure diuino expresso, licet sufficienter demonstretur esse de iure diuino virtuali, & interpretato, & ex consequentia necessaria, deducto, ita quoque ex ipsorum opinione nullum desumi potest argumentum probabile ad ostendendum libertatem Ecclesiasticam non esse de iure diuino simpliciter si attendatur ad alterum principium, traditionis, scilicet Apostolorum Dei ordinatione pronuntiatæ. Etenim si hi doctissimi, & eorum sequaces quicunque alij ad hoc alterum principium mentem suam, & ingenium adhibuissent, certo certius est censendum, quod affirmatiue concludissent, libertatem hanc Ecclesiasticam, de qua loquimur, esse non de solo iure humano, Pontificio, & Cæsareo, sed etiam de iure diuino quo ad causas etiam politicas, tam criminales, quam civiles: cum tot tantique Pontifices martyres, & confessores testificentur, constitutam esse Dei ordinatione, & præcepto, per traditionem Apostolorum, & Patrum promulgato: quibus aduersari ausi non fuissent vilo pacto absque manifestæ veritatis præiudicio. Et ut nullus ambigendi locus remaneat, de hac nostra Conclusionem: Quod nimirum hæc immunitas Ecclesiastica ex traditione Apostolorum sit in Ecclesia introducta, regulam illam Augustini expedit huc asserere, qua certissimè cognosci potest aliquod dogma ex traditione Apostolorum proficisci; quam regulam ipse Augustinus in principio, cap. 24. lib. 4. contra donatistas ponit per hæc verba, dicens. Quod vniuersa tenet Ecclesia, nec Concilij solū institutū, sed semper retentum, non nisi authoritate Apostolica traditum, rectissime creditur: hanc Augustini regulam, quam, viam, nominat Melchior Canus, de locis Theolog. lib. 3. cap. 4. sic per rationem superadditam declarat, Si consuetudinis cuiusquam diu in tota Ecclesia obseruata originem, & principium, nec ad Summos Pontifices, nec ad Concilia Episcoporum referre possumus, sed ea consuetudo ad Apostolorum vsque tempora retrahitur, conficitur plane illum ab Apostolis esse profectum. id ipsum aptatur totum immunitati Ecclesiasticæ, de qua differimus, nam immunitatem istam Ecclesiasticam.

Relect. de  
eccl. pot. q.  
vlt. prop. 3:  
n. 3:  
4. dist. 25. q.  
2. ar. 2. cod:  
de rell. q. 15:  
pract. q. 3:  
ver. contra  
opin.

fialticam vniuersalis semper tenuit Ecclesia, & per consuetudinem  
 in tota Ecclesia Catholica semper observata est: quæ siquidem  
 quamvis à Summis Pontificibus, & Concilijs legatur instituta, ni-  
 hilominus ipsius origo, atque principium non sititur in decretis  
 Pontificum solis, & Concilijs, sed euidentissime retrahitur vs-  
 que ad Apostolorum tempora, & viuam traditionem, vbi constat  
 ex ipsis testificationibus tam Conciliorum Generalium, quam  
 etiam Summorum Pontificum. Et vt gradatim procedamus, vsque  
 ad ipsos Apostolos: incipientes à nostro tempore. En Conci-  
 lium Tridentinum, hanc Ecclesiasticam immunitatem non statuit  
 in solis Canonicis sanctionibus, sed illam refert ad Dei ordinatio-  
 nem, scilicet factam ipsis Sanctis Apostolis, & ab eisdem promul-  
 gatam. Concilium item Lateranense sub Innocentio III. refert ad  
 ius diuinum, dum dicit, quod laici nimis de iure diuino sibi vsur-  
 pant, &c. Ioannes Papa III. de Iustino Imperatore scribens ad  
 vniuersos Episcopos per Germaniæ, & Galliæ Prouincias constitu-  
 tos, refert, ad dispositionem celestis ordinis: dicens. Si Imperator  
 Catholicus est, &c. contra dispositionem celestis ordinis nihil  
 usurpet. Simmacus in sexta synodo habita tempore Theodorici  
 Regis de inuasoribus rerum Ecclesiasticarum, refert ad regulas  
 Euangelicas, Propheticas, & Apostolicas. Leo Papa I. epistola 94.  
 ad Episcopos intra Thraciam constitutos, refert ad iuris antiqui  
 formulas ante omnes leges. Iulius Papæ I. in suis decretis, c. 36.  
 Eandem immunitatem, refert, ad regulam informationis habitam  
 in Ecclesia per Apostolum Petrum, inquit (pro immunitatis  
 conclusione præmissa) portemus onera omnium qui grauantur,  
 quinimo hæc portat in nobis Beatus Petrus Apostolus, cuius vice  
 fungimur legatione, & cuius regula informamur; Damasus Papa  
 refert, ad Apostolorum, & Patrum traditionem. In Concilio Car-  
 thaginensi sub Syluestro I. celebrato, & ab eodem confirmato, cap.  
 9. refertur ad defensionem Ecclesiasticam, quæ incepit ab Aposto-  
 lis. Melchisedes Papa, & martyr, refert hanc immunitatem ad sta-  
 tutum à temporibus Apostolorum. Eusebius Papa I. refert ad ob-  
 seruationem à tempore Apostolorum. Marcellus Papa, & martyr  
 eam refert, tam ad definitionem Beati Clementis Papæ I. eum in-  
 struentibus Apostolis, quam ad ipsos Sanctos Apostolos, qui a Deo  
 sibi traditâ prædicauerunt, & docuerunt. Fabianus Papa, & mar-  
 tyr, refert eandem immunitatem ad Sanctos Apostolos, & eorum  
 successores. Thelephorus Papa, & martyr, refert, & ad legem Dei  
 & Apostolorum, & prophetarum. Alexander Papa I. & martyr. pa-  
 riter & Anacletus, eandem referunt ad doctrinam Pauli Apostoli  
 specialiter 1. ad cor. cap. 6. Postremo: Clemens Papa I. & glorio-  
 sus martyr ipsam immunitatem Ecclesiasticam refert ad ipsum  
 Aposto-

Apostolum Petrum loquentem de secularibus omnibus, & plebe erga Episcopos. Ex supradictis omnibus necessario colligitur, & confirmatur, libertatem, & immunitatem Ecclesiasticam istam non esse simpliciter, & primò de solo iure humano Ecclesiastico, sed esse etiam de iure diuino, per verā, certam, atque perpetuam traditionem ab ipsis Sanctis Apostolis introductam, & declaratam à Deo sic eis ordinante.

## CONCLUSIO SEXTA.

**O**pinio, atque sententia illorum Theologorum, & Canonistarum non aspernanda, sed suspicienda auctoritatis doctorum, dicentium simul, & asserentium immunitatem, seu libertatem Ecclesiasticam, tam personarum, quam etiam communium bonorum Deo oblatorum, non esse de iure diuino, expresso scilicet, in aliqua tam veteris quam novi testamenti auctoritate exarato: nulum certe præiudicium inferre potest superioribus conclusionibus nostris, quæ ex principio traditionis Apostolicæ, concludunt eandem immunitatem esse de iure diuino: tum quia aliud principium est atque distinctum, traditio Apostolica: & aliud principium est expressum Dei verbum, ad demonstrandum aliquid esse de iure diuino, uti in superiori conclusione positum est pro fundamento, ex ipsa Catholica Ecclesiæ disciplina: tum quia doctores tam Theologi quam Canonistæ, qui docent non esse de iure diuino, scilicet expresso: Nō veniunt propterea arguendi, & multo minus de errore manifesto condemnandi, donec aliter ab Ecclesia Catholica fuerit determinatum: tum etiam, quia si sacræ scripturæ loca illa quæ videntur immunitatem hanc constituere ad genuinam verborum significationem applicentur, secundum Doctorum etiam Catholicorum magnæ auctoritatis interpretationes, non adeo clare Conclusio comprobabitur pro immunitate hac Ecclesiastica, ut de iure diuino expresso: quod facile constare poterit percurrenti omni, & discurrenti illa sacræ scripturæ loca, quæ in rem hanc solent à quibusdam doctoribus adduci, & ut in gratiam dubitationis enodanda, loca specialiter percurramus, Eo tenore quo ipsi doctores pro sua comprobanda sententia percurrunt: exordium sit ab illa veteris testamenti auctoritate, quæ habetur Genes 47. videlicet. *Ex eo tempore usque in presentem diem in vniuersa terra Aegypti Regibus quinta pars soluitur, & factum est quasi in legem, absque terra sacerdotali qua libera ab hac conditione fuit.* Verba hæc, & si expresse asserant libertatem possessionum sacerdotalium a grauamine illius quintæ partis, quæ de lege generali imposita fuit super bonis omnium secularium Aegypti, nihilominus minime contra est pronuntiata de

H

ipsum

ipſius Dei ordinatione, non enim apparet rationi iuſtæ conſentaneum, cum omnia, quæ à Deo ſunt, iuſta, & æterna ratione ſint ordinata; Quod Deus ipſe ſui ſummi honoris zelantiſſimus, ſacerdotes illos honori Dei veri inſenſiſſimos, qui falſis Dijs, & Idolis ſacrificia offerebant, populoſque ad Idolatrandum inducebant, hac immunitate voluerit, & ordinauerit donari: quam non ſolum minime merebantur, ſed potius maiori grauamine digni erant, in odium iuſtum Idololatrarum ipſorum. apparet igitur tunc & ibi immunitas illa conceſſa ex quadam rationabili concurrente cauſa (eo, quia ſacerdotes à populis præcipuo honore afficiebantur) conſtituta ab ipſo Joſeph, & præſidente, & homine, ab ipſo etiam Rege Idolatra, ſacerdotes ſuos veneratè approbata, ſiue conſirmata. Nec obſtant illa verba, quæ leguntur in cap. tributum. 23. q. 2. videlicet (domino ex tunc pronunciatè ſacerdotes in omni gente liberos eſſe oportere,) quia in eo cap. tributum, quod aſcribitur Urbano Papæ I. ab illis verbis præciſe (Quamvis autè) uſque ad finem: ſunt Summi Pontificis Urbani, eo quia in tota epiſtola Urbani, quæ vnica eſt non reperitur quid tale, ſed ipſius potius decretorum compilatoris Gratiani, & ideo illa additio (domino ex tunc pronunciatè) non videtur tanti faciendæ, ut inde authoritate Urbani poſſet confirmari de ipſius Dei ordinatione tunc fuiſſe, & de iure diuino expreſſo. Vnde non adeo incongrue Dominicus Sotus, lib. 4. ſent. diſt. 23. q. 2. art. 2. & Concl. 1. inſert, quod ex illo factò quamvis conijci poſſit, quod in lege naturæ ubi Dei veri cultus vigeat, & radius ille fidei tunc reuelatè admoneret, ſacerdotes inſtitui, attamen immunitas ſacerdotum, & eorum bonorum, a grauaminibus ſolo iure gentium fuit conſtituta, non autem iure diuino, vel ſpeciali aliqua ex tunc habita Dei ordinatione.

Alter veteris teſtamenti ſacrę ſcripturę locus, qui habetur 1. Eſdrę 7. per illa verba expreſſa. *Vobis quoque noſtrum facimus de diuerſis ſacerdotibus, & leuitis, & cantoribus & ianuoribus nathinaiſ, & miniſtris domus Dei huius, ut veſtigal, & tributum, & annonas non habeatis poteſtatem imponendi ſuper eos.* Verba hæc, ut iacent expreſſè iam continent libertatem, & immunitatem Eccleſiaſticam illorum ſacerdotum à ſoluendis veſtigalibus, tributis, & ſimilibus. Verum quia ut patet in tex: hæc exemptio non à Deo ipſo facta legitur, neque de ipſius Dei ſpeciali ordinatione, ſed ſimpliciter ab ipſo Rege Perſarum Artaxerxe, conceſſa legitur Sacerdotibus, atque Leuitis Iſraelitici populi in grãtiam ipſius Eſdrę Sacerdotis Dei: ſic enim habet a ſuo principio illud Regium priuilegium. *Artaxerxes Rex Regum, Eſdrę ſacerdoti ſcriba legis Dei Doctiſſimo, ſaluem. A me decretum eſt, &c.* Vnde manifeſte conſtat, quod verba illa ſpecialis conceſſionis immunitatis à veſtigali, tributo

& an-

& annona, sunt ipsius Regis, vt Principis sic deuoti, non autem ipsius Dei, vel de Dei speciali ordinatione prolata. Vnde ex isto quoque loco sacrę scripturę, clare colligitur immunitatē illā tunc fuisse solo iure humano Regis illius constitutam.

Tertius locus ex psal. 104. in illis Dei verbis. *Nolite tangere Christos meos, & in Prophetis meis nolite malignari.* Verba autem, scilicet (Christos meos) vt constet ex contextu litterarū, dicta sunt peculiariter de Prophetis, & Principibus vnctis, per quę nihil aliud explicatur, nisi quod Dei voluntas sit, quod nulla suis ministris irrogetur iniuria, eo quod atrocius crimen esset, quam si priuatz cuiuslibet irrogaretur personę. comprobatur literalis. ac proprius hic sensus, ex illo 1. Reg. 2. vbi Dauid arguens iuuenem illū Amalechitā, qui nunciauerat mortē Saulis dixit ei. *Quare nō timuisti mittere manū tuā, vt occideres Christum dominū?* & licet aliquo pacto verba possent ad personas omnes sacras applicari, tamen cū contineant præceptū illud negatiuū, offensionē non irrogandā Ecclesiasticis, non apparet quonā modo possit detorqueri ad fauorē, & gratiā immunitatis, cū nulla fiat ibi mētio de administratione iustitię.

Quartus locus est sacrę scripturę noui testamenti Matth. 17. Vbi dominus præueniens Petrum, qui fuerat interrogatus à ministris, qui didragma accipiebant, dixit illi. *Reges terra à quibus accipiunt tributum, & censum à filiis suis an ab aliis?* & ille dixit, *ab aliis;* dixit illi Iesus. *ergo liberi sunt filij, &c.* Quibus verbis fit expressa mentio immunitatis filiorū Dei à solutione tributi & census; vbi nomine filiorum, non incongrue, sed ad litteram possent intelligi personę omnes Ecclesiasticę, quibus per illam domini nostri collectionem (*ergo liberi sunt filij*) videatur expresse pronuntiatum, ipsius Dei, & Domini autoritate immunitas, & exemptio clericorum omnium Ecclesiasticarum personarum à solutione Gabbellarum, & similiarum grauaminum; & eo magis ipsas personas Ecclesiasticas à cognitione iudiciali in causis civilibus, & criminalibus.

Veruntamen, quia locus hic Sacri Euangelij non ex communi Patrum, Theologorumque exponitur de filiis, acceptis pro clericis personisque Ecclesiasticis tanquam in Dei sortem datis, atque vocatis, vt in cap. clericos 21. dist. sed aliqui, vt sunt Diuus Bonauentura 21. 1. sen. dist. 44. 2. 2. q. 2. quę sequitur Sot. in 4. dist. 25. q. 2. 2. hī dicunt nomine filiorum, etiam intelligi possunt, qui Apostolicam vitam secuti, statum paupertatis elegerunt. ex qua interpretatione, possent dici exempti de iure hoc diuino Euangelico à solutione tributi & vestigalium, omnes regulares tantum, qui nil proprium habent. Quamplures vero Patres, vt Chrysost. super Matth. cap. 17. homil. 54. Theophil. super eodem cap. Matthæi 17. Origenes eodem loco. Hieronymus pariter. Tostatus, Diuus Thomas

in lib. 3. sent. dist. 44. art. 2. q. 2. interpretantur hunc Evangelij locum de sola persona ipsius Christi qui filius cælestis Regis est, ex quo de se ipso concludit solum, quod nō esset obligatus ad solvendum tributum. Ideo ex hoc Evangelij loco non potest desumi testimonium firmum quo immunitas personarum Ecclesiasticarum, & rerum, sit & dici debeat de iure diuino expresso. Quamobrem eum nullus alius sacræ scripturæ locus noui præsertim testamenti, qui aliquam præ se ferat verborum expressionem sit: Vnde in sensu genuino litteræ valeat significari, immunitatem & libertatem Ecclesiasticam, tam personarum, quam etiam rerum, esse de iure diuino expresso, horum doctorum sic adserta Conclusio posset æquo iure tolerari sine Conclusionum nostrarum, & ipsius veritatis ostensæ, ac cōprobata villo præiudicio. Etenim si adtendantur, vt conuenit: verba, conceptus, & rationes omnium illorum doctorum tam Theologorum, quam Canonistarum, qui negant immunitatem Ecclesiasticam esse de iure diuino, confutandum est libere, quod de solo iure diuino expresso dicunt, loquuntur, atque concludunt, non autem de iure diuino virtuali, per necessariam consequentiam deductio: de quo nostram sequentem statuemus Conclusionem. Ad quam statuendam ab ipsis Sanctissimis Pontificibus in præmissa serie recensitis, nos inducimur necessario: eo, quod quamplures ipsorum, authoritates præsertim noui testamenti allegant crebro, ad demonstrandum eandem immunitatem Ecclesiasticarum personarum, esse Dei ordinatione, & præcepto, & sic de iure diuino constitutam, qui siquidem Sanctissimi Pontifices (vt est opere pretium) non censendi sunt incalsum, & ex animi leuitate, authoritates sacræ scripturæ allegare, sed de industria, & de Spiritus sancti illustratione speciali, quæ sacri Evangelij loca, & si non ita expresse de sui prima, ac naturali significatione illam significent, attamen virtualiter eandem re vera continent, & via necessariæ deductionis exponunt. Vnde sit necessarium inferre, quod immunitas, seu libertas Ecclesiastica non solum sit dicenda de iure diuino, via, & principio traditionis Apostolorum, & Patrum promulgato, sed etiam via, atque principio ipsius verbi Dei in nouo testamento exarati suo virtualis continentię modo.

#### CONCLUSIO SEPTIMA.

**I**mmunitas, seu libertas Ecclesiastica tam personarum ministerio diuinorum addictarum, quam bonorum communium assignatorum sustentationi ministrorum: est & dici debet esse de iure diuino scripto, & si nō expresso attamen virtuali, hoc est per necessariam consequentię naturalis collectionem deductio. pro cuius conclusionis exacta comprobatione, operepretinm est impensius adnotare, quod



quod quidpiā esse, vel dici debere de iure diuino scripto, prima sui & vniuersaliori distinctione: venit intelligēdum dupliciter, scilicet aut expresse, aut virtualiter per necessariam consequentiam deducit; illud autem intelligendū est, esse de iure diuino expresse, quod verbis in sacra scriptura ad litteram exaratis, tam veteris, quam noui testamenti, secundum naturalem ipsorum verborum significationem exprimitur; virtualiter vero in iure diuino contineri intelligitur, illud quod ex eisdem sacre scripturæ verbis de necessaria deducitur consequentia. exempla eorū quæ de iure diuino expresse dicuntur, hæc sunt: præceptum de Baptismo suscipiendo, & de forma eius seruanda, per illa Euangelij verba Ioan. 3. *Amen, Amen, dico vobis nisi quis renatus fuerit ex aqua, & Spiritu sancto non potest introire in Regnum Dei, & illa Matthæi ultimo Euntes docete omnes gentes baptizantes eos in nomine Patris, & filij, & spiritus Sancti, de Eucharistia sumenda expressa verba sunt illa Io. 6. Amen, Amen, dico vobis, nisi manducaueritis carnem filij hominis, & biberitis eius sanguinem, &c. de penitentiz Sacramento clara sunt pariter verba illa Io. 20. Accipite spiritum Sanctum, quorum remiseritis peccata, &c. exempla de iure diuino virtualiter contento sunt, præceptum de confessione peccatorum integre facienda sacerdoti, nam ex verbis supra dictis, *quorum remiseritis peccata remittuntur eis, &c.* quibus institutum est penitentiz Sacramētum per necessariam deducendo consequentiam iuxta declarationem sacri Concilij Tridentini: Vniuersa Ecclesia semper intellexit institutū etiam esse à domino integram peccatorum confessionem, & omnibus post Baptismum lapsis iure diuino necessariam existere. Quam deductionem sic Patres efficiunt, quia Dominus Noster Iesus Christus ascensus ad cælos sacerdotes sui ipsius Vicarios reliquit, tanquam præfides, & iudices, ad quos omnia mortalia crimina deferantur, &c. constat autem iudicium hoc incognita causa exercere non potuisse, neque æquitatem quidem illos de pœnis iniungendis seruare potuisse, si in genere dumtaxat, & non potius in specie, ac sigillatim sua ipsi peccata declarassent.*

Est quoque magnopere animaduertendum. quod illa nimirum, quæ virtualiter esse præhibentur de iure diuino, per deductionem consequentiz necessariæ, vltterius distingui possunt, ac diuidi in plures gradus, cū non semper in vno consequentiæ necessariæ articulo terminentur, sed aliquod in primo, aliquod in secundo, aliquod in tertio, & quarto quoque gradu virtualem sibi vendicat deductionem, & continentiam: exempla eruuntur ex ipsomet penitentiz Sacramento superius exemplificato, ecce quomodo de iure expresse, vt dictū est habetur, Sacramenti huius diuina institutio per illa verba *quorum remiseritis &c.* quibus proprie expresse, atq. primo,

& iam:

& immediate Sacerdotes iure diuino instituti sunt iudices peccatorum in foro conscientię Sacramentali, & in primo gradu de virtuali continentia per deductionem necessarię consequentię, eodem diuino iure instituti intelliguntur, omnes tres penitentis peccatoris actus, scilicet contritio, confessio, & satisfactio, qui cum in eodem Sacramento sint loco materię sub eadem institutione diuina comprehenduntur, eo quod nec sine sufficienti contritione, nec sine integra omnium peccatorum confessione, neque sine satisfaciendi voluntate quisquam capax erit eiusdem Sacramenti. In secundo gradu continentię virtualis per necessarię consequentię deductionem sub eodem iure diuino colligitur expressio circumstantiarum illarum, quę speciem peccati mutant. vnde Patres in eodem loco subneſcunt; Colligitur præterea, etiam circumstantias in confessione explicandas quę speciem peccati mutant; quod sine illis peccata ipsa neq. à penitentibus integre exponantur, nec iudicibus innotescunt. Et in tertio gradu, cum eadem iuris diuini deductiua qualitate continetur diligens discussio proprię conscientię: nam vt in eodem loco sacri Concilij habetur, postquam quisque diligentius se discusserit &c. Ea peccata confiteatur quibus, se dominum, & Deum suum mortaliter offendisse meminerit. Quamobrem diligens conscientię discussio sub eodem iure diuino comprehenditur, in ultimo tamen suę necessarię consequentię, & virtuali gradu, quorū siquidem graduum nullus est, qui extra eiusdem diuini iuris terminos reperiatur; licet inter eosdem secundum priorem, & posteriorem continentiam virtualem, & necessarię consequentię deductionem ordo intercedat. His itaque præmissis, & prænotatis, facillimū erit de locis sacre Euangelicę scripturę expressis, immunitatem Ecclesiasticam omnem per suos pariter gradus, virtualis continentię, & deductionis necessarię consequentię, in prospectu euidenter asserre. Agite nūc igitur loca sacre Euangelicę scripturę in medium asseramus, in quibus ius ipsum diuinum expresse continetur; vnde de eodem virtualiter, hoc est, per consequentię necessarię deductionem euidenter ostendatur, immunitatem Ecclesiasticam hanc esse, & dici de iure diuino debere. & ne me adiutorem iactem, eadem dico esse loca, quę tã Alexander Papa I. quam Concilium Carthaginense III. in hunc eundem effectum allegant comprobandum. Primus locus est ille illustrissimus, ac per omnes sacros Canones replicatissimus Matt. 16. *Tu es Petrus, & super hanc petram edificabo Ecclesiam meam &c.* quę locum Alexander I. allegat, vt in cap. Relatum. 17. q. 1. refertur à Gratiano. locus alter est ille qui 1. ad Cor. 6. habetur scilicet *Audet aliquis vestrum habens negotium aduersus alterum iudicari apud iniquos, & non apud Sanctos, &c.* quem etiam locum idem Alexander in

der in eodem loco insinuat ad eundem effectum per illa sua verba. Sacerdotes Dei ad iudices publicos accusare præsumant cum magis Apostolus, Christianorum causas ad Ecclesias deferri, & ibidem terminari præcipiat. Quem etiam Apostoli locum Patres in Concilio Chartaginensi tertio; & transmittitur eadem causa, & q. in cap. placuit 2. ad eandem immunitatem comprobendam personarum Ecclesiasticarum, allegant per illa sua ibidem consimilia verba. Si quidem ad eligendos iudices inique de Ecclesiæ consortio iudicat, qui de universa Ecclesia male sentiendo, de iudicio seculari poscit auxilium: cum priuatorum etiam causas Apostolus ad Ecclesiam deferri, atque ibidem determinari præcipiat. Tertius locus est frequentissime à pluribus Pontificibus adductus. Matth. 10. *Non est discipulus super Magistrum*, & ad Rom. 14. *tu quis es qui iudicas alienum servum? domino suo stat, aut cadit.*

Si igitur tam Alexander Papa 1. quam Patres Concilij hæc Evangelicæ scripturæ loca ad comprobandum, Ecclesiasticarum personarum immunitatem esse plusquam de iure humano, & certe diuino adducunt, & eadem quoque nos ad eandem probationem perficiendam oportet adducere, sicuti & adducimus. Et primo locum illum Matth. 16. *Tu es Petrus &c.* cui comparia Evangelij loca adduplicantur, puta illud Matthæi 18. *si Ecclesiam non audieris sit tibi, sicut & ethnicus, & publicanus*, Amen Amen dico vobis quæcunque alligaueritis &c. Et illud Ioannis 21. *Pasce oves meas*, Nam hæc tria sacri Evangelij loca in vnum pariter coapat Ioannes Driedonius li 2. de libertate Christiana cap. 2. ex quibus deducendo comprobatur omnem immunitatem Ecclesiasticam esse de iure diuino. Agite nunc, per necessariam suam consequentiam, deductionem formemus secundum suos deductionis gradus. Ecce in illis sacri Evangelij verbis; *Tu es Petrus, & super hanc petram, &c. si Ecclesiam non audieris, & Pasce oves meas*, vniuersa Ecclesia semper intellexit, expresse ab ipso Deo, & Domino Nostro Iesu Christo institutam esse, & vere collatam Petro eius primo Vicario, & successoribus illius summis Romanis Pontificibus, potestatem summam Ecclesiasticam, super omnes Christi fideles absque discrimine, tam clericos quam laicos, tam Principes quam populares, ut in cap. solitz. de maiorit. & in consit. vnam sanctam. eodem tit. & in cap. duo sunt. 96. dist. & hoc, ad finem consecutionis vite æternæ, & ut integre, & sine impedimento conseruetur diuinus cultus, qui vero Deo debetur ab omnibus Christianis fidelibus: & hic est principalis gradus, nempe potestas Ecclesiastica, ad finem conseruandi cultus diuini de iure diuino expresse, ab ipso Deo immediate collata Summo Pontifici Romano, secundum suam super omnes eminentiam, per illa verba. *Pasce oves meas*. & consequenter alijs omnibus

bus Episcopis per vniuersas particulares mundi Ecclesias in sua specialitate . Et cum in eodem loco diuinitus data sint duę clauę Regni cęlorum, hoc est regni Ecclesię: non vna solum, sed duę, vt vna sit, & dicatur clauis scientię, quę est autoritas iudicialiter cognoscendi inter lepram, & non leprā, & id quidem tū in interiori quam exteriori foro . Altera vero sit clauis potestatis per quam secundum conditionē tribunalis tam interioris, quam exterioris, ex actis iudicialiter cognitis Pontifex soloit, vel ligat, absoluit, vel condemnat penitentes, vel impenitentes secundum peccatorum varietates quas audiuit . Sub hac clauis autoritate, necessario continentur omnia pastoralis curę officia in disponendis, & ordinandis Ecclesię ministris ad sua munia, & officia Ecclesiastica, ad curam Episcopalem, & Parochialem, & ad disponenda omnia quę spectant ad formam, & conseruationem diuini cultus, & fidei Christianę protectum, custodiam, & augmentum . Ecce quoniam pacto per hanc necessariam consequentiam, & deductionem, ab eodem fonte iuris diuini expressi, emanat institutio tribunalis Ecclesiastici, ministrorum Ecclesiasticorum, ordinatio, assumptio, & ab alijs secularibus distinctio . Et hic est primus gradus diuini eiusdem iuris per necessariam consequentiam deducti, in quo constituitur tribunal Ecclesiasticum, & Ecclesiastici ministri tam causarum, quam seruientes, & ministrantes ad diuinum cultum .

Item quoniam qualibet iuris cuiuscunque dispositio sic debet intelligi, vt nulla sequi possit absurditas, scandalum, vel inconueniens ; & absurda nimium esset confusio si Episcopus, qui Princeps habet in spiritualibus iudicare, ab ipsis in secularibus vicissim iudicaretur; ex quo magnum insurgeret scandalum, & inconueniens . Quia etiam omnes alię personę Ecclesiasticę in ministerium diuini cultus assumptę, non possent suo muneri, vt oportet satı facere, si ad iudicia secularia euocarentur, iuxta illud Apostoli 1. ad Thim. 1. *Nemo militans Deo implicat se negocijs secularibus* . hinc ex eodem diuino iure deducitur de necessaria consequentia, vt tam Prelati quam omnes alij clerici, Ecclesiasticęque personę diuinis ministerijs, atque seruitijs mancipati, ā iurisdictione Principum secularium sint exempti, vt omnes causę emergentes circa ipsas personas Ecclesiasticas, ad iudices eiusdem tribunalis Ecclesiastici referantur, & ab eis terminentur, sicuti tam Alexāder Papa 1. quam concilium Carthaginense III. colligunt ex verbis illis Apostoli 1. ad cor. 6. *Audet aliquis vestrū habens negocium aduersus alterū iudicari apud iniquos, & nō apud sanctos, &c.* Diuinę huius ordinationis, & legis per necessariā collectionem, persentiens vim, Magnus Constantinus Imperator, vt refert Rufinus lib. 1. Ecclesiasticę historię, & transmittit Gratianus 1. q. 1. c. continua: Cum Episcopi,

qui

qui conuenerant ad Nicenam synodum obtulissent ei libellos c<sup>on</sup>u-  
sarum, & querelarum, quas alij aduersus alios habebant, conuoca-  
tis illis omnibus dixit. Deus vos constituit sacerdotes, & potesta-  
tem vobis dedit de nobis quoque iudicandi, & ideo nos à vobis  
recte iudicamur, vos autē iudicari ab hominibus non potestis. hæc  
siquidem Imperator, vt veri, & iusti suadet ratio non ex suo sensu  
expressa, vel de sola animi sui deuotione, ac reuerentia factus est,  
sed à viris sanctiss. & sapientiss. eius tēporis instructus de hoc ipso  
diuino iure per necessariam, vt dictum est consequentiam deductio-  
nem nos in superioribus abunde explicauimus. Et hic est se-  
cundus iuris diuini istius deductionis gradus.

Ad hæc, vt omnes docent, & asserunt doctores ideo Reges à sub-  
ditis suis iuste tributa, & vectigalia recipiunt, quia administratio-  
nis Reipublicæ perferunt labores, atque clerici, Ecclesiasticæque  
ceteræ personæ non minores labores perdurant in administrandis  
sacris, seruitijsque diuino cultui necessarijs, ergo æqua iuris fit re-  
compensatio, vt tributa, & vectigalia ab eis non exigantur, quia  
etiam ipsi Ecclesiasticis ministris, & omnibus Dei seruitio dedi-  
catis de iure diuino debetur sustentatio de bonis temporalibus, se-  
cundum illud Apostoli 1. ad cor 9. *Si nos vobis spiritualia seminauimus, magnum est si nos carnalia vestra metamus?* Item, ita & Dominus or-  
dinauit q<sup>ui</sup> *qui Euangelium annunciant de Euangelio viuere, sed bona*  
temporalia ad sustentationem necessaria, in iure dicuntur esse pro-  
pria hominis vitæ: glossa in l. aduocati C. de aduoc. diuer. iud. idcir-  
co ex necessaria deducitur consequentia, quemadmodum personæ  
Ecclesiasticæ diuino hæc iure sunt à iurisdictione Principum secu-  
larium exemptæ, ita & eodem iure sic deducto eorum bona suæ su-  
stentationi destinata, sunt ab omnibus tributis, vectigalibus, alijs-  
que similibus secularibus grauaminibus libera. & hic est gradus  
tertius diuini huius iuris per necessariam consequentiam deducti.

Ecce quomodo clarissime proponuntur quatuor gradus eius-  
dem iuris diuini, vnde comprobatur esse de eodem iure omnem li-  
bertatem Ecclesiasticam, quæ in Canonicis sanctionibus specifica-  
ta reperitur, ad instar quatuor quoque graduum iuris diuini quo  
Sacramentum penitentię est diuinitus institutum, ex quo tres alij  
gradus per necessarias suas cōsequencias deductiue sub eodem  
iure contineri declarantur. Etenim quemadmodum ipsum peni-  
tentię Sacramentum in se consideratum de diuino iure expresso ef-  
se ostenditur in suo primo, ac principali constitutionis gradu ex  
verbis illis Euang. 10: 20. *Quorum remisistis peccata remittuntur eis, & quorum retinueritis retenta sunt;* ita de iure diuino expresso, in suo  
quoque principali gradu ostenditur esse potestas Ecclesiastica ab  
ipso Deo, & Domino Nostro Iesu Christo immediate instituta in

tur Matt. 7. *Quaecumq. vultis, ut faciant vobis homines, & vos facite illis.* alterum negativum, illud quod habetur Thob. 4. *Quod ab alio oderis fieri tibi, vide ne tu aliquando alteri facias.* ex his principiis in primo consequentiæ gradu, collocantur omnia præcepta decalogi, quæ conscripta sunt in secunda tabula: ex illo namque primo principio affirmativo. *Quaecumq. vultis, ut faciant vobis, &c.* Ex sua naturaliter consequente deductione, statuitur in hoc primo gradu præceptum speciale: *honora patrē tuū, & matrem tuā.* nam ex eo, quod velles à filiis tuis te honorari, naturaliter tanquā per se nota infertur conclusio, quod tu debeas patres tuos honorare. Et ex illo altero negativo principio. *Quod ab alijs oderis fieri tibi, &c.* subsumitur statim ex necessaria cōsequētia, quod dū nolles ab alijs, ledi in persona, vel in bonis, colliguntur præcepta illa specialia. *Non occides, non furtum facies, non adulterabis, non falsum dices testimonium.* In secundo deductionis gradu, collocatur illud, quod habetur Levit. 19. *Coram capite conserge. & honora personam senis:* quia hoc nō est ita notū, sicut debitum honorandi parentes, illud quoque in hoc secundo gradu collocatur, quod habetur in Euangelio Matth. 5. *Qui autem dixeris fratri suo satana reus eris gehennæ ignis:* In tertio deductionis gradu, statuuntur præcepta primæ tabulæ Exodi 20. *Non habebis Deos alios corā me, non facias tibi sculptile nō assumes nomen domini Dei tui in vanum.* Nec, quis miretur præcepta hæc primæ tabulæ collocari in gradu tertio, quia deductio hac quæ ex primis fit principiis non, concernit præceptorum dignitatem, sed distantiam à principiis, quæ præcepta, licet sint dignissima, & elegantiora, perhibentur tamen esse à principiis naturæ, & ad sui collectionem indigent subliori indagatione, & egent instructione divina, in quarto aut gradu constituuntur actus omnium virtutum, de quibus omnibus, ut communissima Theologorum habet, præceptū de eadē lege naturæ à Deo nobis inditum est, cum omnes virtutes spectent ad iustitiam generalem, tanquam species ad suum genus. hanc gradationem moralium omnium præceptorum doctissime tradit S. Thom. 1. 2. q. 100. art. 1. quam extendit Sotus de iustitia, & iure lib. 2. q. 3. ar. 1.

Sicut igitur omnia præcepta moralia secundum tuos distinctos consequentiæ naturalis gradus deducuntur ab eisdem principiis primis legis naturalis, & ad eandem naturalem legem essentialiter spectare dicuntur; ita asserendum est, omnes gradus immunitatis, & libertatis Ecclesiasticæ ex naturali deductione collectos ab eodē iure divino quo expresse potestas eadem est instituta, proficisci, & contineri: Hunc namq. deductionis ordinē, Patres Concilij Trid. insinuare perhibentur per illa sua sæcundissima verba sapientissime exarata, nec semel à nobis recensita, Videlicet. Ecclesiæ, & personarum Ecclesiasticarum immunitatem, Dei ordinatione, &

Canonice sanctionibus constitutam. Nam dum primo dicunt (Dei ordinatione) omnem diuini iuris de ipsa Ecclesiastica pot. expressam, atque virtualem continentiam insinuant: & dum subnectunt, (& canonicis sanctionibus constitutam) omnes gradus qui ad idem ius diuinum reducuntur, & ab eodem de necessaria consequentia deducuntur, specificationemque in sacris Canonibus effectam designant. nam omnes sacri Canones, qui rem hanc continent, si recte considerationis trutina perpendantur, & ad auctoritates Sancti Euangelij in Concilijs generalibus, & decretis Pontificum in illum effectum allegatas limpido intelligentiæ oculo applicentur; nihil aliud certo certius efficere in re hac comperientur, nisi quod immunitatem, & libertatem Ecclesiasticam, tam personarum, quam etiam rerum per se specificant de ipsius Dei voluntate, & ordinatione prius constitutam.

Ex altera sacre scripturæ noui testamenti loco, scilicet 1. ad Corinth. 6. ubi Apost. dicit. *Audet aliquis vestrum habens negotiū aduersus alterū, in licari apud iniquos, & non apud sanctos. An nescitis quoniam, &c. Itē nescitis quomā angelos indicabimus, quanto magis secularia?* quo si quidē Dei verbo Paulus, argumento sumpto per locū à maiori, doctrinā tradit expressam diuini iuris, ex quo deducitur, quod causæ Christianorum non debeant deferri ad iudices infideles, quando scilicet ipsi fideles non viuunt sub imperio infidelium Principū, neque tunc ab ipsis vocati, vt conueniant ad tribunal, & forū ipsorum, sed solummodo, ad fideles, qui uirtute sacri baptismatis ab Apostolo omnes dicuntur Sancti, & specialiter ad sacerdotes, qui hic ab Apostolo ob sacerdotalem dignitatē modo specialiori, & eminentiori appellantur Sancti: ex quo loco tanquam Dei verbo sic expresso de sua virtuali, & vera continentia per eandem formatam rationem argumenti à maiori negatiue, quod necessario semper concludit in omni facultate: Deducitur per suam necessariam consequentiam, quod quemadmodum causæ Christianorum seculariū nō possunt iuste deferri ad iudices infideles, sed possunt licite deferri ad sacerdotes qui digniori modo dicuntur Sancti, vt Anacletus Papa dixit, omnis oppressus, libere, si voluerit sacerdotum appelleret iudiciū & à nullo prohibeatur, sed ab his fulciatur, & liberetur, & audiat cap. Omnis oppressus. 1. 2. q. 6. ita & causæ sacerdotum, & aliarum Ecclesiasticarum personarum de eodem diuino iure non possunt iuste deferri ad iudices seculares, cum sint distincti, & alieni fori, & diuersæ conuersationis, ita vt laici à praeiis illis temporibus dicti, & appellati sint seculares, hoc est prophanam conuersationem seculi sectantes, & clerici à diuerso dicti, & appellati fuerint sancti, ob conuersationem, & vitam sanctam, ad quam sunt à Deo vocati. Hanc deductionem, & consequentiam iudicant

tunc

runt esse necessariam Patres antiquissimi, qui locum istum Aposto-  
li ad hanc Ecclesiasticam immunitatem ex Dei verbo comproban-  
dam allegarunt, vt superius recensitum est, num. 4. Alexander I. &  
Patres Concilij Carthaginensis III. vt superius num. 18 dicentes  
eadem quasi verba tam Alexander quam etiam Patres Concilij, pu-  
tã, cum magis Apostolus Christianorum, seu priuatorum causas ad  
Ecclesias deferri, & ibi terminari præcipiat. Et eo magis conse-  
quentiam hanc ex his verbis Apostoli necessariam omnino iudi-  
carunt prædicti Patres, vt euitarent inconueniens, & absurdum il-  
lud, quod Clemens ex Petro dixerat. Nihil enim iniustius, &  
inhonestius est quam filios patribus rebelles, & laicos doctoribus,  
& magistris inobedientes, vel proteruos existeret. Quod quidẽ ab-  
surdum certissime tunc consequeretur, quãdo sacerdotes, & sacre  
alię personę a laicis iudicaretur: nam argumentum ab absurdo  
euitando ad interpretationem cuiuscunque dispositionis urgentis-  
simum est, & semper concludens necessario, de quo in sequenti  
Conclusionẽ, tanquam in suo opportuniõri loco largius differemus  
agentes de ratione, quę desumitur ab inconuenienti, & absurdo eui-  
tando cum adductione consimilis testificationis habite per Grego-  
rium Papam VII. Ex hoc igitur Apostoli loco. 1. ad Corinth. 6.  
de virtuali continentia per necessariam consequentiam constitu-  
ta declaratur eodẽ diuino iure personarũ Ecclesiasticarum immu-  
nitas in omnibus causis tam ciuilibus, quam criminalibus à Princi-  
pum secularium iurisdictione.

Alius sacre Evangelicę scripturę locus est apud Matthæum 10.  
quem locum ad hunc effectum demonstrandi immunitatem hanc  
esse de iure diuino ex Dei ordinatione, allegant Petres Ecclesię  
Catholicę vti Clemens Papa I. Thelesphorus, Pius I. Fabianus I. Iu-  
lius I. Gregorius I. &c. qui omnes ad hanc libertatem Ecclesiasti-  
cam comprobendam de iure diuino eadem Domini nostri allegant  
verba, scilicet. *Non est discipulus super magistrum*. Per hæc verba do-  
minus, & Deus noster veluti argumẽti maiore affert propositionẽ  
ex ipsa ratione naturali, quę dependet à veritate, quę in Deo est:  
videlicet, quod discipulus cum egeat in addiscendo magistri ope,  
& opera, & oporteat ad discitentem credere, scilicet magistro eum  
docenti nullo pacto debet, aut potest super eundem se docentem  
magistrum habere aliquam ad docendum authoritatem, quia  
omnis doctrina, quę proficisci debet ex ore magistri, & omnis  
dependens disciplina, quę suscipitur in aure discipuli, fit ex præxi-  
stenti cognitione ex principiis scilicet, quę ipse magister assumit  
& proponit, vt discipulus ipse exordium capiat addiscendi: tunc  
consequens est, quod & veritas rationis naturalis exigit ex sua ip-  
sa natura, vt discipulus qui sub magistro compositus est ipsa ordẽ.

ante



nante natura nunquam possit se extollere, adeo vt componatur super suum magistrum, scilicet primo in eodem genere doctrinæ, & disciplinæ. Vnde concluditur, quod per hæc ipsa domini verba, scilicet. *Non est discipulus super magistrum.* de ipso iure diuino naturali expresso sicut discipulus non potest docere magistrum, ita secularis subditus Episcopo, & sacerdoti non potest in eodem genere doctrinæ, scilicet spiritualis, eandem exercere actionem erga Episcopum, & sacerdotem. Vnde hac eadem ratione compulsi sunt auctores illi qui immunitatem Ecclesiasticam à iurisdictione principum secularium abnegant esse de iure diuino, dicere, & asserere, quod in actionibus spiritualibus concernentibus salutem animarum, Principes de ipso iure diuino sic sunt subiecti, vt nullo modo præpositi ex quibus ante Nauar. sunt Franciscus à Victoria, Dominicus Sotus Ioannes de Medina, Didacus Couar. Verum enim uero ad euitandam confusionem tribunalium, & fororum, quia ordo rationis, & veritatis naturalis peruerteretur, si ille qui Magister est in reb. principaliorib. scilicet spiritualib. euaderet discipulus in rebus vilibus, secundarijs, & temporalibus; ideo de eodem iure diuino naturali, per eadem verba Euangelij expresso, scilicet: *Non est discipulus super magistrum*: de necessaria consequentia deducitur, quod magister in spiritualibus, qui est Episcopus, & sacerdos non potest fieri discipulus in temporalibus sub magisterio scilicet, seu potestate secularium, quam deductionem per clariora, & urgentiora verba declarauit Iulius Papa I. vt superius in serie num. 10. dicens, Sicut maior non potest à minore iudicari, ita nec obligari, quia rarum est omne, quod magnū est: quod quidem inconueniens ipsa naturalis ratio recusat. & hic est sensus secundarius, & interpretatus verborum Domini, *Non est discipulus super magistrum*, videlicet ad litteram iuris diuini expressi. Hæc verba important primo superioritatem in spiritualibus actionibus concernentibus salutem animarum, & de virtut. i. continentia per deductionem necessariæ consequentiæ, important insimul immunitatem à potestate seculari in causis temporalibus, vt nullo prorsus pacto sacerdotes, qui magistri sunt secularium possint esse, sub eorum potestate constituti. Hanc eandem virtutalem continentiam per necessariam deductionem sibi vendicant verba illa Apostoli ad Rom. 14. *Tu quis es, qui iudicas alienum seruum Domino suo stat, aut cadit*: nam, & si sensus expressus, intentus principaliter à Paulo sit præcipere ex parte Dei, seu declarare Dei præceptum de non iudicando fratrem fidelem iudicio temerario, videlicet, si quis nesciens necessitatem illius qui non ieiunat, non debeat illum transgressionis præcepti iudicare, iuxta illud Matt. 7. *Nolite iudicare, & non iudicabimini*. Nihilominus Apostolus assumit sententiam iuris communis naturalis, quo pro-

h. be.

commen. de  
iudic. not. 3.

hibetur alicui iudicare illū qui sibi subditus nō est, ita hęc eadem Apost. verba vi cuiusdam similitudinis, & analogiæ applicantur recte ad probandum, quod sacerdotes, & personæ Ecclesiasticæ non debeant in causis euenientibus iudicari à iudicibus secularibus, eo quia personæ Ecclesiasticæ sunt virtute nūmmerij sacri effecti speciales serui ipsius Dei, & ideo non possunt legitime iudicari nisi ab ipso Deo, & ab eo cui Deus commiserit, qui est Summus Pontifex, & loci Episcopus: quod enim Apostolus hanc suam sententiam desumat à iure generali naturæ quod prohibetur aliquis iudicari nisi à suo superiori, docet D. Thomas super eodem cap. dicens requiritur enim in iudicante autoritas secundum illud Exodi 2. *Quis constituit te Principem, & iudicem super nos?* & illud Lucæ 12. *Quis me constituit iudicem, aut diuisorem super vos?* sed dicendum est, quod in tantum hominis iudicium licitum est, in quantum agitur auctoritate diuinitus concessa; si quis vero velit sibi usurpare iudicium super ea quæ non sunt ei diuinitus concessa ad iudicandum, est iudicium temerarium: sicut si quis index delegatus à Papa vellet in iudicando transgredi mandati fines: Deus enim solum sibi reseruat iudicare occulta, hęc ibi Thom. Quia vero personæ Ecclesiasticæ sunt specialiter assumptæ in seruitium Dei, & effecti specialiter Dei serui, ideo Sanctissimi Pontifices Clemens, &c. Hęc Apostoli verba æquo iure per proportionem, & similitudinem serui, & subditi applicant rectissime ad comprobandam immunitatem, & libertatem Ecclesiasticarum personarum à potestate iudicium secularium cum ipsas sibi soli iudicandas reseruauerit Deus iuxta illud Prophetæ. *Deus sedit in Synagoga deorum, in medio autem Deos diiudicat* (scu) *discernit*: Quam psal. 81. auctoritatem ad eandem libertatem Ecclesiasticam comprobandam diuino iure, seu saltem modo virtuali, & interpretato allegauit Constantinus Augustus in Concilio Niceno.

In comment.  
s. per c. c. c.  
pitt. h. aul.

## CONCLUSIO OCTAUA.

**S**anctissimi Pontifices, gloriosissimique martyres, & confessores non solum autoritates ex sacro Euangelio allegant ad comprobandam immunitatem Ecclesiasticam, sed etiam ex ipsis sacris scripturæ autoritatibus rationes desumunt, & ad eundem adducunt effectum; quas rationes pro veritate hęc abundantius habenda, ut nemo ulterius aduersus audeat quicquam dicere, nec dubitare, in medium afferre deliberauimus, & in formam quasi argumentorū compolitas extendere: Et ne delicatiori mimis iusto, seu persua appareat hęc nostra cōclusio, eo quod puret non rationibus, sed autoritatibus in his comprobandis uti oportere solummodo

modo, tã ipsorũ Pontificũ, quã sacrę scripturę, sicuti Deo gratia iam ad huc ex his principijs duobus videtur completum esse negocium, non pigebit hunc delicatam lectorem admonere: quod quando ex argumento legis proceditur in dubitationibus, quę exoriuntur in ipsa lege, recurrendum est ad rationem; nam vt iure consulti omnes docent, ipsa lex recipit interpretationem, aut ampliationem etiam restrictiuam, ab ipsa ratione posita, seu scripta in lege, & non solum dicunt procedere; quando ratio est expressa in lege, Canone, vel statuto, sed etiam quando vnica tantum coniecturari potest, ita DD. communiter in l. non dubium ff. solut. matr. eo quia ratio legis, est anima legis; vnde sicut anima dominatur corpori, ita ratio legis, vel Canonis, dominatur verbis. quinimo videmus Paulum Apostolum in suis epistolis ad aduersarios cõuincendos passim nõ solum vt scripturarum testimonijs, verum etiam naturalibus rationibus, & vt vnicum exemplum, sit satis, quod legimus act: 14. cum sacerdos, & Populus Paulo, & Barnabę sacrificare vellent, quod erat naturę, & rationi contrarium, naturali etiam ipsi ratione vtentes contradixerunt dicentes eis: *Viri quid hæc facitis, & nos mortales sumus similes vobis homines annuncian'tes vobis conuerti ab his vanis in Deum viuum, qui fecit celum, & terram mare, & omnia quę in eis sunt. &c.* Rationes igitur conuenienter exponere etiam ad conprobandum immunitatem Ecclesiasticam esse de iure diuino, eo quia & ipsi sanctissimi Pontifices, gloriosissimi que martyres Domini non contenti; testificationibus suis, quę satis certe essent, & sacrę scripturę autoritates: adducere voluerunt, & rationes naturales ex ipsis scripturis eductas ad maiorem comprobationem in medium affere studuerunt.

Prima igitur ratio est & vrgentissima, quã affert, & adducit Clemens I. ex Petro, ab inconuenienti, & absurdo omnino euitando, per illa verba, videlicet. Nihil enim iniustus, & inhonestus est, quam filios patribus rebelles, & laicos doctoribus, seu discipulos magistris inobedientes, vel proteruos existere. his verbis Clemens dicit & docet, absurdum esse (quod & grauioribus titulis appellat, iniustus, & inhonestus) si laici, sacerdotibus non obtemperarent, quod absurdum certissime tunc consequeretur, & existeret, quando sacerdotes, & aliz sacrę personę à laicis tanquã a superioribus, & in eis potestatem habentibus iudicaretur: primis utiq. de honestate dignitatis sacerdotalis detraheretur, si Episcopus qui in spiritualibus iudicat prætorem; ipse e diuerso à prætore in temporalibus iudicaretur, quia magna fieret confusio potestatum, fororum, & gñbationis publicę, cum certissimo & summo Christianorum omnium scandalo. quod animaduertens Franciscus à Victoria relect: de potestate Ecclesię quæst. Vtrum

Eccle-

Ecclesiastici sint exempti a potestate ciuili, propos. 5. coactus est dicere; videtur necessarium ad administrationem rerum spiritualiū quod personæ Ecclesiasticæ sint exemptæ à iudicio ciuili; quod autem sit necessaria talis exemptio patet, quia si ministri Ecclesiæ possent trahi ad iudicium seculare, possent auocari à ministerio Ecclesiæ, & non possent commode vacare officio suo. hæc ibi Viçoria, vt tale absurdum confusionis fororū remoueret. Id ipsum, & clarius docet Dominicus e Soto dicens, absurda enim esset, & nimia confusio si Episcopi, qui Principes in spiritualibus habent iudicare ab ipsis secularibus iudicarentur: plurimum enim inde Ecclesiastica autoritas tum obscuritatis, tum detrimenti contraheret. qua vtique de causa Apost. 1. Cor. 6. Christianos interdictos curauit, ne apud ethnicos causas suas tractarent: hæc Sotus. vt igitur hoc maximum inconueniens, & absurdum remouendum à foro Ecclesiastico iudicaretur. Clemens, seu Petrus per Clementem, dixit verba illa. Nihil iniustius, & inhonestius est, &c. ab illo antiquissimo tempore exorientis Ecclesiæ.

Supra, 1;

Ratio autem, & argumentum ab absurdo euitando ad interpretationem cuiuscunque dispositionis est vrgentissimum, & semper concludens necessario, quinimo vt Panh. docet in c. iniustū, de rer. perm. etiam si nulla allegetur authoritas, talis ratio ab absurdo euitando de necessitate Conclusionem suam conficit: quia argumentum hoc sumitur a discretionem naturali, & ideo pro euitanda absurditate, restringenda est omnis iuris quæcunque dispositio. tex. pro hac veritate clarus, & notus habetur in l. 1. C. de noxa. act. & in l. vt gradatim, §. 1. ff. de muneribus. per vim ergo argumenti ab absurdo euitando, de necessitate concluditur, quod cum de iure diuino scripto atque expresso, Episcopi, & sacerdotes, & Ministri Sacramentorum sint à Deo constituti magistri, atque doctores in rebus concernentibus salutem animarum, omnium Christianorum tam popularium, quam etiam Principum, de eodem diuino iure virtuali, & per necessariam consequentiam deducto, Omnes Episcopi, sacerdotes, & Ecclesiasticæ personæ sunt immunes, & liberæ ab omni subiectione Principum secularium quorumcunque, quia secus absurdum, & vt Clemens inquit ex Petro iniustum, & inhonestum cōsequeretur, quod impossibile est concessu in lege, & præceptis Dei, qui prima summa, & increata est reſtitudo. In huius vrgentissimæ rationis corroborationem Gregorius Papa VII in epistola ad Hermannum Metensem Episcopum, vt superius, num. 37. suo loco recensuimus, admiratus Principum secularium ausus contra diuinam hanc rectissimā ordinationem de immunitate sacerdotum, exclamat dicens: Quis dubitet sacerdotes Christi, Regum, Principum, omniumque fidelium patres, & magi-

K fros

stros conferri? nonne miserabilis insanix esse cognoscitur si filius patrem, discipulus magistrum sibi conetur subiugare, & iniquis obligationibus illum suæ potestati subijcere? Quod enim Clemens dixit iniustum, & inhonestum, Gregorius dixit esse miserabilem insaniam, quod in lege, & ordinatione diuina admittere summa blasphemia est.

Sup. nu. 6:

Secunda ratio sumitur specialius ab Episcoporum, & sacerdotum magisterio, quo funguntur super omnes fideles tam Principes quam populares. hanc rationem proponit Clemens Papa I. in epistola 3. ad omnes Episcopos dicens. Sacerdotes legatione Dei funguntur, & omnes tam Principes, quam populos instruunt: huic propositioni, suam affert Thelephorus Papa consequentiam in epistola ad omnes fideles dicens: quia à quibus se, dum populus benedici, saluari, & instrui cupit, nullatenus debet eos arguere, nec vulgus in eorum accusatione suscipi, populus enim ab eis docendus est, & corripiendus, non ipsi ab eo, quia non est discipulus super magistrum. Et obiectioni quæ fieret in casu quando sacerdotes peccauerint. Respondet, atque concludit Pontianus Papa epistola ad Felicem Succribonum hoc pacto dicens. Hi ergo si forte ceciderint à fidelibus sunt subleuandi, & portandi, si peccauerint a reliquis arguuntur sacerdotibus, sed à Summis Pontificibus constringuntur, & non à secularibus; Conclusionem istius irrefragabilis argumenti confirmat Sanctus Ciprianus epistola 6. ad Magnum I. r. dicens, Cuilibet seculari tam Principi, quam populari. Tu autem ouis es, noli discutere pastorem, ne eius quoque criminis reus tenearis, noli te iudicem Dei constituere, & Christi, qui dicit ad Apostolos, & per hoc ad omnes præpositos, qui vicaria illis ordinatione succedunt, qui vos audit me audit, & qui me audit audit eum, qui misit me. Vnde enim hæreses, & schismata orta sunt, & oriuntur, nisi dum Episcopus qui vnus est, & Ecclesiæ præest, superba quorundam præsumptione contemnitur, & homo, Dei dignatione honoratus, ab indignis hominibus iudicatur?

Sup. n. 10.

Hac utique ratione sumpta à magisterio sacerdotum super omnes fideles, quæ nimirum fundatur in verbo illo Domini Matth. 10. *Non est discipulus super magistrum*. irrefragabiliter demonstratur, quod Episcopi, & sacerdotes, qui ex Dei sibi præstito munere, docere, & instruere habent omnes seculares fideles in his, quæ spectant ad animarum suarum salutem (quod suapte natura quodpiam magnum est) non possunt argui, & iudicari à secularibus principibus in his quæ spectant ad civilem gubernationem, quod suapte natura minus est. Nam Iulius Pape I. assignans rationem, quare seculares non possunt iudicare sacerdotes, inquit, quia raram est omnia, quod magnum est, totum hoc argumentum corroboratur

ratur illustrissima illa Innocentij PP. III. sententia ad Imperatorē scilicet. Præterea nosse debueras, quod fecit Deus duo luminaria magna in firmamento cæli, luminare maius, ut præset diei, & luminare minus, ut præset nocti, utrunque magnum, sed alterum maius, ad firmamentum igitur cæli, hoc est vniuersalis Ecclesiæ fecit Deus duo magna luminaria idest duas instituit dignitates, quæ sunt Pontificalis auctoritas, & Regalis potestas, sed illa quæ præset diebus, idest spiritualibus maior est, quæ vero carnalibus minor, ut quanta est inter solem, & lunam, tanta inter Pontifices, & Reges differentia cognoscatur.

Tertia ratio sumitur à dignitate, & præminetia summa sacerdotij nouæ legis, super sacerdotia legis naturæ, & Moyſi. Eo quod sacerdotes Euangelici ore proprio Corpus Domini conficiunt, & populis tradunt. hanc rationem affert Thelesphorus Papa in epistola ad omnes fideles, dicens. Ipsi enim qui proprio ore Corpus Domini conficiunt ab omnibus sunt audiendi, obediendi, atque timendi, & nō dilacerandi, aut detrahendi, quia à quibus se dum populus benedici, saluari, & instrui cupit, nullatenus debet eos argue re, nec vulgus in eorum accusatione suscipi, Populus enim ab eis docendus est, & corripiendus, non ipsi ab eo, quia non est discipulus super magistrum. Pontianus Papa I. eandem proponit rationem dicens, ipsi quoque proprio ore Corpus Domini conficiunt, & populis tradunt; de illis enim dictum. *Qui vos contristabit me contristabit; & qui vobis facit iniuriam, recipiet id, quod inique gessit*, in eis quoque dominus honoratur, cuius legatione funguntur. Hi ergo si forte ceciderint à fidelibus sunt subleuandi, & portandi, si peccauerint, à reliquis arguuntur sacerdotibus; sed à Summis Pontificibus constringuntur, & nō à secularibus. Argumentū hoc sic conficitur ex suo antecedente, & consequente, Sacerdotes Euangelici, tantæ sunt dignitatis, & præminetia super oēs sacerdotes antiquissimos, tam legis naturæ, quam legis Moyſacæ, quod proprio ore corpus verum, & verum sanguinem Christi Domini nostri conficiunt, & cæteris fidelibus sumendum tradunt, ipsumque Christum incruente in sacro altari quotidie sacrificant, & offerunt Deo patri omnipotenti; ergo si peccauerint, ut homines, non possunt argui nisi ab alijs sacerdotibus, & ab Episcopis solummodo puniri, & non à iudicibus, seu principibus secularibus; Consequen tia hæc comprobatur, quia ex eo, quod Corpus Domini proprio ore conficiunt, dignitatis præcellentia, superant omnes Angelicas potestates spiritualesque cælestes, quia iuxta Apostolum ad heb. 1. *Omnes sunt administratores Spiritus propter eos, qui hereditatem cupiunt saluti*: Sacerdotes vero sunt coadiutores ipsius Dei ad saluandum electos, propter quam dignitatem appellati sunt *Dij*, non eo gene

rali modo quo omnes fideles vocantur filij Dei, & Dij, iuxta illud Matthei 6. *Beati pacifici quoniam filij Dei vocabuntur*; & illud psal. 81. *Ego dixi Dij estis, & filij excelsi omnes*, sed modo specialiori, quo nēpe Moyses factus est Deus Pharaonis, hoc est superior, & iudex ex diuina ordinatione, & iuxta illud ps. 81. *Deus fletis in Synagoga deorum. in medio autem Deos discernis*, quamobrē, sicut Moyses tunc, postquā à Deo electus est, & legatione diuina donatus, nō potuit iudicari à Pharaone, ita & sacerdotes donati diuinitus sacerdotali charactere, & potestate conficiendi Corpus Domini, & sic effecti Dij omnium secularium, iudicari non possunt nisi à vero Deo, & similibus Dijs, scilicet superioribus sacerdotibus qui sunt Pontifices. Vīm probationis istius persentienti Magnus Constantinus Augustus, eandem scripturā sacrā auctoritatem adduxit in Concilio generali Nicæno, quando libelli causarum in inuicem ab Episcopis sibi fuerant allati dicens. Vos enim nobis à Deo dati estis Dij, conueniens non est, vt homo iudicet Deos, sed ille solus de quo scriptum est. *Deus fletis in Synagoga deorum, in medio autem Deos discernis*. Et cum hoc dixisset omnes simul quærimonarum libellos iussit exuri, ne innotesceret ulli odium, & sugillatio sacerdotum, eandem antea psalmistæ auctoritatem tempore Antonini Veri, ad cōprobandum sacerdotum exemptionem adduxit Pius Papa I; martyr gloriosissimus dicens. Ipso domino exemplum dante quando per seipsum, & non alium vendentes sacerdotes, & ementes eiecit de templo; & mensas nūmulariorum proprio euerit flagello, & eiecit de templo, & sicut alibi per Prophetam loquitur dicens. *Deus fletis in Synagoga deorum in medio autem Deos discernis*.

Quarta ratio desumitur à diuersa conuersatione clericorum à conuersatione laicorum: hanc rationem proponit Eusebius Papa dicens. Quia eiusdem non sunt conuersationis, & oppido eis quidem infesti existunt, qui proprie cum vita eorum, & conuersatio debeat esse sectata, & à laicorum actibus remota. nec ab his impetiri debeant, quorum castitatem, & gravitatem nolunt imitari, maxime, cū nec hi eos in his valeāt recipere accusationibus. Iulius Papa addit ex Nicæna synodo statutum est, vt nemo anathematizatus in nostrā suscipiatur accusatione, nec illi qui nos in suam nolūt recipere accusationem, cum nos super illos sciamus à domino constitutos, non illos super nos, & sicut maior non potest à minori iudicari, ita nec obligari, quia rarum est omne quod magnum est. Damascus addit, vt antiqua tradit auctoritas sacerdotes criminari non possunt, neque in eos testificari qui ad eundem non debent nec possunt prouehi honorem. Gelasius Papa addit, quomodo de his per quos diuina ministrantur iudicare præsumunt? Argumentum hoc pacto formabitur. Clerici ex ipsa institutione diuina

sunt

Exo. 7.

Ex Ruffini  
litt. 1. c. 2.Sup. in serie  
num. 6.

num. 15.

num. 28.

sunt diuersæ conuersationis à conuersatione laicorū, atqui diuersa conuersatio diuersam requirit legē gubernationis, ergo clerici non debent à Principibus, & iudicibus secularibus gubernari, nec secundum leges ciuiles, & potestatem laicam iudicari, maior argumenti propositio non eget probatione, quia per se manifesta est ex ipsa institutione diuina, quæ sicuti ministros Ecclesiæ per sacram ordinationem secernit ab omnibus alijs fidelibus laicis, ita constituit diuersam conuersationis legem; minor propositio probatur, per insignem illam maximam Apostoli ab heb. 1. *Translatio sacerdotio, necesse est & ut legis translatio fiat*, quam sic dilucide admodum. Diuus Thomas exponit in suis commentarijs super epistola ad heb: dicens. Erat enim lex sub administratione sacerdotij, ergo mutato sacerdotio necesse est, quod lex mutetur, & huius ratio est, quia mutato fine, necesse est, quod mutetur ea, quæ sunt ad finē, sicut qui mutat propositum eundi per aquam, mutat propositum querendi nauem, omnis autem lex ordinatur ad conuersationem humanam, secundum aliquod regimen. Vnde secundum Philosophum in polit: mutata conuersatione, necesse est mutari legem, sicut autem lex humana ordinatur ad regimen humanum, ita spiritalis, & diuina ad regimen diuinum, hoc autem regimen designatur per sacerdotium, translatio ergo sacerdotio necesse est transferri legem: hæc ibi Thom: Sed lex illa Moyfi sicuti in ceremonialibus, ita, & in omnibus iudicialibus translata est in legem libertatis Euangelicæ, lex autem illa Moyfi permittit aliquando sacerdotibus iudicari à Regibus, ut euenit tempore Dauid, & Salomonis, eo quod de iure expresso non fuit prohibitum, facta aut translatione in legē libertatis Euangelicæ, ob dignitatem sacerdotij Euangelici in quod translatum est illud legale, sublata est necessario, & illa legis illius permissio, sub qua sacerdotes iudicabantur à Regibus, & mutata in diuersum, quemadmodum de sui natura diuersa conuersatio clericorum à conuersatione laicorum, ita ut sacerdotes sint iudices, & à Regibus non possint amplius iudicari. quemadmodum rectissime Thelephorus, & Pontianus Summi Pontifices, & gloriosissimi martyres sumpto argumento à dignitate, & præminetia Euangelicorum sacerdotum, qui proprio ore Corpus Domini conficiunt, & sacrificant, & offerunt, de necessaria consequentia inferunt, & inferri edocent semper.

Quinta ratio excipitur à peculiari Dei familia, eo quod sacerdotes ex diuina institutione sunt familiares Dei, & in ipsius domini peculiarem asciti familiam, rationem istam affert Pontianus Papa dicens. De sacerdotibus autē dñi, quos vos audiui mus contra prauorū hominum insidias adiuuare, eorumque causas portare, scitote vos valde Deo placere, qui sibi eos ad seruiendum ascituit, & familia-

r. 2. q. 103,  
art 3 & q.  
104. ar. 45



miliaries in tantum sibi esse voluit, vt etiam aliorum hostias per eos acceptaret, atque eorum peccata donaret, sibi que reconciliaret; Et Fabianus Papa superaddens eidem rationi in epistola 2. ad omnes orientales inquit, Ideo hæc præmisimus, vt cognoscatur ab his quibus incognitum est, quod sacerdotes, quos dominus sibi de omnibus asciuit, & suos esse voluit, non sunt leuiter tractandi, nec seuerè, aut reprimendi, nisi à suis magistris, quoniam eorum causas sibi dominus referuare voluit suo iudicio iudicari. Argumentum sic formatur. Illi qui sunt de peculiari familia Dei, & ad cælestem militiam scripti, forum speciale, atque diuinum sortiuntur, separatim à tribunali & foro hominum, & Principum secularium, ergo a Principibus secularibus iudicari in nulla possunt causa tanquam diuinitus exempti, & spectantes ad alterum tribunal, & forum, etenim forum sortiri, & statutis ligari paria sunt, DD. in l. omnes populi, ff. de iust. & iur. & c. Ecclesia Sanctæ Mariæ, de constit. Probatio huius totius argumenti defumitur ab axiomatico illo Pauli Apostoli 1. cor. 4. Sic nos existimet homo, vt ministros Christi, & dispensatores ministeriorum Dei. quod & 2. cor. 5. ampliatus inquit. Quoniam quidem Deus erat in Christo mundum reconcilia sibi, non reputans illis delicta ipsorum exposuit in nobis verbum reconciliationis, pro Christo ergo legatione fungimur tanquam Deo exoriente pro nos, obsecramus pro Christo reconciliamini Deo. Ex hac Apostoli proposita, & ampliata sententia constat sacerdotes de ipsa institutione diuina esse ministros Dei, legatos, familiares, & milites: omnes autem qui sunt ministri Principis de ipsius familia, & milites ascripti, gaudent privilegio exemptionis ipsius Principis, quia vt inquit Damasus Papa, causæ sacerdotum, Dei causæ sunt, & ideo eius sunt iudicio referuandæ, qui valet corpus occidere, & animam mittere in gehennam. Quamobrem sicut in familiares Principis, & milites suæ armatæ militiæ non est licita manuum iniectio per rectorem Prouinciæ, sed suo iudicio relinquitur l. 2. cum sua glossi C. vbi quis, de curiali. vel cohort: ita nec in familiarem Dei, & militem cælestis militiæ, vt est omnis sacerdos, & altaris minister. parificantur enim istæ duæ militiæ, quo ad vocationem in ius l. 2. cum sua glossi ff. de in ius voc. ergo sacerdotes, omnesque clerici, qui in fortē Dei dicuntur vocati dist. 21. c. clericos. tanquā de ipsius Dei familia, & de cælesti militia nullo pacto possunt iudicialiter cognosci per iudicem secularem. Estque in hac argumenti probatione animaduertendum, quod hæc exemptio sacerdotum, aliorumque diuini cultus ministrorum, ostenditur esse de iure diuino peculiari, & privilegiali, non de iure communi. Ex quo innuitur, quod licet de iure diuino cuiuscunque temporis tam legis nostræ, quam Moysei, non appareat expresse sacerdotes, & Ministros Dei, esse exemptos à iurisdic-

iurisdictione Regum, & Principum secularium, attamen per hanc illationem concluditur exemptos esse ex speciali Dei privilegio. hinc clarissime omnes diluuntur obiectiones, quæ fieri solent, & possent ab exemplis antiquæ legis, eo quia lex antiquissima naturæ atque Moyfi, sacerdotes non efficiebat exemptos, nisi quando cõtingit sacerdotes esse simul & Reges, sicuti fuerunt Melchisedech, Moyses, Samuel, & aliqui alij, ut in libris Regum. Etenim lex Sacrosancta Evangelica ex Dei privilegio speciali sacerdotes ipsos omnesque sacratissimi altaris ministros ab omnium secularium Principum potestate facit immunes, quemadmodum suo argumento rectissime inferunt, & concludere docent Pontianus, & Fabianus Pontifices Summi, & martyres gloriosissimi. Corroboratur totum eo, quia ministros sacros de ipsius Dei familia, & milites cælestis militiæ non decet esse minoris favoris, & conditionis, quam sunt familiares, & milites Principum secularium, nam si locus à milite armatæ militiæ, ad militem cælestis militiæ, qualis est clericus, sacerdos, Episcopus, quando eadem subest ratio, rectissime concludit uti communissima docet iurisperitorum sententia, & hoc stando in privilegijs iuris humani, atq. Cæsarei, quanto magis irrefragabiliter concludit stando in privilegijs iuris Evangelici, uti præfati Pontifices Sanctissimi recte concludendo demonstrant?

Sexta ratio capitur à potestate Clavium remittendi, & retinendi peccata in foro conscientiæ, & ligandi, atque solvendi fideles in terra, & in cælis in foro iudicii. Rationem hanc primo proponit Melahiades Papa, & martyr in epistola ad omnes Hispaniæ Episcopos dicens. Episcopos quos sibi dominus tanquam oculos elegit, & columnas Ecclesiæ esse voluit, quibus etiam ligandi, & solvendi dedit potestatem suo iudicio referuavit, hocque privilegio Beato Clauigero Petro, sua vice solummodo commisit, deinde, quod Dei ordinatione taliter ordinatum esse credimus. Deinde Gregorius VII. suo tempore in epistola ad Hermannum Metesem superaddidit dicens, nonne miserabilis infania esse cognoscitur, si filius patrem, discipulus magistrum sibi conetur subiugare, & iniquis obligationibus illum suæ potestati subijcere, a quo credit non solum in terra, sed etiam in cælis ligari posse, & solvi? ratio hæc urgentissima siquidem, fundatur in expressis Sacri Evangelij verbis Matthæi 18. *Amen dico vobis quæcunque alligaveritis super terrâ, erunt ligata, & in cælo, & quæcunque solveritis super terram erunt soluta, & in cælo, & Io. 20. Accipite Spiritum sanctum, quorum remiseritis peccata, remittuntur eis, quorum retinueritis retenta sunt.* hoc pacto formabitur argumentum. Sacerdotes de institutione divina constituti sunt iudices super omnes fideles pro remissione, & retentione peccatorum in Sacramentali confessione per clavem ordinis  
sibi

sibi diuinitus collatam, & Episcopi quoque iudices constituti sunt super omnes fideles in causis peccatorum, pro soluendis, & ligandis peccatoribus in actione iudiciali per clauem iurisdictionis ab ipso domino sibi traditam. Ergo nullo prorsus pacto iidem iudices spirituales sacerdotes, & Episcopi in causis delictorum criminalibus possunt esse subiecti populis, vel Principibus secularibus. Consequentia ista manifestissime comprobatur, quia tribunal hoc iudicum spiritualium in causis animarum maius superius, & excellentius est tribubali omni causarum civilium quorumcumque Principum secularium, & tanta exuperat excellentia, quanta Spiritus præstat corpori. Atque nulla sustinere valet ratio, ut id, quod maius superiusque, ac præstantius est subijciatur illi, quod prorsus de sui natura minus est, & inferius, ergo, &c. Huiusce probationis vi, ac potestate legimus Gregorium Nazianzenum redarguisse Præsidentem irascentem, ad quem scripsit dicens. Suscipitis ne libertatem verbi? libenter accipitis, quod lex Christi sacerdotali vos potestati subijcit, atque istis tribunalibus subdit? dedit enim, & nobis potestatem, dedit, & principatum multo præstantiorem principatibus vestris, aut nunquid iustum vobis videtur, si cedat Spiritus carni, si a terrenis cælestia superentur? & si diuinis præferatur humana? Ad hæc Reges omnes Imperatores, & Principes quicunque Christiani genuflexi, procumbunt coram suis confessarijs sacerdotibus, tanquam Deo, qui sacerdotes tanto donauit munere, & ministerio in penitentiae Sacramento, nullo igitur pacto cogitandum est, sacerdotes in causis publicis criminum licite posse genuflexi coram iudice laico in illos sententiam ferente, sicuti oporteret, si secularibus iudicibus essent subiecti; hoc ipsum inconueniens liberrime contestatus est idem qui supra Gregorius Nazianzenus Imperatori Theodosio dicens. Scio te ouem gregis mei à Christo Summo pastore traditam, & à Spiritu sancto signatam, & noui te inter sacra altaria prouolutum genibus sacerdotum meorum; hoc ipsum quoque inconueniens ferre non valens Gregorius Papa VII. (quod repetere est opere pretium) demiratus, & exclamans inquit, Nonne miserabilis insanie esse cognoscitur suæ potestati subijcere eum, à quo credit non solum in terra, sed etiam in cælis ligari posse, & solui?

Orat. in S.  
Pasch.

## CONCLUSIO NONA.

**O**Mnia sacræ Scripturæ loca noui testamenti quæ extrinsece verborum sono videntur aliquo modo innuere, omnes personas tam laicas quàm Ecclesiasticas iure diuino subditas esse secularibus

laribus principibus, & magistratibus, sicuti inter cetera principaliter est locus ille Apostoli, epistolæ ad Rom. cap. 13. *Omnia anima sublimioribus potestatibus subdita sit &c.* usque ad illa verba, *propter conscientiam, & cui honorem honorem; & locus ille 10: 19. Non haberes potestatem aduersum me ullam nisi tibi datum esset desuper; ac ille alius Act: 25. Ad tribunal Caesaris sto ubi me oportet iudicari, &c. ad Casarem appello.* Et si quæ sunt alia sacre scripturæ huiusce modi loca, ita oportet intelligi, nec secus interpretari, vt non aduersentur Dei ordinationi, & præcepto, per Apostolorum traditionem, & Patrum pronunciato; & per sententias, & decreta tot sanctissimorum Pontificum, martyrum, & Confessorum; disposito, & publicato, pro cõstituta, & stabilita immunitate personarum Ecclesiasticarum à Principum secularium iurisdictione: alioquin tam in ipsa eadem Ecclesiæ vniuersalis disciplina, quàm inter sacram scripturam, & Apostolorum traditiones perpetuas, esset necessarium admittere contradictionem, & repugantiã; quod absurdum totum fidei catholicæ fundamentum facile destrueret: à nemine qui fidem Christianam proficetur, vllò vnquam prorsus pacto admittendum, nec leuiter somniandum. Quod autem reuera nulla possit esse inter traditionem Apostolicam, & sacram scripturam repugnantia, sed omnimoda concordia, & convenientia: docet Basilius Magnus dicens. Dogmata quæ in Ecclesia prædicantur, quædam habemus ex doctrina scriptu prodita, quædam rursus ex traditione Apostolorum in misterio occulto recepimus, quorum vtraque parem vim habent ad pietatem, nec ab his quisque contradicit, qui sane, vel tenuiter expertus est: nam si consuetudines quæ scripto proditæ non sunt, tanquam non multum habentes momenti conemur reijcere, & ea damnabimus, quæ in Evangelio necessaria ad salutem habentur. imo potius ipsam fidei prædicationem ad nudum nomen contrahemus. hæc omnia Basilius. in quibus, dum dicit quod nec in suis quisquam contradicit, qui sane vel tenuiter expertus est. idem est ac si dicat, quod quilibet verus fidelis qui sanam fidem tenet, etiam quod leuiter in rebus fidei sit instructus, per ipsam facti experientiam comperiet, & cõfitebitur nullam inter traditionem Apostolorum, & diuinam scripturam haberi posse repugnantiam, sed omnem prorsus in omnibus esse concordia. Quinimo asserendum venit inter traditionem, & scripturam, hanc esse dependentiam, quod traditio non sit moderanda per ipsas scripturas, sed potius è diverso scripturæ ipsæ intelligendæ sunt secundum sensum, quem asserit ipsa Apostolorum, & Patrum traditio. Etenim vt scribit Hieron. in 1. cap. epistolæ ad Galat. lex Evangelica non in scripturis est, sed in sensu: non in superficie, sed in medulla: non in verborum tolijs, sed in radice rationis

tionis. Ex hac Hieronymi doctra, & firma sententia, ab ista certe, Pauli Apost. 1. ad Cor. 3. deprōpta. *Idoneos nos fecit ministros noni testamenti, non littera, sed spiritus: littera enim occidit, spiritus autem vivificat.* hęc certissima colligitur resolutio. Modum nullum haberi certiorē, nullum stabiliorē, nullum denique sacris litteris exponendis magis consentaneum, quam eum quo Ecclesię traditio continetur. Cum igitur doceat experientia, quod in sacris libris loca reperiuntur non pauca, in quibus tanta obscuritas inest, & difficultas, ut post multorum interpretum studia adhuc vix à doctōribus, & viris doctissimis, & in intelligēdis eisdē sacris libris versatissimis, possunt exacte intelligi: necessarium est dum locus aliquis assumitur in controversiam, rei ad determinandum necessaria, recurrere ad intelligentiam illius loci, quę ex Apostolorum, & Patrum traditione valeat obtineri. nec alium utique modum Petrus Apostolus docet suscipiendum ad veram intelligentiam habendam locorum difficultum, quę in Paulinis epistolis reperiuntur, dicens, *sicut & charissimus frater noster Paulus secundum datam sibi sapientiam scripsit vobis, sicut & in omnibus epistolis loquens in eis de his, in quibus sunt quadam difficultia intellectu, quę indocti, & instabiles depravant, sicut & ceteras scripturas ad suam ipsorum perditionem. Vos igitur fratres prescientes custodite ne insipientium errore traducti excidatis a propria firmitate.* Sed, quid est nos custodire ne excidamus à propria firmitate, quando casus evenit controversiæ ex aliquo Pauli Apostoli loco, contento in aliqua suarum epistolarum, nisi relicto cortice litterę a seditiosis contractę ad suam ipsarum perditionem, eundem locum difficilem Pauli interpretari secundum Apostolorum, & Patrum traditionem? Ecce igitur locus Apostoli hodię controversus, qui continetur in epistola ad Rom. cap. 13. *Omnis anima sublimioribus potestatibus subdita sit, &c.* Apparet enim, quod per hęc verba Apostolus dicat, quod ex ipsius Dei ordinatione sit, & omnis anima sit subdita sublimioribus potestatibus, illis inquam quę gladium portant ad vindictam malefactorū, laudem vero bonorum, & quibus tributa præstantur, quę non possunt intelligi esse, nisi potestates Principum secularium, & dum Apostolus dicit, quod omnis anima, sine videlicet aliqua hominum exceptione, apparet dicere voluisse, quod omnes tam laici, quam etiam Ecclesiastici ex eadem divina ordinatione Principibus secularibus debeant esse subiecti; at traditio hęc ab ipsis Apostolis eorum temporibus per tot Summos Pontifices gloriosos martyres, & Confessores habita in Ecclesia Catholica: Quod nimirum personę Ecclesiasticę divinis ministerijs dicat ex ipsa Dei ordinatione, & præcepto sint. exemptę a iurisdictione Principum, & magistratuum secularium in causis quibuscunque tam civilibus, quam criminalibus

8. ret. 3.

nalibus, totam e diverso rem ipsam concludit. Ut igitur omnis contradictio omneque absurdum in præceptis verbisque Apostoli recta ratione euitetur (quod necessarium est omnino) sensus verborum ad Rom: rei proportionatus, aptus, atque conformis, reducendus est ad sensum confirmem traditioni Apostolorum, & Patrum, ut non negetur immunitas personarum Ecclesiasticarum a potestate Principum secularium, quam bene sciebat Apostolus, quod in Ecclesia introducenda erat ex Dei ordinatione, per Apostolorum traditionem pro tempore concessæ pacis, & quietis, quæ habita est postea tempore Constantini Magni Augusti: Quis tamen sit sensus hic conformis traditioni pro immunitate Ecclesiastica, eruendus venit necessario ex ipsa causa dicendi iuxta regulâ Hilarij li. de trinit. 4. quæ quoque de verborum signif. cap. 6. transcribitur; videlicet. Intelligentia dictorum ex causis est assumenda dicendi, quia non sermonis res, sed rei sermo subiectus est. causa autem Apostoli scribendi illa verba ad Rom: ut post Hieronymum, Chrysostomum, Theophylactum, & alios antiquissimos Patres, dicit Anselmus ea fuit, redarguere scilicet illos, qui postquam erant ad fidem conuersi volebant subijci alicui potestati; Videbatur enim, quod infideles, Dei fidelibus non deberent dominari, & si fideles deberent esse pares: quam superbiam remouet Apostolus dicens. *Omnis anima* (idest omnis homo) *fit humiliter subdita potestatibus, vel secularibus, vel Ecclesiasticis sublimioribus* sc: hoc est omnis homo fit subiectus superpositis sibi potestatibus: hæc Anselmus. Cum igitur hæc fuerit causa, Apostolo scribendi verba ista ad Rom: & hic sit specialis verborum Apostoli finis, redarguere, & humiliare superbos illos nouos Christianos qui dicebant, quod ex libertate Christiana habitam in baptismo nulli deberent esse subiecti; Verborum omnium Apostoli intelligentia ducenda est ad suum eundem finem, ut nil aliud Apostolus per illa verba voluerit Romanis illis, & omnibus consequenter Christicolis indicare, nisi quod Christus Dominus suo baptismo, & Euangelio, non sustulit ordinem politicum subditorum ad potestates superiores: qui siquidem ordo fuit ab ipso Deo institutus iure naturæ. Quem errorem, ut inquit Hieronymus super c. 3. ad Hebr. & ante eum Iosephus, lib. 18. antiquitatum; Quidam Iudas Galilæus excitauerat consentientibus tunc Pharisæis quartæ sectæ Iudæorum circa libertatem, & quasi probabilem proferebant ex lege. Nullum debere Dominum, nisi solum Deum vocari, & haberi, quem errorem suo tempore suscitauerunt postea Beguardi hæretici, & Beguinæ, temere affirmantes eum, qui perfectionis gradum in præsentī vitā assecutus fuisset, nullis humanis constitutionibus, nullisque potestatibus obligatum.

Enarr. in ep.  
Pauli ad Ro.  
c. 13.

fore quem Paulus a suo tempore elidit de industria dicens. *Omnis anima, &c.* Sed neque aliud indicare intendit Chrysostomus super eundem locum Pauli cum dixit, etiam si Apostolus sis, si Evangelista, si Propheta, siue quisquis tandem fueris: neque enim pietatem subuertit ista subiectio: & Theophylactus cum dicit vniuersos erudit, siue sacerdos sit ille, siue monachus; intelligendi sunt quasi dicat, hæc est vera intelligentia verborum Apostoli, quod virtute Baptismi, & libertatis Euangelicæ, nulla quātauis præminetia polleat Apostolatus, Euangelistatus, Prophetiæ, Sacerdotij, monachus, quis liber factus est a subiectione, quam de iure diuino naturali debet suis sublimioribus potestatibus, vel secularibus, vel Ecclesiasticis, hoc est personæ Ecclesiasticæ potestatibus Ecclesiasticis, & seculares secularibus, secundum sua distincta tribunalia, quamobrem dictū Apostoli istud, *Omnis anima sublimioribus potestatibus subdita sit*, vt Catharinus Senensis exponens litteram, ex ipsa causa dicit: Intelligendū est cum prudentia, vt quæuis anima illi obediat, quem sibi cognoscit, vel agnoscere debet habere super se legitimam potestatem. Interim ante pacem Ecclesiæ, ne infideles scandalum sumerent: omnes etiam Ecclesiastici sint subditi principibus secularibus infidelibus. Hunc eundem genuinum sensum verborum Pauli eruit Cornelius Episcopus Bicontinus, in suo elegantissimo commentario super Epistolam ad Romanos & c. 13. dicens: Reuertamur ergo ad Paulum de potestatibus secularibus differentem. Eo enim tempore Summi Pontificis dignitas Romanorum tyrannide delitescerebat, delituitque semper vsque ad Constantini tempora, qui diuino afflatus numine summum agnouit sacerdotium suapte natura præcellere Reges, &c. Hic vtique sensus Pauli pro tempore tunc currente sub tyrannide Principum infidelium in Vrbe Roma liquido confirmatur per factum illud, & verba illa Domini Matth. 17. *Vt non scandalizemus eos, vade ad mare, & mitte hamum, &c. inuenies faterem, illum sumens da eis pro me, &c.* Etenim pro illo tempore, quo imperabant tyranni Romani infideles, ne scandalizarentur libenter pertulit, vt pro se solueretur tributum, ad quod soluendum non tenebatur, cum sit filius Dei, Rex Regum, & dominus dominantium. Ita ergo & Paulus suadet fidelibus omnibus tunc Romæ degentibus, vt pro eo tempore ne scandalum sumerent infideles Principes, ipsis eisdem se se subiectos tolerarent; Deo sic præcipiente.

Verum, vt omnis amoueatur dubitationis suspicio super hac verborum Apostoli ad Romanos 13. interpretatione sic habita, facienda est comparatio eorum verborum quæ prius scripserat 1. ad Cor. cap. 6. & 1. ad Thimoteum cap. 3. cum his verbis ad Romanos; & hoc secundum rationem temporis, quo scriptæ fuerunt Pauli-

næ epi-

næ epistolæ, nam iuxta regulam, quam dat Chrysostomus hom: 1.  
 in epistola Pauli ad Rom: videlicet. epistolæ Pauli quo tempore  
 scriptæ sunt, & quæ prius, & quæ posterius, nosse multum confert  
 ad quæstiones explicandas. Epistolæ autem, quæ scriptæ sunt  
 ad Corin: & quæ ad Thim: prius fuere scriptæ quam epistola ad  
 Rom: ut constat ex contentis in eisdem epistolis. Quamobrem  
 verba quæ postea scripsit ad Rom: interpretanda sunt taliter, ut  
 nullo pacto aduersari videantur verbis, & sententijs quæ scripse-  
 rat antea, tam ad Cor: quam ad Thim: Verba autem, quæ ad  
 Cor: Apostolus scripsit hæc sunt, *Audet aliquis vestrum habens nego-  
 cium aduersus alterum, iudicari apud iniquos, & non apud Sanctos: An  
 nescitis quoniam Sancti de mundo iudicabunt, & si in vobis iudicabuntur  
 mundus indigni estis, qui de minimis iudicetis? nescitis quoniam Angeli  
 iudicabimus? quanto magis secularia?* Hæc Apostolus ad Cor: in qui-  
 bus verbis, ut ipsa clara, & manifesta significat littera: Aposto-  
 lus prohibet fideles deferre causas iudiciorum quorumcunque ad  
 Principes, & Iudices infideles; qui tunc temporis Corinthi præ-  
 sidebant: In epistola vero ad Rom: scribit hæc verba: *Omnis anima  
 sublimioribus potestatibus subdita sit, &c.* Loquens de potestatibus se-  
 cularibus, ut patet ex ipsius litteræ contextu: sed potestates  
 sublimiores illæ tunc erant solum apud infideles, tyrannos, Ido-  
 latras sicuti eo tempore imperabat Nero immitissimus tyran-  
 nus, & magistratus Rom: populi, iudicum infidelium, quod pro-  
 be nouerat Apostolus: Agite fiat comparatio verborum ad Cor.  
 ad verba scripta ad Rom: Ecce constat, quod Corinthijs præci-  
 pit non deferre suas causas ad iudices, & magistratus infideles,  
 at Romanis præcipit causas suas deferre ad potestates laicas dum  
 dicit, fideles omnes debere de iure esse subditos sublimioribus  
 potestatibus quæ Romæ erant laici infideles, hæc ambo sunt ma-  
 nifeste opposita contradictorie non debere subdi infidelibus iudi-  
 cibus, ut ad Cor: & debere esse subditos infidelibus potestatibus,  
 ut ad Rom: Dicite amabò, nunquid Paulus sibi ipsi contradicit?  
 quin potius implemet Deus Spiritus sanctus locutus in Paulo con-  
 traria præcipiet? Vnum Corinthiis, & aliud oppositumque Ro-  
 manis? Absit; absit; summa impietas est hoc cogitare; *Quia se-  
 mel loquitur Deus, & secundo id ipsum non repetit, & non est Deus quasi  
 homo, ut mentiatur, nec ut filius hominis, ut mutetur.* Dixit ergo, & non  
 faciet, locutus est, & non implebit? Cauendum est, ut inquit Au-  
 gust. lib. 5. de Gen: ad litteram, cap. 8. efficere, ne aliqua ab-  
 surditas putetur esse in scripturis sacris, quæ opinione lectoris  
 offendat, sed illud, quod Apostolus Spiritu sancto dicente scrip-  
 serat ad Cor. prius fuit scriptum, ergo illud, quod postea scrip-  
 sit ad Rom: tali sensu intelligendum est omnino, ut non aduersetur  
 illi,

cap. 6.

Iob 13.  
Num. 23.



illi, quod prius scripserat ad Cor: sed omnino concordet. Idcirco conclusum relinquitur, quod Apostolus scribens ad Rom: 13. verba illa. *Omnis anima, &c.* voluit omnino intelligi, ut non aduersentur verbis, quæ prius scripserat ad Corinth. sed conformiter ad traditionem Apostolorum, ut dictum est, statuit manifeste, quod personæ Ecclesiasticæ nullo pacto debent esse subiectæ potestatibus secularibus in quibuscunque causis, sed suis superioribus Episcopis, causæque secularium deferantur ad suos iudices seculares secundum naturalem fororum distinctionem, sicut in Ecclesia Catholica semper est postea observatum, & hoc totum Apostolus ipse suo tempore iam potuerat in praxim, ut constat ex his quæ ad Thimotheum, & ad Titum scripserat. Etenim 1. ad Tim: 5. dixit: *Aduersus presbyterum accusationem noli recipere nisi sub duobus, aut tribus testibus*: ubi clare constat presbyteros, & consequenter omnes alios clericos debere iudicari ab Episcopo, & consequenter nunquam à iudice seculari; atque ad Titum, cap. 3. dixit: *Admone illos Principibus, & potestatibus subditos esse dicto obedire*: ubi nullâ de clericis faciès mentionem, sed solummodo de omnibus laicis de quibus superius specialiter locutus fuerat, Clarissime docuit laicorum prophanas causas à suis iudicibus laicis debere iudicari, ut fororum horum duorum Ecclesiastici, & secularis in Ecclesia statueretur distinctio, nullaque fieret confusio, sed in omnibus causis personæ Ecclesiasticæ cognoscerentur à Prelatis suis Ecclesiasticis, & personæ laicæ à suis Principibus secularibus; & hic est proprius, verus, integer, atque Catholicus sensus verborum omnium Apostoli ad Rom: 13. *Omnis anima potestatibus sublimioribus subdita sit, &c.* nec alius est admittendus ne sibi contradicere Apostolum cogamur asserere, quod ut dictum est absurdum maximum, & summa esset impietas.

Locum illum Sacri Evangelij Io: 19. Adamussum traditionis Apostolicæ appendere reliquum est, puta. *Non haberes potestatem aduersum me ullam, nisi tibi datum esset desuper*: Quibus ex verbis Veneti moderni Theologi sic argumentari nituntur. Dominus ipse, & Deus noster Iesus Christus, ore proprio fassus est Pilatū præ fidē habere super se potestatem cælitus datā, ergo per locum à maiori, & eo magis super Apostolos, & consequenter Episcopos, sacerdotes, & omnes clericos Principes omnes seculares, sicuti & Pilatū habere contestatus est. Huic illatæ Conclusioni per argumentum à maiori sicuti libere, ita quoque secure primo omnium sic respondere de industria proponimus; dato & ut libeat etiam concessio, quod per hæc verba proprio ore prolata, Dominus confessus fuerit potestatem super se desuper datam Pilato, & ita se ipsum legitime subditum potestati Principum esse, fuerit

proce-

proelatus, non propterea post domini nostri ipsius resurrectionem, Apostolos eorumque successores, & consequenter sacerdotes, & clericos sacros, subditis potestatibus Principum in futurum remanuros, inferri potest necessario. Et quia dominus noster post suam resurrectionem, ut habetur in fine Evangelij Matthæi dixit. *Data est mihi omnis potestas in celo, & in terra, euntes docete omnes gentes, baptizantes eos in nomine Patris, & filij, & Spiritus sancti, docentes eos servare omnia quaecunque mandavi vobis: & ecce ego vobiscum sum omnibus diebus, usque ad consummationem seculi.* Potestas hæc quæ ut S. Thom. post Hieronymum, atque Remigium dicit, illi data est, qui paulo ante Crucifixus, qui sepultus in tumulo, qui postea resurrexit idest Christo, secundum quod homo. Dicitur autem sibi potestas data ratione unionis per quam factum est ut homo esset Omnipotens. In hac ipsa omni potestate Domini Nostri Iesu Christi per quam etiam, ut homo, dicitur & est omnipotens, sicuti comprehendebatur potestas illa Excelentissima, transferendi sacerdotium antiquum cum tota sua lege Moysi, sicuti & translata sunt, illud nempe ovium, arietum, atque taurorum in istud nostrum augustissimum Sacrosanctæ Eucharistiæ corporis, sanguinis veri ipsius Christi Domini, & Dei nostri, & lex innumerorum præceptorum iudicialium ceremonialium: in legem Sacrosanctam Evangelij, libertatis, & gratiæ, ut Leo Papa inquit: translatio facta est à tenebris & umbra mortis, & intolerabili servitute in Dei lumen, & Regnum; Ita quoque est dicendum, fatendum, & asserendum. in eadem Christi Domini nostri omnipotentia, comprehensam quoque fuisse potestatem transferendi subiectionem Apostolorum, Episcoporum, Sacerdotum, & Sacrorum aliorum ministrorum: à potestatibus secularibus in subiectionem iure naturæ proportionatam, sub potestatibus eisdem Ecclesiasticis. Quod translatio subiectionis personarum, inquam Ecclesiasticarum à subiectione, quæ antea erat sub potestatibus laicis, ad subiectionem quæ nunc est sub potestatibus Ecclesiasticis in rei veritate, & reali existentia sit facta in Ecclesia Christiana per ipsius Domini nostri, hanc omnipotentiam: non modo per eiusdem Dei sacra verba insinuat, sed etiam per ipsam Apostolorum, & Patrum traditionem manifestatur, & per quam plurimos, ut sepe replicatum est Summos Pontifices, & martyres ordinata serie comprobatur.

Sed hoc, ita habito argumento ex conditionata concessione, nec dum contenti, genuinam significationem verborum Domini ad Pilatum non deferemus explicare, nimirum, quod per verba ad Pilatum. *Non haberes potestatem aduersum me ullam nisi ubi datum esset de super*: nullam fateatur dominus de iure subiectionem ad Pilatum

Hier. super  
Matt. c. 28.  
3 p. q. 1. 2. 2.  
2 d. 1.

Serm. 1. de  
Nas. Domini

latum, ostenditur clarissime per ipsa eadem verba ipsius Domini si ex causa dicendi, (vt oportet) considerentur, nam quoniam Pilatus se iactauit habere potestatem eum crucifigendi, & eum dimittendi, illum dominus, vt à sua iactantia, & errore remoueret, & ad fidem Catholicam de se ipso ædificandam, respondit dicens: *Non haberes potestatem aduersum me vllam, nisi tibi datum esset de super*; Qui dum vniuersalem proponit potestatis negatiuam scilicet non vllam, ostendit ipsum non omnem idest ordinariam potestatem habere, sed aliquantulâ de facto permissiuo solummodo, & ideo Pilato ipsi non esse liberum, vt putabat eum Crucifigere. Eo quia Christus Dominus cum sit vere filius Dei non poterat mori inuitus per potestatem super se coerciuam, sicuti & ipse 10: cap. 10. fidei de se hunc articulum manifestans dixerat: *Quia ego pono animam meam, vt iterum sumam eam, nemo tollit eam à me, sed ego pono eam à me ipso, & potestatem habeo iterum sumendi eam*. Quid nanque esset iudici, aut Principi non esse liberum condemnare hominem apud se accusatum, nisi potestatem legitimam, & ordinariam in illum non habere? igitur solummodo de solo facto, & de sola permissione diuina, qua dispensatum est in ipso domino, vt pateretur, & quasi deliquens condemnaretur, & crucifigeretur, ad perficiendum cursum redemptionis. totius mundi, vt adimplerentur scripturæ Prophetarum, vt ipse confessus est dicens: *Filius quidem hominis vadit sicut scriptum est de illo*. scriptum utique erat. *Contumelia, & tormenta interrogemus eum, &c. morte turpissima condemnemus eum*. ergo ipse dominus cum respondit Pilato. *Non haberes potestatem, &c.* talem, ac tantulam, & solam potestatem confessus est per quam ipso volente suscipere sententiam condemnationis, Pilatus eum condemnauit adiudicans fieri petitione iudeorum clamantium Crucifige, Crucifige eum, & hæc sola nuda, & penè nulla, (vt ita dicam) fuit in Pilato potestas quæ nullo prorsus pacto dici potest in iudice ipso proprie quouomodo potestas, sed potius simplex de facto permissiuo eius quod diuina voluntas in Christo decreuerat, & per Prophetas pronunciauerat; Vnde in hoc ipso facto, si quæ potestas ponenda est propria ordinaria, atque legitima, in ipsomet Christo solum est, qui vt Deus, se ipsum vt hominem voluntarie supposuit tali iniustæ sententiæ pronuntiatæ à Pilato. Quænam vero, & quanta sit potestas ista, quam dominus confessus est fuisse aduersum se in Pilato, clare, atque distincte, simul, ac proprie explicat Augustinus super 10: tract. 116. quem Theologus Venetus, aut inconstitutus, aut certe subdole de industria pro se falso, ac truncate adducit in suæ considerationis, fol. 28. Inquit enim ibi August. Prounde ubi non respondebat sicut ouis silebat, ubi respondebat, sicut

Marth. 26.  
30p. 2.

sicut pastor docebat. Discamus ergo, quod dixit, quod & per Apostolum docuit, quod non est potestas nisi à Deo; & quia plus peccat qui potestati innocentem occidendum liuore tradit, quam potestas ipsa, si eum, timore alterius maioris potestatis occidat: talem quippe Pilato Deus dederat potestatem, vt etiam esset sub Caesaris potestate. Quapropter non haberes inquit aduersum me potestatem vllam: idest quameulameunque habes, nisi hoc totum quidē tibi esset datum desuper; sed quoniā scio quantum sit, nō enim tantum est, vt tibi omnino liberum sit, hæc sunt verba Aug.

In his (vt patet) Augustini verbis, dux potissimum clausulæ pro re hac elucidanda veniunt expendendæ. Prima cum dicit, discamus ergo quod dixit, quod, & per Apostolum docuit, quod non est potestas nisi à Deo. Altera, cum dicit, quapropter non haberes inquit aduersum me potestatem n vllam, idest quameulamcun- que habes, nisi hoc totum quidem tibi esset datum desuper. sed quoniam scio quantum sit, non enim tantum est, vt tibi om- nino liberum sit. Quoniam Augustinus in hac secunda clausula ex- plicat Christum Dominum dicere, Pilatum habere in eum pote- statem solummodo limitatam, scilicet quantulamcunq; per- quam non erat ei omnino liberum illum, crucifigere: hinc clare ostendit, Dominum negasse in Pilato aduersus eum esse pote- statem ordinariam, & de iure, coerciuam: quam Principes, & iu- dices laici habent, & habere solent in suos subditos: sed solum quan- tulamecunq; hoc est de solo facto permissiuo. Ex permissione inquam, sibi datam, per diuinam dispensationem habitam in Chri- sto Domino Nostro: pro misterio redemptionis mundi perficiendo. quamobrem Augustinus in prima clausula, vt eum sibi constare fateamur, ne sibi in paucissimis verbis contradicat per illa ver- ba, puta, quod, & per Apostolum docuit, quod non est potestas nisi à Deo, intelligi omnino voluit quod Dominus Noster, vt Pi- latum à suo superbo statu humiliaret, dum dixit, sibi datum esse desuper, dicere intellexit, omnē potestatem scilicet tam de iure, quā de solo facto, etiam ex v'surpatione tyrannica, & iniusta sententiā, quęcunq; illa fuerit esse ab ipso Deo, differenter tamen ita vt ea, quę de iure est, à Deo sit, diuina volūtate beneplaciti, concedente, & disponēte ad politicam populorum gubernationē, & ea quę de facto solo est, vel etiā ex v'surpatione tyrannica: à Deo etiam est di- uina volūntate suo modo secretissimo atque altissimo permittrēte, quare dum dixit. *Non haberes potestatem aduersum me vllam, nisi tibi datum esset desuper*; confessus est in Pilato aduersum se esse potestatem de solo facto permissiuo, & negauit in illo esse pote- statem aduersum se ordinariam, & de iure, sicuti ex diuina ordi- natione reperitur in Principibus erga omnes sibi subiectos. In

M

compro-

90  
 comprobationem huiusce veritatis, quod hæc sit vera, & propriè  
 intelligentia horum verborum domini, respondentis ad Pilatum  
 & hæc sit explicatio ipsius Augustini asserere non deferam declar  
 ationes aliorum Patrum eiusdem per omnia sententiæ, Chrysostomi  
 scilicet, Theophylacti, & Cyrilli Alexandrini. Chrysostomus namq;  
 conformiter ad sententiam Augustini distinctius, & clarius, sic in  
 quit super cap. 19. Io. hom. 84. *Non haberes potestatem nisi tibi datum  
 esset desuper.* Ex quo significat non simpliciter, & ut res pluri  
 mum solent, sed misce euenisse, sed ne ea particula, *nisi esset tibi  
 datum desuper*, nullo ipsi crimini adscribendum duceret, ideo in  
 quit, maius peccatum habet qui tradidit me tibi. Atqui si  
 datum erat; neque hic, neque illi rei erant criminis; frustra hæc  
 dicis. hoc verbum, datum, in hoc loco permissum est, quasi d. ce  
 ret, permise hæc fieri: non tamen propterea vos non accusandi  
 hæc Chrysostomus, qui, ut patet solâ potestatem in Pilato ex facto  
 permissu dicit confiteri Dominum, fuisse in Pilato aduersus eum,  
 non ordinariam, & simpliciter: ut plurimum solet esse in Princi  
 pibus, sed solum misce in Pilato euenisse talem potestatem, hoc  
 est pro misterio redemptionis complendo.

Theophylactus enarratione in Io. sup. cap. 19 inquit: *Non  
 haberes potestatem ullam, nisi tibi esset superne datum*: non enim ita sim  
 pliciter morior, sed mysticum aliquid perficio, & prædefinitum est  
 hoc superne in salutem hominum: ne autem cum audieris quod su  
 perne sit datum, existimes Pilatum apud Deum a culpa liberatum,  
 statim subinfert, *Qui tradidit me tibi maius peccatum habet.* ostendit e  
 nim hinc, & Pilatum peccato quamuis minori obnoxium: non e  
 nim quia superne datum est, hoc est concessum est, ut moriatur  
 Christus. statim extra noxam sunt Pilatus, & Iudæi, sed vestra qui  
 dem voluntas malum voluit, Deus autem permisit, & concessit, ut,  
 in opus hoc progrediatur. hætenus Theophylactus, qui eandem  
 sententiam Chrysostomi sequi semper consuevit.

Diuisus Cyrillus Alexandrinus in Euangelio Io. c. 11. inquit: *Re  
 spondit Iesus non haberes potestatem aduersum me ullam, nisi tibi datum  
 esset desuper, propterea, &c.* Quoniã adeo principatus sui Pilatus po  
 testatem ostendebat, ac in se solo & punire, & absolueret situm esse  
 iudicabat, commodissime huic orationi vires & potestatem suã op  
 ponit. statumq; Pilati, vel aduersus Dei gloriam timentem depri  
 mit, & futuris fidelibus consulit: non enim parum detrimentum  
 fidei est, si quis putet inuitum Christum vi tractum ad passionem  
 fuisse. Quomodo enim qui, natura, Deus & Rex omnium a scriptu  
 ra prædicatur, cogi ab aliquo potest? Hunc igitur errorem radici  
 tus euellit, dicens, *nisi tibi datum esset desuper*: desuper autem dicit,  
 quia ipse vnigenitus seipsum obtulit consensu patris, ut incarnati  
 onis

nionis impleretur mysteriū. datū ergo inquit est desuper, id est cō-  
cessum, consentit Pater vna cum filio, nō enim ratione solum qua  
Deus est, non potest cogi: suo igitur nutu, & voluntate Patris  
datam esse potestatem Pilato ait, vt quicquam aduersus eum age-  
re posset. Hæc Cyrillus. qui clarissime eandem asserit sententiam  
conformiter ad Chrysostomum Theophylactum, & Augustinum, vt  
patet. In cuius specialiter verbis venit ad notandum, quod qui  
dicit, vel putat Pilato fuisse potestatem ordinariam aduersus  
Christum Dominum, vt cum potuisset Crucifigere tanquam ordi-  
narius iudex, directe, quoque infert dicit, & putat: Christum Do-  
minum passum fuisse inuite, sicuti omnis subiectus inuicē eodem  
natur a iudice potestatem ordinariam habente, quantum est in  
opere actionis, & sententiæ. Hinc manifeste colligitur in quan-  
tum errorem hæreticalem manifeste incidit: Theologus Vene-  
tus, qui in loco hoc Evang. Io: Verba Christi Domini adducit  
pro suo errore, ad innuendum, quod Christus Dominus confes-  
sus fuerit in Pilato fuisse super eum potestatem ordinariam, &  
quod pessimum est allegat in suam falsam sententiam Augustinum,  
qui totum e diuerso explicat sensum verborum domini. Nam  
dicere in Pilato fuisse potestatem ordinariam super Dominum Je-  
sum Christum, est dicere, & asserere, Pilatum habuisse in Domi-  
num nostrum potestatem coercitiuam, & consequenter potuisse il-  
lum inuitum Crucifigere, quam impietatem, & hæresim forma-  
lem nunquam in suis verbis admiserunt, nec Augustus, nec Ber-  
nardus, neque Caetanns, quos falso pro se adducit hic falsus  
Theologus.

Pro intelligentia, & sensu vero, ac proprio illius sacræ scriptu-  
ræ loci act. 23. vbi Paulus Festo Proconsuli dixit: *Ad tribunal Cæ-  
saris hō vbi me oportet iudicari, &c. Cæsarem appello.* Consideranda  
primo omnium est causa propter quam Paulus appellationem ad  
Cæsarem interposuit: nam vt superius ex Hilarij regula dictum  
est, intelligentia dictorum sacræ scripture ex causis est assumen-  
da dicendi, causa autem fuit, vt patet ex cap. 14. actō: ne scili-  
cet daretur in manus Iudæorum, qui illum cerro certius occidif-  
sent, Princeps enim sacerdotum Ananias cum senioribus quibus-  
dam, & Tertullo quodam accusauerunt Paulum apud Felicem  
tunc proconsulem, dicentes: *Quem & apprehensum volumus secun-  
dum legem nostram iudicare:* Et quia vt constat in epistola ad Rom:  
cap. 1. scripserat illis fidelibus se iturum Romam dicens: *Nolo  
autem vos ignorare fratres, quia sepe proposui venire ad vos, (& prohibi-  
tus sum, & que adhuc) ut aliquem fructum habeam in vobis sicut, & in  
cæteris gentibus:* Et hoc non, nisi per specialem Iesu Christi reue-  
lacionem, atque mandatum; Vt igitur non impediretur eius ad

M 2 Romam

Romam accessus, nec expediens fuit ire modo miraculoso, oportuit remedium appellationis sufficiens adhuc, ad potestatem, quæ de facto reperiebatur eo tempore, licet non de iure. nam potestas ordinaria super personam Ecclesiasticam sicuti erat Paulus, non reperiebatur amplius apud Pontifices legis Mosaicæ: quia sacerdotum illud iam collapsum erat, & potestas absoluta, sicut & ipse Paulus postea scribens ad Hebræos, cap. 7. dixit. *Translato sacerdotio, necesse est, ut & legis translatio fiat.* negligitur, quod publica prædicatione collapsam dixerat, rursus uideretur probare, ne sibi eueniret, quod scribens ad Galatas euitandum statuerat, ubi dixerat. *Si enim destruxi iterum reedifico prauaricatorem legi me consilio;* noluit, sicut & non debuit deferre appellationem ad sacerdotes legis Moyse, quod si quidem sacerdotum tribunal, nec etiam si tunc stabile fuisset, Paulo profuisset ad mandatum Christi complendum se se Romam conferendi, sed neque debuit appellare ad tribunal Petri, quia nihil sibi profuisset; eo quod licet tunc in Petro, vero, & proprie residebat potestas cognoscendi illum, & omnes Ecclesiasticas personas, de iure: atamen de facto, potestas hæc in Petro non erat ad actus publicos redacta, ut posset Paulum liberare, & eo maxime, qui in illa lite Paulus ipse actor erat, & causæ eius non erat cum fidelibus, sed cum infidelibus: cum Festo proconsule scilicet, & cum Iudeis, idcirco ratione fori quod sequitur semper ipsum reus, necesse illi fuit sedente proconsule pro tribunali, & declinante ad iniusticiam quam tulisset in eum, dicere: *Ad tribunal Caesaris sto, ubi me oportet iudicari, &c.* Vique *Casarem appello*, per extensum, quia diuino præcipiente iure de non præstando scandalo cogeatur non appellare ad ipsum Petrum. nam si ad aliud tribunal quam Caesaris appellasset, scandalum magnum fuisset Proconsuli, & omni Magistratui Romæ. Quamobrem exëplo ipsius domini, qui super soluendo didragmate à ministris Imperialibus requisitus in Petro, quamuis in persoluendo tributo tanquam Dei filium se liberum argumento concludisset, dixit Petro: *Ut non scandalizemus cor uade ad mere, & mitte humum, &c.* Igitur tam pro scandalo hoc euitando, quam quod Petrus illum liberare non potuisset, idcirco ad Petri tribunal non appellauit. His igitur rationibus Paulus coactus fuit ad tribunal Caesaris appellare, in quo, & si non de iure esset potestas iudicandi Apostolum, tamen adhuc erat potestas de facto, & illa de solo facto potestas, satis erat, sicuti, re uera fuit ad liberationem Apostoli de manibus Iudeorum, quam ipse requirebat, ut iter sicut Romanis Christianis scripserat, Romam versus arriperet, & sic, quod sibi à Christo Domino reuelatum, ac mandatum fuerat adimpleret. hinc euidenter apparet, quam

quam male inferant, in ipsum ius naturale mentientes, scilicet moderni dicentes, quod Paulus mortaliter peccasset Casarem appellando, si Casar suus legitimus iudex non fuisset. quia Sanctus Apostolus in gratia Dei confirmatus non appellavit ad Casarem tanquam ad iudicem ordinarium pro aliqua iustitia politica obtinenda, sed solum appellavit ad eripiendum se de manibus iudeorum, ad quem effectum ius naturale in omnibus etiam animalibus recurrendum esse dicitur, iuxta illud cap. ius naturale 1. dist. Depositæ rei, vel condemnatæ pecuniæ restitutio, violentiæ per vim repulsio, aut si quid huius simile est, nunquam iniustum, sed naturæ æquumque habetur: Quamobrem ex hoc loco actor. 15. per appellationem Pauli factam ad Casarem nulla prius colligitur protestatio, siue insinuatæ potestatis, & miris quo apud Casarem super Apostolum de iure vtri ipsius scilicet moderni pretendunt, sed solum de facto ex divina permissione quousque pax fuisset Ecclesiæ Christianæ celsus concessa. Alioquin in ipsum deveniretur absurdum, quod superius est prius depulsum, quod scilicet Paulus contra illud, quod Corinthiis prius præcepisset, ne scilicet causas licium ad iudices seculares deferrent, de facto postea efficeret si appellando Casarem subiectionem de iure protestatus fuisset, quinimo, quod amplius est, contra ipsius Dei ordinationem, & præceptum de immunitate personarum Ecclesiasticarum, quam ipse simul cum Petro breui tempore erat promulgaturus, quæ etiam immunitatem Ecclesiasticam ipsemet ex parte Dei ordinare iam ceperat, & constitutæ in sua posita praxi, scribens Thimotheo epistola 1. cap. 3. *adversus presbyterum accusationem noli accipere, nisi sub duobus, aut tribus testibus*, declarans in hoc manifeste, ita sacerdotes, & consequenter omnes sacros ministros altaris debere iudicari solum apud Prælatos Ecclesiasticos, sicut omnes seculares apud superiores potestates laicas quemadmodum scribens etiam ad Titum præcipit dicens, *Admone illos* (scilicet seculares) *Principibus & potestatibus subditi esse.*

Pro vera, & propria intelligentia illius loci sacre scripturæ, quam Venetus Theologus pro se, etiâ adducit 1. Petri 2. Videlicet *Subiecti igitur estote omni humane creaturæ propter Deum, siue Regi, quasi præstanti siue Ducibus, tanquam ab eo missis*, & cum non opus est patrum aliquorum afferre interpretationes, atque sententias, cum super omnes alios clare dilucide, & eleganter Innocentius Papa III. in epistola ad Imperatorem Petri hæc verba declarat iuxta suæ lecturæ genuinam intelligentiam, ut in cap. solitè. de maiorit. & obed. resumitur; quam quidem, ut iacet hic recensere non graubimur, ita enim inquit Innocentius, *Miratur*  
est am-



est Imperialis sublimitas, quod te, nisi fuimus in nostris litteris increpare, huic autem tuæ admirationi non causam, sed occasionem præbuit, quod Legisti Beatum Petrum Apostolorum Principem sic scripsisse, *Subiecti estote omni humane creaturæ propter Deum, siue Regi quasi præcellentii, siue ducibus, tanquam ab eo missis, ad vindictam malefactorum, laudem vero bonorum*. Verum si personâ loquentis, & eorum ad quos loquebatur, ac vim locutionis diligentius attendisses scribentis: non expressisses taliter intellectum. Scribebat enim Apostolus subditis suis, & eos ad humilitatis meritum prouocabat, nam si per hoc, quod dixit *subditi estote*, sacerdotibus voluit imponere iugum subiectionis, & eis prælationem auctoritatis adferre, quibus eis subiectos esse monebat, sequeretur ex hoc etiâ, quod seruus quilibet in sacerdotes imperium accepisset, cum dicatur *omni humane creaturæ*. Quod autem sequitur, *Regi tanquam præcellentii*, non negamus quin præcedat Imperator in temporalibus illos dumtaxat qui ab eo sciipiunt temporalia: sed Pontifex in spiritualibus antecellit, quæ tanto sunt temporalibus digniora, quanto anima præfertur corpori: licet non simpliciter dictum fuerit. *Subditi estote*, sed additum est *propter Deum*, nec pure sit subscriptum *Regi præcellentii*, sed interpositum forsan non sine causa (tanquam) quod autem sequitur *ad vindictam malefactorum, laudem vero bonorum*. Intelligendum non est, quod Rex, vel Imperator super bonos, & malos gladij acceperit potestatem, sed in eos solummodo, qui vtentes gladio, eius sunt iurisdictioni commissi. Hactenus Innoc. ibi. quibus verbis vera, propria, & naturalis intelligentia verborum Petri Apostoli elegantissime, atque vberius explicatur, vt nullius alterius doctoris egeat interpretatione cum declaratio scripturæ data à Summo Pontifice præualeat interpretationi omnium fere doctorum.

Loci etiam illius Sacri Euangelij Matth. 20. & Lucæ 22. scilicet. *Reges gentium dominantur eorum, & qui potestatem habent super eos benefici vocantur. Vos autem non sic, sed qui præcessor est sicut minor, & qui præcessor est sicut ministrator*. Veram intelligentiam, & litteralem huc asserre non omittemus, quem locum, & si Theologus Venerus in sua consideratione minime adducit nihilominus, quia Marsilius de Padua Hæreticus condemnatus, olim in sua prius apologia pro Bauaro Imperatore schismatico à se edita, & postea suo quoque tempore Philippus Melancthonius hæresiarcha pessimus, in sua Apologia, quam edidit in Vuormatien. colloquij cōuentu hæc eadem domini verba profè assumunt aduersus potestatem Ecclesiasticam; de quibus siquidem ambobus apologeticis, Theologus iste Venerus suas rationes

scribere

ferre omnes defumit, ut ibi iacent, sicuti & omni legenti peruium esse poterit. idcirco propriam horum verborum domini inter-  
pretationem de industria asserere decreuimus, ut omnes fideles,  
& maxime Principes sciant non Chaticolicorum esse rationes, & al-  
legationes, sed pessimorum hæreticorum, quos ius diuinum per  
Apostolum præcipit euitandas. Hæresiarchæ namq; præfati Mar-  
filius, & Philippus: aragentes omnem prorsus potestatem, & iur-  
isdictionem à Romano Pontifice, & exteris Episcopis amouere,  
hæc domini verba, Lucæ 22. ac Matth. 20. & Mar. 10. allegant  
dicentes, quod per ipsa vetita diuinitus sit Apostolis, & succes-  
soribus cunctis Episcopis, & Sacerdotibus, omnis iurisdictione, om-  
nisque autoritas obligandi, leges ferendi, atque cogendi, erga fi-  
deles peccantes: Et si quam habent hodie iurisdictionem iure hu-  
mano à Regibus, & Imperatoribus sibi donaram ebrinete. Sed  
pessime falluntur, & toto errant cælo putantes falsò, quod do-  
minus verba hæc, scilicet. *Principes gentium dominantur eorum,*  
& c. dixerit tanquam pertinentia ad solos Ecclesiasticos Prælatos:  
sed certissime pro omnibus Christi fidelibus Principibus, tam sæ-  
cularibus, quam Ecclesiasticis sunt prolata: admonens illos om-  
nes, ut in his administrationibus non imitentur Gentilium Prin-  
cipum, audacem, tyrannicamque superbiam erga populos sibi sub-  
iectos, sed christiana charitate, dulcedine, atque modestia erga  
suos subditos se se gerant: Scitis, inquit dominus, quia *Principes*  
*gentium dominantur eorum, & qui maiores sunt potestatem exer-*  
*cent in eos,* &c. hoc est, ut explicat Origenes, non sunt contem-  
ti tantum regere subditos ad vnâ ipsorum vtilitatem, sed vio-  
lenter eis dominari nituntur. & ut inquit Chrysostomus, *Princi-*  
*pes mundi ita gerunt principatum, ut dominantur minoribus, &*  
*eos seruituri subijciant, ut expolient, & ad mortem, vique ers-*  
*trantur ad suam vtilitatem, & gloriam.* Sed hæc Principes gen-  
tium, qui ignorant Deum, vos autem non sic. Vos inquit qui  
mei estis non sic, non instar illorum, qui Deum ignorant, sed  
velut in oculis communis Domini super conseruos, & confratres  
vestros, non ad vestram (quæ tyrannis esset) sed eorum tantum  
vtilitatem, & communis domini gloriam, principatum, ac pri-  
matum exercebitis. hæc Chrysostomus: Quæ omnia nonquam obliuisci  
expedit cunctis fidelibus principibus, sed memoriæ indelebili cõ-  
mendare, si cupiunt ad cælestem patriam peruenire: nec sibi ab  
aliquo sciolo adolatore sinant persuadere, verba hæc Domini,  
Euangelicumque præceptum, ad solos Episcopos aliosq; Ecclesia-  
sticos Prælatos, sed etiam ad Principes ipsos, Reges, & Impe-  
ratores, ac magistratus sæculi pertinere; ad omnes certissime  
spectant, qui Christi sunt oues, & agni de suo sacratissimo ont-  
li,

li, nam *vos* inquit dominus; non sic distinguens à gentibus infidelibus, qui ignorant verum Deum, quod si à sciois modernis fascinati putent dicta solummodo esse ad Prælatos Ecclesiasticos necesse erit eis aduersum se concludere Christi sententiam, quod ipsi non sint propterea fideles, sed adhuc Gentiles de gentibus qui nesciunt Christum Dominum. Quamobrem ex verbis his domini sub Euangelico iniungitur mandato, vt omnes superiores tam Ecclesiastici, quam seculares, subditos suos, suasq; Ciuitates, Prouincias, Regna, Ecclesiam vniuersalem diçeses, Parochias, Conuentus, & Monasteria, domosq; cunctos de charitate Christi gubernet, tanquam membra principalia totius Corporis Christi, quod est Ecclesia, effecti ciues sanctorum, & domestici Dei, superedificati supra fundamentum Apostolorum, & Prophetarum ipso summo angulari lapide Iesu Christo, in quo omnis edificatio constructa crescit in templum Sanctum in domino, in quo, & nos edificamur in habitaculum Dei in Spiritu Sancto.

En in domino nostro lectores amantiſſimi, quo nam proprio, & apposito modo, hæc quinque principalia noui testamenti loca, intelliguntur, & omnino intelligi debent, vt non solum non aduersentur (vt oportet) Apostolicæ, & Patrum traditioni de immunitate Ecclesiastica, sed eundem omnino statuunt, atque defendant, ita quoque alia quæcunque occurrerint, veniunt prorsus intelligenda, & de iusta consequentia sumpto argumento per locum à maiori, sicut demonstratum est, omnia sacre scripturæ loca noui præsertim testamenti, quæ quoquomodo videbantur annuere, omnes personas tam laicas, quam Ecclesiasticas iure diuino subditas esse Principibus secularibus, & magistratibus ita oportuit intelligi, & declarari, vt non aduersentur Dei ordinationi, & præcepto per Apostolorum traditionem, & Patrum pronunciato, pro Ecclesiastica immunitate constituta, quanto igitur magis, si quæ, imo quæcunque reperirentur sententiæ doctorum, vel etiam Patrum oportebit, eas quoq; omnes interpretari, vt eidem traditioni pro immunitate Ecclesiastica nullo pacto aduersentur, facere ergo procul hinc oportet, omnes allegationes Patrum, atq; Doctorum, quas Theologus Venerus in sua consideratione sol. præsertim 28. & 29. pro se perperam, & falso facit, puta Chrisostomi, Augustini, Theodoreti, Theophilacti, Eumenii, Bernardi, Diui Thomæ, & Gaetani, & quorumcunque aliorum: eo quoniam omnes tam præfati, quam alij quicunque fuerint, quemadmodum nunquam somniarunt, contrarium docere, quam traditio Apostolica doceat, de immunitate hac, & libertate personarum, & rerum Ecclesiasticarum, ita quoque si in aliquantulo, eorum verba appareant aduersari, interpretanda sunt, & glossanda, vt omnino non ad-

adversentur, sed eandem doceant, atque tententur.

Quamobrem D. Thomas, qui in epistola ad Romanos, c. 13. agens de tributis præstandis dixit. Ab hoc tamen debito liberi sunt clerici ex Privilegio Principum, quod quidem, æquitatem naturalem habet; interpretandus est, ut non loquatur de omnibus clericis quatenus nomine clericorum comprehenduntur Episcopi, presbyteri, Diaconi, & subdiaconi, sacrorum ordinum, atque Regulares: sed de solis clericis minoribus, & coniugatis etiam quoad bona patrimonialia, quorum immunitas soluendi tributa, & vectigalia, & alia consuetæ onera per privilegium Principum constat, lib. 1. C. de Episcopis & cler. l. omnis. ubi habetur, Omnis à clericis indebita conventionis iniuria, & iniqua exactionis repellatur improbitas; deinde. Itaque extraordinariorum munerum à prædictis necessitas, atque omnis molestia conquiescat, ad angariam quoque præstationum non vocentur, sed eorundem facultates atque substantiæ omnibus clericis huiusmodi prærogativa succurrat, ut & coniungia clericorum, ac liberi, eorum, quoque ministeria idest mares, pariter, ac femine, eorum filij, & filij immunes ab huiusmodi muneribus perferent. Vbi glossa notat primo ex hac lege, quod clerici de bonis præbendarum suarum, quæ vendunt, vel vendi faciunt, non tenentur soluere gabelas, nec etiam ad portam soluunt etiam clerici coniugati & notat ultimo, quod clericorum privilegium datur eorum uxoribus, & filiis secundum Bal. & eadem l. & tit. in novella const. Federici, quæ incipit. Item nulla, sic habetur. Eadem immunitas conceditur omnibus clericis, ubi glossa inquit primo præcipit, quod nulla communitas vel persona publica vel privata, debet cogere clericos ad exactiones collectarum, siue ad extraordinaria munera, & ita intelligendus est ibi Divus Thomas. quod clerici minores, & primæ tonsuræ etiam coniugati sint effecti liberi à debito soluendi tributa ex privilegio principum, & non intelligat de episcopis, presbyteris, & alijs sacrorum ordinum, & Regularibus; qui de superiori iure nempe canonico, atque divino liberi sunt ab huiusmodi gravaminibus, ut habet cap. quanquam. de censib. à nobis superiori ex plicatum pro iure divino ex Dei ordinatione, & Apostolorum traditione pronuntiato. quinimo ita rectius interpretandus est hoc in loco D. Thomas, quod si tempore suo adita fuisset decretalis Bonifacii hæc. cap. quanquam. de censib. certo certius suis illis verbis (si liberi sunt clerici ex privilegio principum) addidisset (ac etiam privilegio de iure canonico, quin etiam, & divino) ut in eodem cap. quanquam. cum semper ipse D. Thomas fuerit in suis Angelicis scriptis zelantissimus honoris, & præminentie, atque auctoritatis, & reverentiæ omniū summæ Pontificum. Nec opus est ceteris

N

tempus

tempus in interpretandis, seu explicandis sententijs aliorum doctorum, Bernardi, Gaetani, &c. quos theologus Venetus pro se adducit, quia ut legentibus omnibus constat, nil illi Patres, & doctores dicunt quod aduersetur privilegio immunitatis, quin sic vere, & declaretur esse de iure diuino. Quamuis præfati doctores atque etiam alij asserant in Pilato non fuisse usurpatam potestatem hanc, & si concedatur, quod in Pilato non erat potestas usurpata, non ideo consequens est, quod ipse Pilatus in ipsum Dominum Nostrium Iesum Christum habuerit potestatem ordinariam, ut falso contendit inferre Theologus Venetus; Quia & si recte quidem inferatur, Pilatum non usurpatam habuit potestatem, ergo ordinariam habuit: Hoc verum est de omni subdito sibi legitime, at nequaquam de ipso Domino Nostro Iesu Christo, qui cum sit verus Deus dei filius, etiam in quantum homo est dominus omnium, non fuit legitime subditus Pilato, nec ulli Principi seculari. Probe namque: non solum Patres inter quos Bernardus, sed etiam Theologi, ut Caietanus, & etiam Io: Driedonius, & alij vere Theologi, atque doctissimi, qui in Pilato dicunt non fuisse potestatem usurpatam, sciebant, & callebant illa quatuor Theologica particularia, quæ in ipso domino nostro vere, & proprie concurrerant. Primum videlicet, quod de statu innocentie, & naturæ institutæ habuit immunitatem à peccato; secundum proprietatem, & conditionem illius status. Alterum, quod non poterat pati, nec mori inuitus. Tertium quia mortuus est propter delicta aliena non sua, & posuit in eo dominus iniquitatem omnium nostrum. Quartum quia potestatem habebat ponendi animam suam, & iterum sumendi eam. Nullum autem horum quatuor potest secum compati subiectionem ordinariam, atque legitimam ad superiorem humanam Principum potestatem: quæ ut sit ordinaria, atque legitima, oportet vim coercitiuam sibi vindicare: sed solummodo secum compati possunt superiorem potestatem aliquantulum (ut utar verbo Augustini) & solum de facto permisso, ac mistico (ut verbis utar Chrysostomi, & Cyrilli) in hoc solo sensu, ut fieret executio crucifixionis per iudicis hominis sententiam iniquam, propter scripturas Prophetarum, quas oportuit de ipso adimpleri: & ideo per iudicem hominem condemnari tantummodo, & non, ut subditus proprie, atque legitime: quia huiusmodi subiectio ipsi specialiter repugnabat.

Itaq; 53.

## CONCLUSIO DECIMA.

**D**icere nullum ex Sanctis Pontificibus, Episcopis, & alijs sacerdotibus, dixisse se exemptum, & iimmunem, esse

esse à potestate Principum, & Magistratum secularium falsum est euentissimè in facie omnium Ecclesiarum, quæ tot, tantorumque Summorum Pontificum à Clemente scilicet primo ad Melchiadem, martyrum gloriosissimorum, & à Syluestro I. vsque ad Gregorium I. ac Magnum, sanctissimorum Dei confessorum, atque Conciliorum tam Generalium, quam Prouincialium, Romani inquam primi sub Syluestro. Nicæni I. Carthagin: III. Calcedonenfis Magni. Venerici, Cabbilonen. Aghaten. tam sub Leone I. quarta & alio sub Sixto Papa III. Matisconenſis, Moguntini, Lateranen. maximi. sub Innocentio III. & postremi nostri temporis Tridentini: testi nonia, sententias, atque decreta semper honore debito, ac reuerentia fuscipientes, sunt proſecutæ. e quorum Pontificum testimonijs, sententijs, atque decretis discedere, impium est, temerarium, & deficientiæ fidei patens signum. Eo quod prænominati Pontifices in Ecclesia, tempore non sint adeo moderni, de quibus contradicentes oblatrarent Lutheranorum more, Pappas centenarios appellando; cum sint antiquissimi, & Christianam Ecclesiam cum ipsis Apostolis ab eoru n tempore suo sacro sanguine fundauerint, & illorum traditionem de immunitate Ecclesiastica. serie continuata promulgauerint.

Ad hæc, cum omnes hi sanctissimi Pôntifices non se ipsos modo, sed omnes etiam particulares Episcopos alios, omnesque sacerdotes, & sacros clericos, Dei ordinatione, & præcepto immunes, & liberos esse à Principum secularium potestate tam clare, tam secure, tamque libere sint semper contestati; Admirabile videtur, & inscrutabile vnde hodie hanc ansam sumperint quidam moderni Theologi, vt non sint veriti dicere. Nullum ex Sanctis Pontificibus Episcopis, & alijs sacerdotibus dixisse exemptum se, & immunem esse à potestate Principum, & Magistratum secularium; si leuiter saltem in litteris humanis, & sacris aliquando fuerint versati. Pro comperto igitur haberi debet, quod Theologi isti, aut epistolas decretales Pontificum quæ peruiæ omnibus offeruntur in primo, & secundo Conciliorû generalium tomo. nunquam legerint, nec lectas vnquam audierint: Aut certe de affectata industria despectui illas habere studuerint, vt suam tot tantisque Sanctis Pontificibus sententiam anteferrerent, in hac facti specie, potissimum, Vuichlephi, Petri Abailardi, & Lutheri ingenium securi, qui suam nouam super omnes patres adeo extulere sententiam, vt gloriarentur se omnibus alijs habere meliorem contra præceptum sapientis: *Ne transgrediaris terminos antiquos quos pſuerunt Patres tui*. Cæterum non solum (quod à malo est) Theologi isti præferre suam sic sententiam conari videntur, ne dicam doctores, quemadmodum præfati hæresiarchæ suam præſu-

PROB. 221

Ieronic<sup>2</sup>, sed (quod à pessimo est & nunquam hactenus factum, vel  
 attentatum) Summis tot Pontificibus, eisdemque gloriosis marty-  
 ribus anteferre, quorum omnium, vnus solius loquentis, & ve-  
 ræ testimoniū, atque sententia, apud Catholicos, & vere  
 sapientes semper praualeuit sententiæ doctorū quamuis cōmuni, nō  
 solū in re fidem concernente, sed etiam in re concernente mōres  
 saluatares. Quamobrem, vt charitas Christi, quæ vsget nos, si-  
 cuti principium est, ita sit nostræ huiusce Conclusionis finis,  
 vnum quemlibet eorum Theologorum exortaret, vt Augustinum  
 libenter auscultet tanquam nunc sibi loquentem, verba illa cha-  
 ritatis plena, quæ tunc temporis libro aduersus Iulianum, cap. 2.  
 scripsit. Ego te, inquit Augustinus, ante istos iudices constituo  
 quos non amicos meos, & inimicos tuos in hac nostra discepta-  
 tione constituo cognitores, nec quorū sententiæ de hoc q̃ inter nōs  
 disputatur incertæ sunt inani cogitatione confixi, sed Sanctos, & in  
 Sancta Ecclesia illustres Antistites Dei, non Platonici, & Aristoteli-  
 celis, & Zenonicis (quanquam, & in his nonnulli ex eis docti  
 fuere) verum omnes sacris litteris eruditos nominatim sicut o-  
 portebat, expressi vt in eis timeas non ipsos, sed illum, qui sibi  
 eos vtilia vasa formauit. Et vt apertius cognoscat hi Theologi,  
 quam malum quamque impium sit tot Summorum Pontificum an-  
 tiq̃uissimarum testimoniarum, vel inficiari, vel contemnere: eius-  
 dem Augustini alteram proferam sententiam, in suā ipsorum rea-  
 dargutionem: inquit enim Augustinus contra epistolam Manichæi  
 c. 4. Multa sunt quæ me in Ecclesiæ gremio iustissime tenent, tenet  
 consensus populorum, atque gentium, tenet autoritas miraculis  
 inchoata, spe nutrita charitate aucta, vetustate firmata, tenet ab  
 ipsa Sede Apostoli Petri, cui pascendas oues suas dominus post  
 resurrectionem suam cōmendauit, vsque ad præsentem sacerdo-  
 tum Episcoporum successio, tenet postremo ipsū Catholicæ no-  
 men, quod non sine causa inter tam multas hereses sic ista soluta  
 Ecclesia obtinuit, vt cum omnes heretici se Catholicos di-  
 ci velint, quarenti tamen peregrino alicui, vbi ad Catholicam  
 conueniatur? nullus hereticorum, vel basilicam suam, vel do-  
 mum audeat ostendere. Rursus idem August. contra partē Do-  
 nati, inquit, sacerdotes, vel ab ipsa Petri Sede, & in ordine il-  
 lo patrum quis cui successit videre, ipsa est petra quam non vin-  
 ceant superbæ inferorum portæ. *Aug. contra Manichæi ep. c. 4. & contra Do-  
 nati c. 1.*  
 His redarguti paucis Augustini solius sententijs, moderni Theo-  
 logi isti, vereri certo deberent, alijs indicare se, vel non legisse,  
 vel si legerint, non confiteri, tot tantorumque Summorum Pon-  
 tificum testimoniarum, qui à temporibus Apostolorum conuicti  
 sunt, & se ipsos, & Episcopos omnes, atque sacros clericos im-  
 munes

307  
semper fuisse à potestate Principum secularium, si non  
velint inter contentiosos schismaticos computari.

## CONCLUSIO VNDECIMA.

**D**icere, quod exemptiones, & immunitates Ecclesiasticae pri-  
mo sint, & solummodo in Ecclesia ex commissione, & pri-  
uilegijs Principum secularium, eo quod clarum sit leges eorum,  
& privilegia reperiri passim, non simul concessas; praeterim in codi-  
ce Theodosiano, & in novellis Iustiniani, error est superiori con-  
similis, & ab eo essentialiter dependens, quo (ut superius iam)  
destructo fundamento, & ipsum fundatum corruere necesse est:  
quia si legissemus testimonia, sententias, atque decreta tot marry-  
rum gloriosissimorum, atque Pontificum à Clemente, usque ad  
Syluestrum, saltem, non adeo se cure hoc ipsum asserere ausi essent.  
Nam dum sententiae tot, tantorumque Patrum Ecclesiae Catholicae  
fundatorum, contestantur immunitatem hanc Ecclesiasticam per  
Apostolorum traditionem de ipsius Dei, & domini nostri voluntate,  
ordinatione, & praecepto, adductis etiam rationibus ex diuina  
scriptura desumptis in Ecclesia Catholica esse constitutam: de  
necessaria consequentia venit concludendum, quod ipsae leges, constitutio-  
nes, & decreta Principum secularium, quae hanc immunitatem  
ordinant, disponunt quoquo modo, ac observandam sub pe-  
nis praecipunt, non ipsam constituent tanquam ab ipsis intelli-  
genda sit primo; & per se nouiter constituta; sed ipsam olim à tem-  
poribus Apostolorum Dei ordinatione, & praecepto constitutam,  
& à Summis Pontificibus, eisdemque gloriosissimis martyribus  
ab ipso Apostolorum tempore, pro temporum, & eventuum con-  
tingentia dispositam, & promulgatam, suo modulo confirmant,  
corroborant, ruentur, & protegunt; obstacula, & impedimen-  
ta remittentium amouendo per suum seculare, & imperiale brachium  
ad hunc effectum ab ipso Deo sibi ipsis concessum, quemad-  
modum contestatur Sanctissimus Leo I. ut in superioribus est re-  
censitum num. 26. epistola 94. ad Episcopos, & presbyteros in-  
tra Thraciam constitutos, quam eandem utique veritatem  
confessus est; & contestatus Martianus Catholicus, & religiosis-  
simus Imperator coram Patribus in Chalcedon. synodo congre-  
gatis (ut à nobis etiam superius est recensitum) per illa verba.  
Quaedam capitula sunt, quae ad honorem vestrae reuerentiae vobis  
reseruauimus decorum esse iudicantes à vobis regulariter po-  
tius firmari per synodum, quam nostra lege sanciri. quibus mani-  
feste declaratur immunitatem Ecclesiasticam Dei ordinatione  
constitutam, Apostolorum traditione allatam, formulisque, & san-  
ctioni.

num. 24



&ionibus Canonice specificatam, per sacras Imperatorum leges  
 fuisse solummodo confirmatam, ac nomine imperiali, brachio  
 scilicet præpotenti, per diuinam potentiam ad hoc ordinato cu-  
 stoditam, surram, rectam. Et vt nostra hæc vndecima Conclusio  
 exactiori periodo compleatur, lubenter superaddam. Quod si ip-  
 si nobiles Veneti, qui hætenus Theologis suis istis aures faciles  
 præstitere, à sapientibus, & integris sibi legi facerent scripta sal-  
 tem Sanctissimorum Pontificum ad Principes seculares quæ pro tem-  
 pore secure, & libere scripserunt, quemadmodum fuisse Marcellus  
 Papa I. Anno D. 304. ad Maxentium Imper. eundemque infide-  
 lelem, & Christianorum inimicissimum. Bonifacius I. Anno D.  
 419. ad Honorium Augustum fidelem, atque Catholicum. Gela-  
 sius I. Anno D. 462 ad Anastasium Imp. Pelagius I. Anno D. 555.  
 ad Regem Francorum Imp. Ioannes III. Anno D. 571. scribens  
 Episcopis, de Iustino Imperatore. Gregorius I. Anno D. 590. ad  
 Mauritium Imp. Nicolaus I. Anno D. 818. ad Michaellem Imp.  
 per seipfos absque alio doctore certissime concluderent, quod  
 hi Sanctissimi Pontifices dum ad Principes prænominatos scribe-  
 bant, hoc vtrique faciebant, non ad supplicandū, aut persuaden-  
 dum illis, vt immunitatem Ecclesiasticam concederent, sed vt  
 illam Dei ordinatione constitutam, & Apostolorum traditione  
 pronunciatam non conturbarent, sed detenderent: sicuti, & in-  
 trepide fecerunt, Marcellus Maxentium redarguendo, Bonifa-  
 cius Honorium collaudando, Gelasius Anastasium admonendo,  
 Pelagius Regem Francorum reprehendendo, Ioannes Iustinum  
 arguendo; Gregorius Mauritium instruendo, Nicolaus Michaellem  
 increpando, sicuti ex ipsorum Pontificum scriptis apertissi-  
 me constat. Hinc ipsi Venetæ Reipublicæ Rectores animadu-  
 erentes se à Theologis istis falso instructos, certo certius concluder-  
 ent, quod immunitas, & libertas Ecclesiastica non à Princi-  
 pibus secularibus per sua Præilegia fuerit primo concessa, sed  
 Dei ordinatione, & præcepto per traditionem Apostolorum, & Pa-  
 trum constituta, vt tot Sanctissimi Pontifices contestantur. Et  
 quod Principes per suas passim leges conditas, & decreta, iure di-  
 uino prius iam constitutam, postea corroborarunt, & confirma-  
 runt tantummodo, & à contradicentibus defenderunt suo præpo-  
 tenti brachio seculari. Hinc falsitas manifesta declaratur Pauli  
 Seruitæ Theologi Veneti, dum in sua consideratione fol. 32. dice-  
 re non erubescit, quod Romani Pontifices ab Anno D. 1160. &  
 postea ediderunt primo decreta exemptionis clericorum in illis  
 capitulis, quæ citat ipse in margine, scilicet c. ar. si clerici, de iu-  
 dicijs, cap. clerici, eod. tit. c. cum non ab homine, & cap. quæ-  
 luer, & quando. eod. tit. falsum assertum, & temere sine debita con-  
 sidera-

consideratione effusum. Eo quia Summi Pontifices illi, qui ab eo antea Ecclesie prae fuerunt, uti sunt Alexander III. in eod. cap. At clericici. Lucius III. in cap. clericici. Clem: III. in cap. cum non ab homine, & Innoc: III. in cap. qualiter, & quando eod. rit; ut patet in expressa textuum littera, insinuant non à se ipsis, exemptionem clericorum esse primo statutam, sed in Ecclesia antiquitatis constitutam, ut Lucius Papa expresse dicit in c. clericici. per illa verba; Non debet in hac parte Canonibus ex aliqua consuetudine praedictum generari. Canones namque quibus dicit non debere generari praedictum, praesupponit esse antiquissimos in Ecclesia à temporibus S. Apostolorum. Hi namque Pontifices probe noverant, nec villo pacto ignorauerant (quemadmodum sciolus iste Venetus certissime ignoraverit) testimonia, sententias, atque decreta pronunciata à Clem. I. usque ad Gregorium I. & deinceps ab alijs praedecessoribus suis; usque ad sua tempora, quos si primo primos talia exemptionis decreta edere opus fuisset, alijs & verbis, & sententijs atque clausulis. causas urgentes ad sic decernendum indicantibus sua rescripta communiuissent, ut consuetum est efficere Pontifices in decretis à se primo conditis, quod si alicubi, ut sciolus iste ibidem dicit, quod in Italia, Hispanijs, & Galijs puniuntur clerici delinquentes non obstantibus praefatorum Pontificum decretis, hoc (si in aliquo verum est) certum tamen est, quod non provenit ex eo (ut ipse dicit) quod decreta horum Pontificum ab Anno; videlicet 1160. non fuerint alicubi recepta integre, sed ex causis illis quas Damasus PP. Leo I. & consilium carthae primum assignant, scilicet ex praefatorum coniuventia clericorum in obedientia, & tyrannorum Principum usurpatione, ut in prima Conclusionem ponitur per extensum.

## CONCLUSIO DVODECIMA.

**D**icere, & pertinaciter asserere, quod Principes seculares de ipsius Dei autoritate, seu immediate concessa, possunt iudicialiter cognoscere personas Ecclesiasticas in causis tam civilibus, quam criminalibus, quatenus sibi Dei ordinatione subiectas, error est manifeste haereticus, & deterior errore Vuicleffi condemnato in Concilio Constantensi, ut constat sub Bulla Martini Papae Quinti in fine Concilij. Quia ipse Vuicleff. ar. 16. dicebat. domini temporales possunt ad arbitrium suum auferre bona temporalia ab Ecclesia, & isti dicunt posse Principes personas Ecclesiasticas iudicialiter cognoscere, cum personarum immunitas principaliter sit à domo instituta, & bonorum Ecclesiasticorum secundo, & accessorie, atque ex naturali consequentia.

Quem

Quem errorem primo adiuuauerunt, vt refert Ioannes à Turrocremata. Marſilius de Paſua, & Ioannes de Landuno condemnatum per extrauagantem Ioannis Papæ XXII. quæ incipit licet iuxta doctrinam. Error certe hic quem hodie exuſcitatur Eccleſiæ Catholice inobedientes, ab ipsis Apoſtolorum temporibus iam extiterit virtualiter, & æquiuallenter ſemper condemnandus, & condemnatus; uirtute traditionis Apoſtolicæ per ſeriem tot Sanctiſſimorum Pontificum promulgatam, quod nulla proſus poteſt tergiverſatione celari quemque errorem, vt ſuo loco recentitum eſt num 19.) ſuo tempore Gregorius Papa VII. dixit. Miſerabilem eſſe infaniam.

Et vt omnes uiri pii, omneſque catholici Principes cognoscant præſatum errorem, quem hodie ab Orco exuſcitatur quidam Theologus Venetus, quòd, error ſit idem proſus quem ducētis ab hinc annis Marſilius Paduanus in auram iſtam Principum delicatam inuexit, non omitram huic afferre fideliter, & originem, & continetiam erroris iſtius. Etenim ſicut colligitur ex Aluaro Pelagio, qui tempore Ioannis Papæ XXII. fuerat penitentiarius, & ab eodem electus Epicoſpus Siluenſis. de plantu Eccleſiæ li. 1. cap. 69. 70. Cardinale à Turrocremata, in ſumma de Eccleſia par. 2. li. 4. cap. 37. & refert largius Albertus Pighius de Eccleſiaſtica Hierarchia li. 5. cap. 1. Ludouicus Baſarus; Imperator non legitime electus, ſed certe intruſus. à Io. Papa XXII. tunc Dei Eccleſiam moderante fuit publice excommunicatus, tanquam ſedi Apoſtolicæ inobediens, & ſchiſmaticus. Cuius Imperatoris partes ſuſcipiens Marſilius de Padua homo magis Ariſtotelicus gymnasta, quam in ſacris litteris, & Patrum doctrina leuiter eruditus, ſatagens Imperatorem potius ex contumace hæreticum facere, quam ueritatem inſtruere eundem. Edidit quandam apologiam, in qua contendit aſſeruere ex ipſa Chreſti Domini Noſtri lege, nulli Epicoſporum, nec etiam Romano Pontifici, neq; alteri prælato Eccleſiaſtico comperere iuriſdictionem aliquam, & ſuperioritatem, ſtatuendi leges, aut quidquam præcipiendi, uel obligandi quemlibet laicum, neque ullam habere poteſtatem ſuper ſacerdotes, & clericos quoscuque, ſed potius Epicoſpos omnes etiam Romanum ipſum Pontificem, cæterosque clericos, ſubiectos eſſe Principibus ſecularibus. Et quod omnis perſonarum Eccleſiaſticarum exemptio, quæ in Eccleſia reperitur per humanum Legislatorem conceſſa fuerit, in cuius poteſtate ſit ſemper eandem ab ipsis reuocare, præſertim rationabili ſuadente cauſa. ſuam hanc falſam ſententiam exemplo, & doctrina Chreſti Domini noſtri conatus eſt confirmare, dicens, quod Chreſtus non uenerit in mundum dominari hominibus, nec ipſos iudicare per ſequentiani Principatus,

rus, ac vim aliquam coactivam, neque temporaliter, principari, sed magis subijci Principibus huius seculi. Quod totum putat ostendere, primo per locum illum Euang. Io. 19. in quo dicit Christum Dominum confiteri potestatem esse in Pilato super ipsum, & confirmare censet per auctoritatē Augustini, qui eundem Euangelij locum explicans inquit. Hoc dixit, quod & per Apostolum docuit, quod non est potestas nisi à Deo, & per auctoritatem quoque Divi Bernardi in epistola quadam ad Archiepiscopum Senonensem dicentis. Cum Romani Præfidis potestatem Christus super se quoque fateatur cælis ordinatam, & cæ. ex quibus verbis infert Marsilius, quod si super Christum, quanto magis super Apostolos, eorumque successores Episcopos, & presbyteros? Secundo suam opinionē confirmare cōtendit dicens, quod Christus Dñs negaverit suis discipulis superioritatem coactivam per illa verba Lucæ 22. *Reges gentium dominantur eorum*, &c. Tercio auctoritate Apostoli ad Rom. 13. Omnis anima subliniori- bus potestatibus subdita sit, &c. Quarto; exemplo eiusdem Apostoli, qui declinans iudicium sacerdotum, & Pontificum Iudeorum Cæsarem appellavit act. 25. Ex his putat sufficienter demonstrare, quod Episcopis, & Romano etiam Pontifici nulla competat potestas coactiva in quēcunque tam laicum, quam etiam clericum, nisi eadem per Legislatorem humanum Principem fuerit concessa, in cuius potestate est semper eandem ab ipsis revo- care.

Hæc est continentia summarie desumpta erroris, Marsilij tunc Paduani: & hanc in sua formali littera cum allegationibus eisdem assumit præfatus Theologus Venetus, quamque ab eodem ultro addiscantes suscipiunt Venetæ Reipublicæ nunc Rectores, putantes audire oracula vera sacrarum scripturarum, & Patrum, pro stabilienda sua ipsorum prætensione; Minime considerantes unde sententiam, & allegationes acceperit Theologus iste suus, quod certe si animaduertent, ut oporteret eosdem, semper prudentes pios, & religiosos Principes, eandem esse opinionem, & eodem omnia adduci argumento, quæ olim tempore Ludouici Bavari Imperatoris Schismatici, ab omnium malorum inventore Lucifero, edoctus fuit Marsilius tunc Paduanus, Hæreticus condemnatus, horrore certo certius rationabili, tinnirent eorum omnium ambæ aures; Conspicientes, quod in facie totius Ecclesiæ Catholicæ rationes has pro sua prætensione non è fontibus illimibus doctorum Catholicorum, sed e seculento cæno hæreticorum ebi- berint; Cum quibus ex sola participatione, & prætensionem suam lubefactant, & nomen serenissimum deturpant.

Veruntamen præfatorum Sacri Euangelij locorum veram, &

O

Catho-

Catholicam interpretationem ex Patrum doctrina in nostra Conclusionem Nona superius iam clare, copiose in medium attulimus Interim solummodo admonitos exorarem Principes seculares ad quos spectat audire, ne aures adeo faciles præsent, ac prurientes, Magistris scalpentibus, qui antiquam sibi personant cantilenam, & veterem intexunt fabulam dicentes. Quod. s. Romanus Pontifex nullam diuinitus sibi concessam habeat autoritatem corripienti Principes seculares; sed si quam habere prætendit, sibi usurpasse tyrannice: hæc nanque fuit vetus cantilena, quæ in aures prurientes Henrici IV. Imperatoris per Vuiccesum, & Ludouici Bauari per Marsilium Paduanum Hæresiarchas decantata, illosque in schismata seduxit, & hæreses. Nam quod summus Pontifex vere, & legitime sibi collatam à Deo contineat potestatem super omnes Principes fideles, suo inquam eminenti, ac Pontificio modo breui simul, & præpotenti argumento facillime demonstrare polliceor hoc pacto. De ipsius Catholicæ fidei substantia est, quod Ecclesia Christi, quæ nunc domus, & ædificium Dei nuncupatur, nunc columna, & firmamentum veritatis, nunc grex ouium Christi, nunc Sponsa, & corpus eius: inter cæteras omnes essentialiter competentes notas, eam sibi primam vendicat; Quod sit vna, sic enim habet Nicæni Concilij Symbolum, tanquam de fidei Catholicæ substantia. *Credo vnā Sanctā Catholicā, & Apostolicā Ecclesiam*. Sed non potest aliter vnitas in Ecclesia retineri, quam si præsit vnus, hoc vtique modo vocis sua incòdita clamat ipsa natura. Hoc in apibus, hoc in gruibus, hoc in alijs etiam plerisque brutis animantibus est videre; habent vtique caput vnum, ducem vnum, quem sequuntur. Sic in arboribus conspiciamus; Ramusculos multos ad vnā virgā, multasque virgas ad rārum, & multos rames ad stipitem, multosque stipites ad radicem vnā infigi; vt omnia consocia euadant, & de eodem succo, qui est in radice participant: quemadmodum ab Apostolo dicitur. *Cuiuslibet fidei Socius radici, & pinguedinis oliuæ factus es*. Quod si in naturis rerum, multo magis fieri necesse est in humana hac societate, quæ nisi ab vno aliquo gubernetur persistere nequaquam potest. Vnum itaque toti Ecclesiæ Christianæ præesse, adeo necessarium est, vt absque hoc, Ecclesia vna esse non possit, & si Ecclesia vna non est, porro Ecclesia Christi non est, quæ idcirco Ecclesia Christi est, quia vna est, vt fidei habet regula. Propterea Apostolus ad fundamentum vnitatis istius alludens inquit. *Vnum corpus, & vnus Spiritus, sicut vocati estis in vna spe vocationis vestræ, vnus dominus, vna fides, vnum baptisma, vnus Deus, & pater omnium, qui est super omnes, & in omnibus nobis*. Et ad vnitatem hanc constituendam ipse dominus per Ezechielem Prophetam dixit

Rom. 12.

Ephes. 4.

*dixit. Saluabo gregem meum, & non erit vltra in rapinam, & indica-  
bo inter pecus, & pecus, & suscitabo super eas pastorem vnum qui pas-  
cat eas. Et in Euangelio. Et alias oues habeo, quæ non sunt ex hoc  
ouili, & illas oportet me adducere, & vocem meam audiens, & fiet vnum  
ouile, & vnus Pastor.*

Vnus vero hic pastor, quoniam Ecclesia, vsque ad finem seculi  
perdurat, Petri Apostoli successor sit, oportet. Inde est, quod  
sicut Ecclesia est vna, ita & Apostolica sit, & esse dicatur, neces-  
se est: vt in eodem Symbolo Patrum continetur. *Et vnam Sanctam  
Catholicam, & Apostolicam Ecclesiam.* Et quamuis ipse Dominus  
Noster Iesus Christus sit ille vnus, & bonus pastor ouium, & to-  
tius Ecclesiæ Christianæ caput, secundum illud Apostoli. *Et omnia  
subiecit sub pedibus eius, & ipsum dedit caput super omnem Ecclesiam,  
quæ est corpus ipsius, & plenitudo eius, qui omnia in omnibus adimpletur.*  
Nihilominus ipse dominus, qui pastor, & caput est Ecclesiæ.  
Sciens quia venit hora eius, vt transeat ex hoc mundo ad Patrem. Et Ec-  
clesiam suam hanc visibilem in terris sua præsentia corporali de-  
stituendam fore, cum tempore passionis orasset ad patrem pro  
fidelibus quos sibi pater dederat, dicens. *Pater Sancte serua eos in  
nomine tuo quos dedisti mihi, vt sint vnum, sicut & nos.* Quo facilius,  
& constantius vnitas hæc Ecclesiæ tempore perpetuo, vsque ad  
finem seculi retineri possit, post suam Sanctam Resurrectionem,  
ascensus ad patrem, vni suo Vicario Ecclesiæ suæ curam de-  
mandauit, vni inquam Petro pascendas suas omnes oues com-  
misit dicens. *Pasce agnos meos, & pasce oues meas.* atque vnum  
illum Principem tunc, & antea designauit pluribus argumentis,  
vt ipse, scilicet in cælis esset, auctor vnitatis perpetuæ, & Pe-  
trus, & quisquis in Petri Episcopatu successisset eiusdem vnitatis  
conseruandæ Pastor, Dux, Princeps, & caput in terris habere-  
tur. Nam quod vni singulariter in præsentia reliquorum Aposto-  
lorum, ac discipulorum ab omnibus singulari nota discreto, vni-  
uersi oculis sui Regni, & Ecclesiæ curam demandauerit, ipse Do-  
minus Noster Iesus Christus; Clarissimis verbis sacra docet Euan-  
gelica scriptura, illis namque quæ habentur Ioannis 1. videlicet.  
*Iniuitus autem cum Iesus dixit. Tu es Simon filius Iona, tu vocaberis Ca-  
phas, quod interpretatur Petrus.* Vnum Simonem inter alios pro-  
nunciavit Cæpham, hoc est saxum, scopulum, rupem, petram;  
super quam postea affirmavit se ædificaturum Ecclesiam suam di-  
cens. *Tu es Petrus, & super hanc petram ædificabo Ecclesiam meam,  
&c.* Quod igitur dominus ipse constituerit Petrum caput Eccle-  
siæ suæ, luumque in terris Vicarium, de fide in Euangelio Sacro  
expresso tenendum est. Et quoniam de eadem fide expressum ha-  
betur, quod Christi Ecclesia visibilis duratura sit vsque ad finem

O 2 seculi

seculi, diemque iudicii vniuersalis, de eadem fide est, quod post mortem Petri, successor eius, & Christi Domini, equalis potestatis Vicarius, de ipsius domini institutione remanserit, & semper successor erit, dum Ecclesia visibilis permanebit, alioquin Ecclesie vnitas, quæ de eadem fide est, seruari non posset, vt dictum est.

psal. 121.

Hæc autem vna Ecclesia, Regnum, ouile, societas vniuersitatis Christi fidelium: necesse est, quod sit ordinata, ita vt dicatur, & sit Hierusalem, pacis visio, & vnitas, non Babilon, & confusa multitudo, sed quæ condita est, veluti quædam Ciuitas nobilissima, cuius ciues in vnum coeunt, vt inquit Propheta. *Ad confutandum nomini domini*; Sed in vnum omnes conuenire non possunt, nisi vni Principi omnes præstent obedientiam, atque Princeps ille sit super omnes vniuersitatis ciues indifferenter. Quod vero omnes fideles indiscriminatim de ipsius Dei ordinatione teneantur obedire huic Principi, & capiti, admonuit à primis illis eiusdæ Ecclesie sæpioribus Ignatius martyr gloriosiss. Apostolorum discipulus, epistola ad Magaesianos dicens. Dignum est vos obedire Episcopo vestro, & in nullo ei contradicere, non enim illum visibilem quis spernit, sed illum inuisibilem in eo contemnit, qui non potest à quoquam contemni, hic enim non ab homine, sed à Deo habet promotionem. Hinc omnes Christiani scire, & intelligere oportet, quod nemo sit exemptus ab auctoritate huius Principis Ecclesie, si inter oues Christi voluerit connumerari, nam omnes oues suas Christus Dominus aqua salutaris baptismatis intinctas sine discrimine eidem Principi Vicario suo subiecit, cum dixit Petro. *Pasce agnos meos, pasce oues meas*. Illi autem cui committitur vniuersitatis alicuius regimen, necessarium est consequenter, quod ab eodem Hierarcha committente collata sit potestas sufficiens ad regendum omnes de vniuersitate illa, & ijs omnibus ab eodem impositam esse obediendi necessitatem, sine qua potestate in Principe commissario, & obsequendi necessitate in subditis omnibus, nulla congregatio nec vnus domus familia, regi, & conseruari posset, sed neque ad hoc supremum munus, regendi Ecclesiam suam dominus elegit nobiles secundum carnem, non duces seculi, non Reges, non Imperatores, aut aliquem huiusmodi Principem, sed vt Paulus ait; *Infirmum mundi elegit Deus, vt confundat fortia*. hoc est Petrum piscatorem, elegit, & eius in perpetuum pro tempore successorem. Quænam vero, & quanta sit huius Ecclesiasticæ Hierarchie Principis auctoritas, ex illis Dei & domini nostri verbis Matthæi. 16. *Tibi dabo claves Regni celorum, & quodcumque ligaueris super terram, &c.* & Ioannis 21. *Pasce oues meas*. Evidentissime constat, quod sit talis.

ac tan-

de tanta, quæ valeat omnes fideles tam Ecclesiasticos, quam seculares, tam Principes, quam populares in via salutis dirigere non solum in his quæ sunt fidei, sed etiam in his, quæ sunt morum salutarium, & obseruationis præceptorum: eo quod non sola fides in adultis ad salutem necessaria est, sed etiam opera, vt habet fides Catholica per Iacobum Apostolum ex tunc specialiter pronunciata dicentem, *Sicut corpus sine spiritu mortuum est, ita & fides sine operibus mortua est.* Quotiescunque igitur fidelium quispam in fide, aut minoribus à recto declinauerit, ille Princeps Ecclesiæ Catholicæ potest, & tenetur ad callem veritatis tam fidei, quam vitæ reducere sua doctrina, & oportuno præcepto. Nec proinde indignari debent Reges, Imperatores, Principes, & Magistratus, cum audiunt se rectori supremo Ecclesiæ Christi subesse, quia omnipotens, & æterna illa Dei sapientia hoc ordinauit, & per Isaiam Prophetam ex tunc pronunciavit dicens. *Et aperientur portæ tuæ inquit die ac nocte non claudentur, vt offeratur ad te fortitudo gentium, & Reges earum adducantur, gens enim, & Regnum quod non seruiert tibi peribit, gentes solitudine vastabuntur.* Sustinenda igitur incumbit omnibus ista seruitus, qui de ouili Christi voluerint esse, Iacob. 2.  
Isaïæ 60.

Vnde omnes Reges, & Principes sæculi, qui de ouibus Christi esse voluerunt, hæc intelligentes diuino illustrati lumine fidei Catholicæ, sua sceptræ, & vniuersam suâ authoritatem Ecclesiasticæ authoritati subesse libenter agnouerunt, & ita salutis suæ necessarium fore, sic ordinante diuina prouidentia. Et vt ad specialia deueniamus exempla. Ecce quomodo à Carolo Magno Pipini filio vsq. ad Rodolphum Austriacum: omnes Imperatores agnouerunt suum Imperium habere, tanquam dependens ab authoritate Ecclesiastica. Ex eo quod Leo Papa Tertius, Cùm omne Occidentis Imperium subtrahum reperiretur Imperio Romano, illud reduxit ad partes Occidentales, quodq. continuata serie secundum hanc reductionem perdurat, quique Imperatores omnes Occidentales à tali reductione per Romanum Pontificem facta, suam recognoscunt Imperialem authoritatem. Eandemq. nec minus legitimam quam illam, quæ ante Carolum Magnum, ex Iulio Cæsare ducebat originem. Sic etiam eo tempore, quando sub Zaccharia Summo Pontifice, Hildericus Galliarum Rex ob suam socordiam meruit Regno Galliarum spoliari, in cuius loco, & Regni dignitate successus est Pipinus Caroli Magni pater, opera, & potestate ipsius Zacchariæ præsidis Ecclesiastici hierarchiæ. tunc inde Pipinus ipse pro se suisq. semper successoribus Apostolica authoritate sacram accepit vñctionem, administratam sibi per Sanctum Bonifacium Archiepiscopum Moguntinum, quam vñctionem, vsq. in hodiernum diem



diem omnes suo ordine succedentes Reges accipiunt de Romano Pontificis autoritate, quo facto tanquam signo expresse proteſtantur ſuam Regiam authoritatem dependere à Romano Pontifice. Quam quidem formam, quodq. exemplum omnes Chriſtiani orbis Reges ſequuntur, Summi Pontificis authoritati ſe ſe ſubmittere oſtendunt, dum ſacram in vocationem ſatentur ſe de manu Romani Pontificis obtinere.

His præmiſſis, facile quiſq. percipiet quam impie, & falſo dicatur ab aduerſariis, Romano Pontifici ex iure diuino nullam competere authoritatem ſuper omnes alios Episcopos, reliquosq. Eccleſiaſticos gradus, & ordines, & eo minus ſuper Principes, Reges, & Imperatores. Cum ex ipſius Dei prouidentia, & institutione ſit ordinatum in ſua Eccleſia, vt vnitas quæ de ſubſtantia fidei eſt, perpetuo conſeruetur per gubernationem vnius ſupremi Vicarij eiudem Chriſti, & ſucceſſoris Petri. Comprobatur totam per locum ab abſurdo, & inconuenienti, quod ex contrario oriretur, nã vt exemplo pareſcat ratio. Ecce tot Chriſtiani Principes reperiuntur in hac Dei Eccleſia adeo exempti, & liberi, vt nemo ipſorum alteri ſubdatur, nec alium ſuper ſe recognoſcat Principantem, vti ſunt Imperator, Rex Galliarum, Rex Hiſpaniarum, Poloniæ, Angliæ, Scotiæ, & alij quam plures. Si inter hos tam multos, quæſtio oriretur, & controuerſia in qua vni non videretur cedendum alteri, niſi ſolis armis id decideretur, nonne maxima eſet in hac Dei Eccleſia confuſio? & certiſſima Babylonia? Neceſſarium igitur fuit ad formam vnitatis Eccleſiæ conſeruandam: vt vnus ſuper omnes taliter præſit, qui ſua ſibi diuinitus data authoritate omnium horum lites & controuerſias componeret, & terminaret; quã obrem Patres, generaliſſimi illius Concilij Lateranenſis ſub Innocentio Tertio celebrati, de ipſorum omnium atq. vniuerſalis Concilij ſententia in declarationem, & formam hierarchiæ, & vnitatis Eccleſiæ Chriſtianæ decretum ediderunt, vt quoties Chriſtiani orbis Principes, qui nullum alium recognoſcerent cui ſubiacerent iurisdictioni, quando alter in alterum, aut in ſuos ſubditos delinquerent, tunc eorum correctionem ad Romanum Pontificem pertinere; In Concilio quoque generali Florentino ſub Eugenio Quarto ſic decretum eſt. Definimus Sanctam, & Apoſtolicam Sedem, & Romanum Pontificem in vniuerſum Orbem tenere primatum, & ipſum Pontificem Romanum ſucceſſorem eſſe beati Petri Principis Apoſtolorum, & verum Chriſti Vicarium, totiusq. Eccleſiæ caput, & omnium Chriſtianorum Patrem, & Doctorem exiſtere, & ipſi in beato Petro paſcendi, regendi, & gubernandi vniuerſalem Eccleſiam à Domino noſtro Ieſu Chriſto poteſtatem traditam eſſe, quemadmodum etiam in geſtis Oecumenicorũ Conciliorum, & in ſacris

Refert Alb.  
pigh. de pot.  
eccl. contr.  
86.

sacris Canonibus continetur; cui decreto, tã Latini, quã Græci etiam oēs consensum præstiterunt, ut patet in ult. Concilij sess.

Ex his omnibus ita propositis, Clare videtur demonstratum: pones Pontificem Romanum iurisdictionis auctoritatem diuinitus collatam esse, non solum super ceteros omnes Episcopos, vniuersosque ordines Ecclesiasticos; sed etiam super omnes Imperatores, Reges, Principes, qui inter omnes Christi volunt annumerari; non inquam auctoritatem illam, qua tollatur illis sua ciuilis auctoritas, sed certe qua eosdem delinquentes in sua ipsorum administratione, possit corripere secundum leges diuinas, & Ecclesiasticas, per censurarum fulminationem, atque etiam si opus fuerit contumaces, diguitate, atque magistratu priuare, tanquam incorrigibiles, & pacem vniuersalis Ecclesię conturbantes, aut etiam in gubernatione inutiles eicere de sede, & in locum eorum alios sufficere de præmissa denūciatione, & cōsensu illius vniuersitatis cui præsumunt, iuxta illud Mat. 18. *Dic ecclesia, & si ecclesia nō audierit, &c.* aut et sufficiens mādare per eos ad quos eorum electio aliquo speciali iure pertineret. Quemadmodum, nō semel effectum esse narratur, & legitur. Sicuti in cap. Alius 15. q. 6. vbi Gelasius Papa dicit. Quod Romanus Pontifex Zaccharias scilicet, Regem Francorum non tam pro suis iniquitatibus, quam pro eo quod tantę potestati erat inutilis à Regno deposuit. Sicuti in cap. Grandi, de supplem. neg. præl. in 6. Innocentius Papa 4. Regi Portugallię dedit coadiutorem illius fratrem, & Regni Gubernatorem præfecit, Sicuti in cap. ad Apostolicę. de sent. & re iudi. in 6. Idem Innocentius cum toto Concilio Lugdunensi, Federicum secundum Imperatorem, prius a Gregorio IX. excommunicatum; omni honore, & dignitate priuauit. Sicuti Gregorius Papa VII Henricum IV. Imperatorem deposuit, & sicuti Ioannes Papa XXII. Ludouicum Bauarum priuauit imperio, ut narrant fideles historici. neq. locus relinquitur amplius illi perficratę hæreticorum cantilenę, quod scilicet, auctoritatem talia efficiendi præfati Pontifices tyrannice sibi vsurpauerint: hæc utiq. impia, & summa est, & fuit semper blasphemia cum non armis, & exercitibus copiisque parctis hoc fecerint, sed spiritali gladio, quem euaginatam ipse dominus cōcessit Petro. Et neq. alio certissime ducti spiritu, nisi eodem quo ductus fuit Sāctus Ambrosius Mediolani, cum Theodosium obiurgauit, propter cēdem Thealonię factam, & ingressu Ecclesię interdixit qui Imperator potētissimus non armorum vi, aut tyrannidis cuiusquam compulsionē humiliatus confessus est, & Dauidem Regem penitentem secutus. Eodem certe, quo Spiritu ductus est Sāctus Ioannes Chrysostomus, qui simul ac baculum pastoralem Ecclesię Constantinopolit. suscepit, deprauatos mores, & nobiliorum hominum viuendi

num. 24

nendi licentiam, vehementius cepit obiurgare, & ad argenteam statuam Eudoxæ Imperatricis in foro S. Sophiæ ludos fieri fortissime prohibuit. Ac ipso eodem spiritu, quo Gregorius Nazianz. Episcopus redarguit præsidem irascentem, ad quem scribens, auster dicit. Dedit nobis Deus potestatem, & principatum multo præstatorē Principatibus vestris. & sexcenti alij: quos per censere amplius non oportet. non ergo tyrannide, ac vi temporali aliqua hanc potestatem arguendi, & corrigendi laicos Principes sancti Episcopi, & Sanctissimi Pontifices sibi usurparunt, sed vi spiritali coactiva illa, quam Deus ipse dederat Cephæ, Matthæi 16. cæterisque Apostolis Matth. 18. omniumq. horum successoribus, dicens. *Quodcunque ligaueris super terram &c. & Amen dico vobis quæcunque alligaueritis super terram, &c.* Satagant igitur omnes fideles Principes Romano præfuli morem gerere, & in præceptis salutaribus obedire, quoniam torum hoc de fide, & præcepto Dei ipsius est. vti clare, & expresse concluditur in cons. vnam sanctiæ de maior. & obed.

### CONCLUSIO DECIMATERTIA.

**S**icuti non omnia clericorum bona, ita neq. omnes in vniuersū clerici, de ipso diuino iure sunt immunes a potestate principū secularium, pro qua conclusione demonstranda, summopere est ad notanda distinctio: Quod bonorum temporalium Ecclesiæ, & personarum Ecclesiasticarum duo sunt genera; vnum est, eorum bonorum quæ uiris Ecclesiasticis iure administrationis sacrorum, & eorum curæ sunt credita, cuiusmodi sunt decimæ, oblationes, data Deo, causa animæ, & quoquo pacto collata Ecclesiæ in communem ministrorum Ecclesiasticorum sustentationem: & similia. Alterum est illorum bonorum, quæ aliunde clericis obueniunt, videlicet emptione, donatione, fideicommissio, successione, quæ personarum sacrarum particularium sunt patrimonialia. distinctio ista colligitur ex sacris canonibus, 22. q. 1. c. Episcopi. c. manifesta, & c. sint manifestæ. ubi dicitur: sint manifestæ res Episcopi, si tantum habeat res proprias, & manifestæ dominicæ, ut potestatem habeat de proprijs rebus Episcopus moriens sicut voluerit derelinquere.

Ad hæc faciendâ quoque est omnino distinctio ipsarum personarum Ecclesiasticarum: hoc est inter clericos, & clericos, nam in alia sui gradus entitate veniunt collocandi sacerdotes, diaconi, subdiaconi, atque minorum ordinum clerici, qui alicui Ecclesiæ seruiunt proprium exercentes officium, & diuino ministerio actiua vacantes, atque regulares Religionis approbatæ per Sedem Apostolicam: & in alia dignitatis spiritalis entitate, conspiciendi veniunt clerici illi minorum ordinum, & primæ tonsuræ, atque coniu-

coniugati, qui nullius Ecclesiæ ministerio, & spiritali exercitio sunt addicti, distinctio hæc personarum Ecclesiasticarum, seu clericorum colligitur ex cap. 6. sess. 23. Concilij Tridentini de re form. Vbi sic decernitur, vt clericus privilegio fori non gaudeat nisi ex mandato Episcopi alicui Ecclesiæ inseruiat, vel in seminario clericorum, &c. His præmissis distinctionibus concludendum est, & primo, quod bona clericorum particularia, seu patrimonialia, siquidem per emptionem, vel donationem, vel successionem acquisita non sunt de iure diuino exempta à tributis, & vectigalibus, alijsque communibus oneribus: ratio est, quia non sunt data Ecclesiæ, vt possint dici esse Sæctum Sanctorum domino, & ad ius pertinere sacerdotum ea lege, vt in cap. nulli 12. q. 2. sed hominis sunt omnino priuati particularia, & propria, iuxta illud Sancti Ambrosij, in cap. conuenior. 23. q. 8. vbi ita inquit. Respondi, si à me peteret, quod meum est, id est fundum meum, argentum meum, & huiusmodi meum, me non refragaturum: quamquam omnia quæ mea sunt sint pauperum. Vbi Ambrosius loquitur de bonis quæ sunt clericorum propria ad differentiam illorum honorum, quæ data, & oblata sunt Deo, & sunt Ecclesiæ communia, & ideo non reperiuntur immunita à grauaminibus communibus nisi de iure humano tam Pontificio, quam Cæsareo, nam ab antiquis temporibus est, quod clerici de bonis suis proprijs non quidem Ecclesiasticis, & communibus; sed proprijs, & secularibus, quæ possidebant tributa soluerent, vt patet in c. tributum, eadem causa per illa verba Urbani Papæ I. videlicet. Tributum ex ore piscis piscante Petro inuentum est; quia de exterioribus suis, quæ palam cunctis apparent Ecclesiæ tributum reddit, & ne quis dicat, quod c. tributum, loquatur de bonis ipsius met Ecclesiæ. Ad hanc obiectionem respondet gloss. in princ. & in ver. (de exterioribus) sic exponendo. De exterioribus. i. non de rebus Ecclesiæ: nam ex quo semel datū est Ecclesiæ Sanctū Sanctorū erit Dñō, vt sup. eod. c. conuenior. nam etsi illud aliud verbum in fine c. (de exterioribus) glossa intelligere videatur, de ipsius Ecclesiæ rebus, dicit tamen sic intelligi, de his tantum rebus Ecclesiæ quæ cum onere ad Ecclesiam peruenerunt, vt in c. Cum non sit in homine, de decimis. Etenim nunquam de rebus Ecclesiæ soluerentur licite onera imposita à Rectoribus Ciuitatum, nisi Episcopus, & Clerus tantam necessitatem, vel utilitatem aspexerint, vt absque illa exactione ad releuandas communes utilitates, vbi laicorum non suppetunt facultates, subsidia per Ecclesias existiment conferenda: vt in Concilio Lateranen. dictum est; & habetur in c. Non minus, de immunit. Eccles. Verum postmodum omnia clericorū bona, etiam particularia, seu patrimonialia de plenitudine pote-

Orbis Romani Pontificis facta sunt à veteribus libera; & exempta, præter illa, quæ per negotiationem clerici acquirerent, ut constat in c. quanquam, de censibus. lib. 6.

Et quoad personas ipsas clericorum cum illi soli de iure diuino perhibeantur exempti in serie recensita Summorum Pontificum, & Conciliorum Generalium, qui ordine sacro sunt insigniri, & in sortem domini trāsati, iuxta cap. clericos. 21. dist. & consequenter de iusti, & æqui ratione pariter alij minorum ordinum clerici qui in Ecclesia proprium exercent officium, & diuino inferuiunt ministerio, ex Apostolorum antiquissima traditione, de necessaria colligendum est consequentia. quod clerici prima tonsura donati, & ordinum quoque minorum, qui nullo Ecclesiastico seruitio sunt dicati, clerici quoque coniugati: non sunt eodem diuino iure exempti à iurisdictione Principum secularium, sed solo iure humano Pontificio, ut constat ex cap. clericis, de clericis coniugatis in 6. ubi dicitur, quod priuilegium in fauorem totius ordinis clericalis ab Innocentio secundo, primò omnium concessum est, & planè quoque colligitur ex decreto Sacri Concilij Tridentini, ubi superius: in quo decernitur, quod clerici minorum ordinum, nisi ex mandato Episcopi alicui Ecclesiæ inferuiant, vel in seminario, &c. fori priuilegio non gaudent, nam dum auctoritate Concilij clericis horum minorum ordinum non seruientes Ecclesiæ, &c. spoliantur priuilegio fori, certissime insinuat, quod iure diuino, ratione solius ordinis, non fuerant exempti. eo quia clerici minorum ordinum tunc censentur complete trāsati in partē domini, quando ministerijs, & seruitijs Ecclesiæ sunt dedicati: quando vero talibus ministerijs non reperiuntur additi, quia non plenè effecti sunt pars domini, idcirco de iure diuino tunc non sunt dicendi immunitate donati, quia liberum est eis ad seculum transire, vxores ducere, & gradus Ecclesiasticos renunciare: quod tunc efficiunt, quando sub Ecclesiastica regula amplius non tenentur, ut bonis moribus uiuant, & canendis psalmis inuigilent. iuxta illud Gregorij Augustino Anglorum Episcopo, cap. si qui vero. dist. 32. Est quoque pro hac Conclusionē complenda adnotandum, quod in præfato cap. clericis, de industria posita sunt illa verba (in fauorem totius ordinis clericali) ut intelligamus, quod primitus erat quidem priuilegium sacrorum clericorum, scilicet de iure diuino seruatum, illorum inquam qui cultui diuino sunt dedicati; sed ipse Innocentius postea de potestatis plenitudine idem priuilegium extendit, seu verius attribuit ad omnes clericos, superimponens excommunicationis sententiam in omnem, qui suadente diabolo, hoc est cum iniuria clericos percusserit, ut in cap. si quis suadente. 17. q. 4. Quod

nanque

namque Summus Pontifex omnes clericos cum suis ipsorum bonis particularibus potuerit ab exactionibus communibus, & foro Principum secularium eximere. Hinc constare potest uti doctè Dominicus Sorus ubi supra declarat, quia potestas Ecclesiastica esse per se sufficiens à civili potestate independens, & ideo liberum est ei, atque conueniens ex debito condere leges, quæ suæ administrationi sunt, vel necessariæ, vel congruentes. Exemptio autem omnium clericorum non solum est congruens, sed certe moraliter loquendo ad debitam Ecclesiæ administrationem necessaria, ergo illos Papa potuit, & debuit eximere.

Ex his distinctionibus rerum, & personarum Ecclesiasticarum cum suis ita habitis determinationibus, necessariæ illationis consequentia recte conducente, non venit abnegandum, quod illa scilicet clericorum immunitas, quæ autoritate Pontificia solum humana fuerit constituta, sicuti per liberam ipsam humanam Pontificis auctoritatem potuit immutari, & remoueri, ita quoque ante factam immutationem per Concilium Tridentinum, per longissimam potuerit consuetudinem Regnorum alterari, scientibus tamen, & semper contentibus, summis pro tempore Pontificibus, sicuti est immunitas, & exemptio Clericorum coniugatorum, ac primæ consuræ, & quatuor ordinum minorum, eorum inquam, qui de mandato Episcopi, Ecclesiæ non inserviunt, nec habent beneficium, eo quia tales clerici, (ut ostensum est) non diuino iure, sed solum humano ante Tridentinum Concilium, fori priuilegio gaudebant, quam Concilij Tridentini constitutionem, quod tales clerici fori priuilegio non gaudeant, susceptam, & in proximam redactam in Hispanijs per Regiam legem 1. editam tit. 4. lib. 1. noui ordinis, testatur. Bernardus Diaz, in sua pract. crimin. canon. cap. 62. num. 9. Sed penitus, & omnino abnegandum semper est de immunitate Sacrorum Clericorum, & ordinum etiam minorum, qui seruitijs Ecclesiarum sunt addicti seruientes actualiter nam omnes tales de eodem iure diuino effecti sunt immunes à iurisdictione Principum secularium, via traditionis Apostolorum, & Patrum, atque scripturæ Sacræ per necessariam consequentiam interpretatæ, ut in superioribus conclusionibus remanet abunde ostensum, & comprobatum, specialiter in conclusione quarta, ubi à perpetuitate traditionis huius ostendimus, immunitatem hanc Ecclesiasticam, sicuti nec autoritate Summi Pontificis, ita neque secularium consuetudine posse aboleri, & immutari, quod comprobatum reliquimus autoritate Urbani Papæ 1. c. sunt quidam 25. q. 1. & Zoziini Papæ, c. contra statuta; sed non propterea licet ex hoc inferre, sicuti male inferre contendit Theologus Vennetus in sua consideratione fol. 33. dicens, quod si clericorum

immunitas esset de iure diuino; Summus Pontifex non posset in aliquo dispensare. eo quod contradictionem implicet, dicere ius diuinum simul & dispensabile. Mala est hæc illatio. nã quod hoc ius diuinum, quo immunitas Ecclesiastica constituta est, in vera, & perfecta Theologia sit dispensabile, hoc inquam in aliquibus particularibus casibus, non autem in totum mutari, in medium afferam pro Theologorum communissima, Sancti Thomæ solius doctrinã, breuitatis gratia 1.2. q. 100. artic. 8. in corpore questionis: inquit enim ibi. Respondeo, dicendum, quod sicut supradictũ est (q. scilicet 96. ar. 6. & q. 97. ar. 4.) tunc in præceptis (intellige diuinis de quibus agit ibi S. Doctor) debet fieri dispensatio quando occurrit aliquis casus particularis, in quo si verbum legis obseruaretur, contrariaretur intentioni legislatoris. Intentio autem Legislatoris cuiuslibet ordinatur: primo quidem, & principaliter ad bonum commune: secundo autem ad ordinem iustitiæ, & virtutis, secundum quod bonum commune conseruatur, & ad ipsum peruenitur, si qua ergo præcepta dentur, quæ contineant ipsam conseruationem boni communis, vel ipsum ordinem iustitiæ, & virtutis, huiusmodi præcepta continent intentionem Legislatoris, ideo Indispensabilia sunt; sed si aliqua alia præcepta traderentur ordinata ad ista præcepta, quibus determinantur aliqui speciales modi præceptorum in aliquibus casibus non fieret præiudicium primis præceptis, quæ continent intentionem Legislatoris. Hæc ibi S. Tho. Applicemus agere doctrinam ad rem nostram. Intentio Legislatoris Dei ordinantis, atq; præcipientis immunitatem hanc Ecclesiasticam continetur, & conseruatur, in ipsa immunitate integre sumpta pro omnibus personis, & causis Ecclesiasticis simul & in vniuersum, ita vt talis immunitas nunquam mutetur in totum, vel tollatur: & hoc est, quod præfati Pontifices, Urbanus I. & Zozimus declarant, atq; definiunt, vtentes verbo (mutari) & dicentes nõ posse per summum Pont. mutari, & nouã legẽ facere, vel contrariã. At nequaquã dixerũt nõ posse in aliquo particulari casu, suadẽte ratione dispensare; præceptiones vero, & specificationes particulares, taliũ, ac talium causarũ, & taliũ, ac taliũ clericorũ, sunt quidã modi speciales ipsius præcepti principalis, Dei. & ideo bene possunt dispensari in casibus quibusdam, in quibus si totum per omnia ius hoc immunitatis conseruaretur, contrariaretur intentioni ipsius Dei ordinantis, & præcipientis hanc immunitatem: qui siquidem ordinans, & præcipiens in casibus bono communi conducentibus, nollit per omnia ius suum obseruari: & hinc est, quod à Doctoribus communiter dicitur, quod talis in casu adueniente dispensatio, non esset propriẽ dispensatio, quæ formaliter est iuris aliqua relaxatio, sed interpretatio,

tio, & declaratio intentionis ipsius Legislatoris, quæ dicitur Epi-  
 cheia. Ita & in voto solemnium Summus Pontifex habet potestatem  
 dispensandi secundum communem, & saniores Doctorum sen-  
 tentiam, in quo solemnium voto, quando ex sufficiente causa contin-  
 git Papam dispensare, potius dicitur ipsius Dei Legislatoris in-  
 tentionem declarare, quàm propriè dispensare. Quod insuper Theo-  
 logus Venetus ex hac Summi Pontificis dispensatione si fieri con-  
 tingeret, colligit etiam per consuetudinem posse acquiri, totum  
 quod per dispensationem obtinetur, est similiter falsum: quia ut  
 inquit idem Angelicus doctor. 1. 2. q. 98. art. 4. ad 1. In prae-  
 ceptis iuris diuini, quæ sunt à Deo, nullus potest dispensare, nisi  
 Deus, vel is cui ipse specialiter committeret. commisit autem soli  
 Summo Pontifici Vicario suo. consuetudo vero non fit Dei com-  
 missione, sed hominum more introducitur dist. 1. cap. consuetudo.  
 ideo, id quod per dispensationem Papæ obtinetur, non potest ac-  
 quiri hominum consuetudine, ratio ad hoc vrgens ea est, quia  
 si illud, quod circa legem diuinam, ex parte, & in casu, per dispen-  
 sationem obtinetur, posset per consuetudinem legi diuinæ contra-  
 riam introduci, tunc vi consuetudinis eiusdem posset lex ipsa diui-  
 na in totum aboleri, vel mutari: quod natura diuinæ legis non  
 sustinet, & mordicus pernegat D. Thom. ead. q. ar. 3. ad primum  
 dicens lex naturalis, & diuina procedit à voluntate diuina, unde  
 non potest mutari per consuetudinem procedentem à voluntate  
 hominis, sed solum per auctoritatem diuinam mutari posset, &  
 inde est, quod nulla consuetudo vim legis obtinere potest contra  
 legem diuinam, vel legem naturalem: dicit enim Isidorus in si-  
 nonimis. Vfus auctoritari cadat, prauum vsus, lex & ratio vin-  
 cat. Ad hæc illud quoque, quod idem Theologus Venetus fol. 31.  
 in hoc facto infert postremo, scilicet, præsupposito etiam, quod  
 exceptio clericorum antea fuerit constituta, & per legem ean-  
 dem seruata, & quod postea per consuetudinem inmemorabilem  
 præscriptum fuisset in contrarium, posset legitime exerceri, pes-  
 sime inferitur: supposito quod immunitas Ecclesiastica sit consti-  
 tuta diuino iure, sicut ipse quoque in vim maiorem sui argumen-  
 ti supponit: quia ut superius est demonstratum, nulla consuetu-  
 do, nullusque mos, seu vsus, quamuis antiquissimus valet super  
 lege, & præcepto diuino. Etenim ut Gregorius PP. IX. inquit, tan-  
 to sunt graviora peccata, quanto diutius infelicem animam de-  
 tinent alligatam: nemo sanæ mentis intelligit, naturali iuri cuius  
 transgressio periculum salutis inducit quacunque consuetudine.  
 (quæ dicenda est verius in hac parte) corruptela, posse aliquate-  
 nus derogari. Sed neque Innoc. III. in cap. super quibusdam, de  
 verborum signis, quod iste Theologus pro se perperam citat in-  
 mar.



marginē; loquitur de re aliqua quæ sit de iure divino disposita; sed loquitur expresse solummodo de pedagijis, salinariis, & gubdagis, quæ imponi de nouo interdicta sunt humano iure, nisi Imperatorum, & Regum, vel Lateranensis Concilij largitione fuerit concessum. Illud item, quod idem Theologus superaddit de taciturnitate Summorum Pontificum, quæ sit pro sufficienti approbatione adeo falsum est manifeste, quod non eger confutatione, ut ex Regesto Gregorij Papæ. Italix patritix, & habetur in c. Nihil prodest. de præscriptionibus. & ideo ista taciturnitas Prælati præcessoris, futuris successoribus in rebus pauperum nullum facit præiudicium, & eo magis, quia conditionem Ecclesiæ deteriore facere non potest. cap. Fraternitatem. de donationibus. Quanto ergo minus Summi Pontifices propter scandalum, euitandum conticentes super contrauentionibus, tunc Venetæ Reipublicæ nullam dicendi sunt efficere probationem?

Quantæ etiam falsitatis sit, non omittemus ostendere, illud quod idem Theologus Venetus, eadem pag. 33. dicit quod in isto casu autoritas, & vsus Reipublicæ Venetæ præcedit tempore omnem legem, quæ exemptos effecerit Ecclesiasticos, à iudicijs in causis criminalibus enormibus; & falsitatem huius sui asserti, quoad anterioritatem quam effurit, non opus est amplius ostendere, cum in plerisque nostris Conclusionibus sit plenissime demonstratum ab ipsa Apostolorum, & Patrum traditione per se rem tot Pontificum fideliter recensitam, sed in eo, quod dicit se restringendo ad causas delictorum enormium, putans quidpiam per se probabile asserre: dicimus libere hoc suum commentum esse falsum pluribus medijs. Primo quia ab ipso Ecclesiæ Catholice principio, Petrus Apostolus, & primus Dei Vicarius Clemente attestante in epistola 1. Nullum sacerdotis crimen quantumvis enorme, sed solam causam criminis hæresis excipit dicens. Si autem Episcopi, & Sacerdotes exorbitauerint ab istis, (scilicet secularibus) non sunt reprehendendi, vel arguendi, nisi in fide errauerint; eandem exceptionem solius criminis hæresis facit Fabianus Papa. An. D. 237. epist. 2. ad omnes orientales Episcopos dicens. Similiter statuentes Apostolica autoritate iubemus ne pastorem suum oues quæ ei commissæ fuerint (nisi forte in fide errauerit) reprehendere audeant. Nec proinde aliquis colligat, quod si Ecclesiasticus, crimen hæresis committat, possit iudex secularis vi exceptionis factæ illum iudicialiter cognoscere, cum causæ omnes tangentes fidem sint de ipso iure diuino, ad Sedem Apostolicam, & tribunal spirituale, quod ipsa ordinauerit, referendæ. sicut Innoc. Papa I. epistola 26. ad Episcopos Concilij Mileuitani inquit: Quoties ratio fidei ventilatur, arbitror omnes fra-

eres, & Corpis sedes nostros, non nisi ad Petrū, id est sui nominis, & honoris auctorē referre debere, veluti nunc retulit. velira dilectio, quod per totum mūdum possit Ecclesiæ omnibus prodesse, sed hāc criminis hæresis exceptionē sic intellexerunt Patres semper, quod quādo persona Ecclesiastica in hoc crimen ceciderit, si cōtumax in suo errore perstiterit lata in eū sententia à tribunalī Ecclesiastico, & præmissa solemnī sacrorum ordinum degradatione ad brachium Curie iudicis secularis remittitur sententia. excurio, iuxta decretum Lucij PP. 3. in c. ad abolendam, de hæret. Quod si in causis aliorum enormium criminum ab hæresi, persona Ecclesiastica iudicialiter cognouerint Venetæ Reipublicæ Rectores, etiam antiquo hoc non de iure habere potuerunt aliquando, sed de solo facto, certissime vsurpato contra ipsius Dei, & Apostolicæ sedis antiquissimam ordinationem, aduersus quam, vt superius est demonstratum, nullus vsus, nullaq. consuetudo, quantumvis antiquissima potuit vnquam præualere. Quamobrem quanto magis antiquitatem temporis adsignant, tanto magis peccatum suæ temerariæ vsurpationis aggrauant, iuxta sententiam Gregorij IX. superius recensitam in c. ult. de consuetud.

Illud etiam falsum est, quod immediate subnectit idem Venetus Theologus, putans pro suo asserto perbellam adducere rationem: dum subnectit, quod aliqui Summi Pontifices puta. Sixtus IV. Innoc. VIII. Alexander VI. & Paulus III. per sua diplomata, quæ in archiuijs dicte conseruari, non quidem (vt opus erat) licentiam concesserunt, sed tantum, vt ipse contendit, factum, & vltimū Reip. Venetæ aduersus libertatem Ecclesiasticam per sua diplomata approbarent, dictum oppidō inconsultissime effusum, & aperte iniurium, & nunquam hætenus auditum: quod nimirum Sedes Petri Sacra, & Apostolica, Ecclesiarum mater, & magistra, cuius pedibus ceruices suas omnes mundi totius potestates fideles inclinant facta potius, & contranentiones secularium, per suum Apostolicum breuē vnquam approbarit, nullum prorsus licentiæ, & facultatis priuilegium de suæ potestatis plenitudine cōcedendo, vt ad suam falsam intentionem, breuia Apostolica hic Theologus trahere contendit, ad probandum, scilicet quod Republica Veneta, vi consuetudinis suæ tantū, nequaquam virtute alicuius Apost. concessionis, & licentiæ, in casibus enormibus, & etiam communiter grauib. in factos clericos iurisdictionem secularem exercuisset. Nam si Lucius Papa III. vt habetur in c. ad audientiam, de rescript. litteris Apostolicis, quæ manifestum continent in constructione peccatū, hoc est falsam latinicatem, non vult fidem adhiberi, quanto magis bullis Apostolicis, quæ manifestam continent inconuenientiam, legiq. diuinæ præiudicium, fides adhiberi non debet? Ergo aut oportuit

tuit Theologum istum dicere, quod in præcatis bullis, seu Breuibz præfati Summi Pontifices dispensationem aliquam, seu licentiam de potestatis suæ plenitudine concesserunt Reipublicæ rectoribus, vt sine peccato possent in clericos etiam sacros delinquentes iudicialiter animaduertere, aut certe bullas easdem approbationem solummodo continentes consuetudinis Venetæ contra libertatem Ecclesiasticam concedere falsas esse, nec vere à Sede Apostolica emanatas, quia summum inuouens est admittere, quod Summi Pontifices contrauentiones legis diuinæ, & sanctionum Canonicarum per consuetudinem hominum introductas suis diplomatis approbauerint.

Cæterum si fides est adhibenda Theologo huic in eo quod refert de Papa Innocentio, qui scilicet per suum breue directum ad Patriarcham Venetiarum datum ultimo Octobris anno 1487. In quo contineantur illa verba: Nos attendentes priuilegia ad bene viuendum dari, non ad delinquendum, illaq. præsidio bonis contra improbos esse debere, non autem malis ad nocendum, facultatem, &c. Se ipsum hic Theologus contradictionis manifestè redarguit. Etenim verbum vltimum ( facultatem ) cum additione (&c.) certo certius insinuat facultatem, seu licentiam ab Innocentio auctoritate Apostolica traditam per diploma, si vere tamen, tale diploma concessum est, vt inde Veneti rectores in delictis illis tam atrocissimis, quam etiam grauibz, & atrocibus de concessione, & dispensatione speciali licite potuerint clericos delinquentes iudicare. Verba autem illa præcedentia, puta. Nos autem attendentes priuilegia ad bene viuendum, &c. non sunt approbatoria facti antea attentati, sed solum declaratoria, seu protestantia causam rationabilem, atq. sufficientem ad dispensandum, vt mos obseruatissimus, & perpetuus est, atq. pernecessarius in diplomatibus continentibus aliquam iuris dispensationem. argumento. cap. ex parte. de rescriptis. in quo ad validitatem Apostolici rescripti de necessitate requiritur clausula; si preces veritate nitantur, etiam si non apponatur. Verum enimvero illud maxime refert in hac facti specie, si prædictum breue Innocentij Papæ VIII. realiter, & reuera extorserit per ipsa, ex parte, & in suo principio, recensita verba, quæ facultatem designant rectoribus Reipublicæ concessam à Sede Apostolica: nam si ipsi rectores hoc fatentur, necessarium est eis fateri consequenter, quod non vi consuetudinis antiquissimæ, & auctoritate diuina principibus concessa, potestatem se exercere super personas Ecclesiasticas in causis criminalibus, sed solo titulo Apostolicæ concessionis, vel vt verius dicam dispensationis, ex causa sufficienti ad dispensandum in hoc diuino iure, & satis eis foret authenticum breuis resumptum Sanctissim. O. N. Papæ Pauli V. de Catholici-

tholicorum filiorum confidentia; ipsi præsentare, & demonstrare; Qui Sanctissimus Dominus (vt de sua decet) maxima charitate, & providentia, tale diploma à prædecessore suo emanatum legiti-  
me, non tolleretur, sed per pensis sufficientibus causis in diplomate præ-  
narratis, & concessionis formalis continentia, atq. obseruatione, Re-  
ctorum terminos concessionis non excedente notabiliter, lib-  
tentissime (vt speratur) confirmaret, & aspirante Deo, forte for-  
tius ab ipso Sanctissimo, vt iusta quoq. ratione sperare possumus,  
authoritate summa sibi diuinitus præstita, concederet super alijs,  
etiam eiusdem Reip. statutis. Cum ad condendum licite statuta ali-  
qua etiam quæ libertati, seu immunitati Ecclesiasticæ in aliquo de-  
rogarent, sacri Canones, non aliud de iuris necessitate exigant, nisi  
quod à Summo Pontifice obtineatur licentia: vt constat ex Conci-  
lio generali Lugdunensi sub Clemente V. in c. hoc consultissimo, de  
rebus Ecclesiæ non alienand. lib. 6. & c. Clericis. de in. munit. Ec-  
cle. eod. li. & c. Ecclesia Sanctæ Mariæ, de constit. & c. cum laicis,  
extra de reb. Ecclæ non alien. & sicuti ex Diuo quoq. Thoma supe-  
rius ostensum est, in hoc diuino iure causa rationabili, in casu spe-  
ciali sic exigente pro bono publico alicuius Regni, seu Reipublicæ  
conseruando de plenissima quam habet à Deo autoritate, potest  
licite dispensare: consideratis inquam (vt opus est) considerandis,  
& ad terminos iuris diuini, sanctionūq. Canoniarū, quantū iustæ  
dispensationis ratio sustinet, ipsis statutis redactis, & contemperatis.  
Id ipsum pariter, & totum efficere deberent omnes etiam alij quo-  
que Principes fideles circa vsus, consuetudines, priuilegia, atq. sta-  
tuta, si quæ sunt, in Regnis, Prouincijs, ciuitatibus, & dominijs suis,  
quæ libertatem, & immunitatem Ecclesiasticam, quoq. pacto con-  
tingunt, vt nimirum ad terminos iuris diuini, iurisq. communis Ec-  
clesiastici dispensabilis, redactis omnibus de licentia, & concessio-  
ne speciali Summi Pontificis vtantur. Si voluerint apud diuinum  
Tribunal, immunes censerī, ac tuti: ab incurfione latæ censure in  
Bulla Censæ Domini. Quæ nam vtro causa rationabilis, esset suffi-  
ciens, ad impetrandum dispensationem atq. licentiam siue conces-  
sionem à Sanctissimo Domino. Et qui nam deberet esse modus ac  
forma reducendi statuta, priuilegia, consuetudines, & vsus, qui Ec-  
clesiasticam libertatem notabiliter contingunt, ita vt obtenta dis-  
pensatione, atq. licentia Sedis Apostolicæ: sine aliquo conscientie  
scrupulo, Omnes fideles Principes, eisdem reductis, ab hinc pos-  
sent vti, non est meum hoc in loco, in medium specialiter (vt oportet)  
asserre: Ipsa modestiæ lege sic imperante. Quâvis, & causam  
sufficientem ad dispensandum, & modos reducendi, completè apud  
me (ni fallor) expensis per benè, atque conscriptos retineam, expo-  
nendos tantummodo, quandocunque ab ipso Sanctissimo Domino

Q

Nostro

Nostro mihi iussum fuerit . satis superque igitur sit interea, passum, ad compositionem (quæ desideratur) omnibus numeris perficiendam legentibus iisdemque sapientibus, sicut hæcenus est habitum intimaſſe . Ad hæc, superadditum nõ pigebit expendere, quod idem Theologus ex Iulij Clari sententia contendit inferre sol. 34. dicens potest hic addi, quod in nullo Regno, siue dominio , vt in praxi posita seruetur hæc clericorum exemptio, eodem vbique modo, & qui legit totum, quod criminalistę, & particulariter Iulius Clarus lib. 3. §. fin. q. 36. cognoscet, quod diuersimode praticatur in diuersis locis exemptio hæc, ex quo sumitur indissolubile argumentum, quod non sit de iure diuino . Quam inconsulte effusa sint hæc, & quam falsa omnia, tam ex ipsius specialiter doctoris, & iuristę insignis Iulij Clari doctrina, quam ex varietate doctorum, quos ibi Clarus refert, constare potest . & quo ad Iulij Clari specialem sententiam, certum est, quod ipse in eadem quęst. 36. versic. Quęro nunquid clericus . quęstionem proponens de clerico committente etiam crimen læsę maiestatis . Vtrum puniri possit per Principem, aut indices seculares cui sit temporaliter subditus. sic respondet. loquendo de iure, quod non . & rationem adducens dicit, quia clericus non dicitur proprie committere crimen læsę maiestatis cum non sit vere subditus, vt dixi supra §. læsę maiestatis versic. vidi quandoque . & ita reperio in facti contingentia consuluisse Barba. conf. 22. In primo dubio, lib. 3. Rolan. conf. 4. lib. 1. tamen de facto Principes pluries seruant contrarium. Hęc ibi Iulius Clarus; qui siquidem dum de sua speciali sententia, & recta consideratione, dicit quod Principes seculares non possunt punire de iure clericum, quamuis crimen læsę maiestatis in capite committeret, sed solum solet puniri de facto: euidentissime concludit, & docet, quod Principes seculares nullam habent iuridicam potestatem puniendi clericum quamuis sic enormiter in se ipsos delinquentem . Perpendite, amabò, non posse de iure, quid apud ipsa iura valeat; Princeps secularis non potest hoc facere de iure, ergo per locum ab inductione partium iuris communis: Non de iure diuino, quia ius diuinum, vt per tot Conclusiones nostras ostensum est clericos facit exemptos à Principum secularium iurisdictione, nisi in solo crimine hæresis, & ea conditione, & modo, vt superius est declaratum, Nec de iure humano Canonico, quia Sacri Canones clericorum eandem immunitatem constituunt, & tuentur: Non de iure Imperiali, quia leges Imperiales non possunt, nec ius diuinum, neque canonicum humanum abrogare: nam in 6. Synodo Romana sub Simmacho, sic habetur . Non licet Imperatori, vel cuiquam pietatem custodienti, aliquid contra diuina mandata præsumere, nec quicquam quod

quod Evangelicis, vel Propheticis, aut Apostolicis regulis obuiet agere. Et Felix Papa loquens Principi inquit. Constitutiones contra Canones presulum Romanorum, vel bonos mores nullius sunt momenti; Non item de iure consuetudinis, quia nulla consuetudo nullusque usus valet aduersus diuina precepta, ut ostensum est supra ex D. Thoma, & Sacris Canonibus, ergo, ut idem Julius Clarus docet de solo facto seculares Principes puniunt clericum, qui commisit crimen lese maiestatis: factum autem Principis, quod nulla lege defenditur, seu excusatur, non potest esse nisi factum per usurpationem indebitam, & omnino peccaminosam.

Et si quis obijciat, c. cum non ab homine, & c. perpendimus, de sent. excomm. in quibus Clem. Papa 111. declarat occisorem Clerici, scilicet tam priuata authoritate, ut in primo, quam publica, ut in altero, qui contempto clericali habitu tyrannidi, & enormitati se inuerecunde immiscet: in quodum clericalis excessus, & terrorem, atque correctionem similium, canone late sententiae minime coerceri. Respondebimus libere, & secure, quod eo magis ex his ostenditur, nullam Principes de iure habere in clericos delinquentes authoritatem, quia in his capitulis, quicquid sit de literali eorum intelligentia, circa quam variant Doctores. An intelligatur de sola censura excommunicationis per manum violentiam, quod in tali casu non incurratur, An vero de toto priuilegio fori, quo tales clerici spoliuntur. Certum siquidem est, quod in eisdem de sola authoritate Apostolica declaratur, & conceditur, ut occisores talium Clericorum, tam authoritate priuata, quam etiam publica, non cogantur querere absolutionem a censura; quod patet ex ipsa amborum capitulorum litera in fine, ubi superadditur, iniungatur tamen eis poenitentia competens aliquantulum asperior, quam si in laicos talia commisissent. Ex quibus tandem manifeste colligitur, quod nulla in hoc potestas in Principibus secularibus esse declaratur super clericos quomodocunque delinquentes, etiam in crimine lese maiestatis.

Quantum vero ad varietatem doctorum apud eundem Iulium Clarum ibidem relatum, unde Theologus iste indissolubile putat desumere argumentum, a signo, quod ex tanta varietate doctorum colligere contendit, clericos non esse exemptos de iure diuino; Si attendantur clericorum conditiones, de quibus doctores sic varie loquuntur, totum potius oppositum concludere oportebit pro immunitate Ecclesiastica, quod re vera inquam sit de iure diuino, nam doctorum varietas hec, ut patet per totum illud c. 16. Iulij Clari: versatur in clericis, qui per dispositiones Canonicas spoliati sunt priuilegio fori, sicuti sunt clerici coniugati,

Q. 2

qui

qui in habitu, & tonsura non incédunt, vt patet per c. vñcū de clericis coniugatis in 6. & clerici, tam ordinum sacrorum, quam minorum, qui habitu, & tonsura depositis, & contemptis immiscent se enormitatibus, vt constat per c. cum non ab homina, & c. Perperdimus. de sent. excom. & de clericis quibuscunque, qui delictum assassini committunt, vt habetur in c. Vnico de homicidio in 6. & de clericis minoribus, qui non habent beneficia, & consequenter Ecclesijs non seruiunt, vt decretum est nouissime in Concilio Tridentino sess. 23. c. 6. de ref. Circa hos solos clericos sic qualificados variant doctores, quos ibi Iulius Clarus refert: in his nanque omnibus casibus Clericorum; delinquentes Clerici, vt patet in adductis Canonibus sacris declarati sunt non gaudere fori priuilegio. Vnde concludendum est, quod non de ordinaria potestate puniuntur per iudices seculares, sed de sola concessione Sedis Apostolicę quę tales clericos fori beneficio priuat, & priuatos esse sua autoritate declarat, & ideo cum varietas hæc doctorum versetur solummodo circa clericos quī aliquo modo per Ecclesiam sunt fori priuilegio spoliati, & non circa Clericos omnes indifferenter, de necessaria colligitur consequentia, quod vt Principes licite valeant punire clericos delinquentes, oportet tales clericos prius per autoritatē Ecclesiasticam fori priuilegio spoliari, alioquin nullam habuissent in delinquentes Clericos iurisdictionem, & hoc certe non aliam ob causam, nisi quia Clericorum exemptio, & immunitas tam sacrorum, quam etiam minorum, seruientium Ecclesijs sit vere de iure diuino.

Ad vltimum huins rei argumentum, quod pro suo (vt dici solet) Achille magni facit Theologus Venetus dicens ead. pag. 33. Nouellę Iustiniani Imperatoris cum caulta abundantia, & claritate ostendunt, & c. Abundantius, & nos in superioribus conclusionibus elidimus. Demonstrantes, quod eadem immunitas personarum Ecclesiasticarum Dei ipsius ordinatione, & præcepto, ex traditione Apostolorum, vt contestantur tot Sanctissimi Pontifices in recensita serie, fuerit constituta: ante omnes leges Imperatorum. & particularius per testimonium Felicis Papę III. num. 27. eundem Iustinianum redarguentis, vt refert Gratianus X. dist. c. certum est.



L A V S D E O .









